

A
126

γ/μ for γ

11-2-36

Marion

Biblioteca
Vittorio Scajoja

D. R. 1570

JOH. MELCHIOR GOTTLIEB BESEKE

V. ac Phil. Doctoris, Professoris Juris Aca-
demiae Petrinae,

Societatis Francofurtensis et Latinae

Jenenfis Membri,

COMMENTATIO

DE

FRUMENTARIA LARGITIONE


ET

LEGIBVS FRUMENTARIIS

ad

explicanda et illustranda multa iuris et
veterum auctorum loca.

CUM FIGG. AENEIS




Sez. Diritto Romano

MITAVIAE,

apud Jac. Fried. Hinziūm.

MDCCLXXV.

R



SERENISSIMO
CLEMENTISSIMOQUE PRINCIPI ET DOMINO
DOMINO

P E T R O

IN LIVONIA, CVRLANDIAE ET SEMIGALLIAE

D V C I

IN SILESIA TERRARUM WARTEMBERGENSIS BRALI-
NENSIS ET GOSCHUZENSIS

D. Y N A S T A E,

&c. &c. &c.

PATRI PATRIAE
SCIENTIARVM BONARVMQVE ARTIVM
FVNDATORI
MVNIFICENTISSIMO
SACRVM.



PRAEFATIO.

Quod ego iam ante tres annos incepti,
nunc demum perfeci ac edidi *de frumentaria*
largitione legibusque frumentariis opusculum;
atque id quidem, vt prius emitteretur, optabam et laborabam vehementer, sed a-

rant impedimenta ex quibus me expedire non poteram, potissimum cum domicilii mutatio multa afferret, quae a perficiendo isto labore me plane prohiberent. Neque etiam aderant omnia, quibus opus habebam auxilia, ad eruenda enodandaque ex nebulosa ista antiquitate omnia, quae ad hanc materiam referuntur, usque dum Serenissimus Dux Curlandiae, Princeps ac Dominus noster Clementissimus, quem nulla laus attingere poterit, optimorum librorum, quibus bibliotheca berolinensis Germershauseniana instructissima erat, quaeque nunc praeter alias amplissimas librorum collectiones, no-

stro vsui ex summa Principis gratia destinata dicataque est, mihi faceret copiam.

Quae igitur hic habes, Beneuole Lector, non a me vno profecta sunt, attamen non absque meritis hac in re ego. *Vincentius* scilicet *CONTARENUS* iam ante me idem egit, in libro de *Frumentaria Romanorum Largitione*, qui extat in Thesauro Graeuiano Roman. Antiquit. Tom. VIII. p. 928. et ante eundem *Iustus LIPSIUS* in *Electis* Lib. I. cap. VIII. Hic scilicet disiecta tantum in auctoribus quibusdam veteribus membra collegit, non quidem in vnum

4

corpus

corpus, sed potissimum in vnum aceruum, quo quis ea facilius deprehendere posset; nonnulla tamen composuit ita, vt videri posset, quaenam corporis pars extaret, quaenam deficeret. Quicquid hac in re praestitit *LIPSIUS* absoluitur plane explanatione locorum quorundam veterum auctorum; Liuii nempe, Appiani, Sallustii, Suetonii, Dionis, Persii, Coelii, Appuleii; atque continetur in collectaneis de origine frumentationis, de Lege Gracchana, et Clodia, de recensu populi, de curatore annonae, de minutia frumentaria, de pane gradili, atque ea omnia absque ordine dispersa iacent.

cent. Eundem in hoc genere excepit *CONTARENUS* ille, qui ex instituto historiam frumentariae largitionis exponebat ordine, quem ipsa rei conditio exigebat, et modo, qui memini, qui rerum antiquarum avidus est, displicere potest. Narrationem suam incepit ab anno U. C. CCXLVI. et continuavit vsque ad Imperatorum romanorum tempora, omiſſis tamen multis, quae non solum obſervatu digniſſima, ſed etiam ſcitu maxime neceſſaria erant. Ordo tractationis iſtius his continetur capitibus: I. de frumentariae largitionis initio et progreſſione, dum fuit arbitraria II. Leges de frumentaria lar-

gitione. III. De frumentariis Principum largitionibus. IV. de pane pro frumento dari coepto. V. de modo frumenti. VI. de iis quibus dabatur publicum frumentum. VII. de numero accipientium publicum frumentum. de iis, qui curabant publicum frumentum. IX. de iis, qui frumentum distribuerunt. X. de frumentariis provinciis.

Quapropter tertius ego, et *LIPSIO* et *CONTARENO* usus sum; hunc potissimum in enarranda frumentationis historia secutus, ex instituto omnes, quas inuenire potui leges frumentarias, suis locis posui et expli-

cavi, quantum poteram; Non enim satis suffultus eram a commentatoribus ad Pandectas aut ad Codicem Justinianum; vnicus Jac. Gothofredus commentario suo ad Codicem Theodosianum me adjuuit, qui scilicet mirabili studio antiquitates enucleauit, et ita exposuit, vt omni ceterorum commentatorum opera carere possimus. Tantus in commentando erat, vt fere ne vnum quidem verbum inexplicatum et obscurum praetermitteret, atque ex ipsis fontibus hauriret commentarium suum optima fide.

Atque vt nunc ego quidem exponam,
Beneuole Lector, quid hac in re praestite-
rim,

rim, hunc habeas indicem. In quatuor capita totum diuisi pro ratione temporum et status frumentationis opusculum. In primo capite differui de origine frumentariae largitionis et vicissitudinibus vsque ad Legem Semproniam, hoc est, ab a. U. CCLXXVIII. ad a. U. DCXXX. Occasione frumentariae largitionis et origine explicata, singulas largitiones et quidem decem earum enumeravi, quippe quae nec eandem habebant rationem et modum, nec in perpetuum ius tranfibant, vsque dum leges de ea ferrentur, quas caput secundum exhibet, vbi Vicissitudines frumentariarum largitionum a.

L. Gracchana vsque ad Augustum Imp. hoc est, ab a. U. DCXXX. vsque ad a. U. DCCLI. et quidem Legem Liuiam, Syllanam legum frumentariarum abrogationem, Legem Terentiam et Cassiam, SCtum Catonianum, Legem denique Clodiam exposui. In tertio capite Vicissitudines largitionum frumentariarum sub Imperatoribus ab Augusto vsque ad Justinianum tractaui. Et demum quarto capite statum frumentationis sub Justiniano proposui et collationem Codicis Justiniani cum Theodosiano institui. Adjeci adhuc indicem eorum, qui extraordinario annonariae causae munere sub nomine praefectorum vel curatorum

torum

torum annonae functi sunt, quatenus eorundem notitiam habere potui. Vtere igitur, Beneuole Lector, mea opera, qualisqualis est, et quae dicta aut indicta sunt in bonam partem verte.





Caput I.

*De Origine frumentariae largitionis
et Vicissitudinibus usque ad Le-
gem Semproniam, hoc est:
ab a. U. CCLXXVIII. usque ad
a. U. DCXXX.*

§. I.

Frumentaria largitio quid?



Cum frumentariam largitionem, per distribu-
tionem frumenti, plebi aut gratuitam, aut
pro vilissimo pretio factam, explicarem,
mirari quis posset et dubitare, num recte id di-
ctum sit, cum largitio donationem significet, fru-
mentique plura genera sint. Attamen quoniam
non is solum donare dicitur, qui gratis dat, ve-
rum etiam qui ex pretio aliquid detrahit, cur non

A

uteremur

vteremur *largitionis* nomine, iis quoque temporibus vſitato, quibus a Senatu et magistratum arbitrio, leuiſſimo pretio in modios aestimato, venderetur frumentum, quae posterioribus temporibus gratuita fuit? *Frumenti* nomen tam late patet, vt triticum, milium, far, hordeum complectatur, vno verbo, omnes fruges, quae legumina non sunt. Hocque modo vſos eſſe Romanos frumenti nomine, ex THEOPHRASTO docet PLINIUS *Hiſt. Nat. Lib. XVIII. cap. VII.* et poteſt quoque ex LIIII et DIONYSII HALICARNASSEI locis, inter ſecollatis, intelligi. Quod enim ſcribit LIIII *Lib. II. a. U. CCLXIII. ex Etruscis frumentum Tiberi veniſſe*, id aperte prodit DIONYSIUS *Lib. VII. fuiſſe milium et far*, cum initio eius libri miſſos tradat legatos in Etruriam *σίτον ὅσον ἂν δύναιντο πλεῖστον ὠνησομένους*, ad frumenti vim, quantam maximam poſſent, comparandam: et alibi eorum munus appellet *σιτωρίαν*, frumenti emtionem. Ex quibus perſpici poteſt *σίτῃ* nomine a Graecis, et *frumenti* a Latinis non triticum modo, ſive *πυρρόν*, ſed multas praeterea fruges, et inter eas *far*, ſignificari. Id in tanto vſu apud Etruſcos erat, vt magnam eius vim ſupeditare vicinis poſſent. Et PLINIO teſte *Lib. XVIII. cap. VII. farre tantum e frumento, id eſt, ex omnibus frumenti generibus, trecentis annis uſi ſunt Romani*. Atque neceſſe quidem erat, vt hic, antequam de ipſis largitionibus verba facerem, explicarem ſatis mentem meam, ne, relictis quibusdam obſcuris,

obscuris, dubia exoriantur, quae diligentius inspecta sponte euanescunt, et ut potissimum antiqua illa scriptorum loca, quae probationibus nostris inseruiant, illustrentur. Non enim in vlla frumenti largitione antiqua, cuius memoria exstat, mentio generis certi vnquam facta est, sed mox far, mox triticum, mox alia frugum species intelligenda est, adeo ut ex vivendi agrorumque colendorum ratione iudicandum sit, quaenam fruges sint. Ita ex modo allato PLINII loco liquet, vsque ad a. U. CCC. omnes frumentarias largitiones farre constituisse, nisi volueris in aliam sententiam; LUIO suatore, declinare, vsque ad a. U. CCCLXV. vfos fuisse Romanos farre, *Lib. VII.* Equidem Plinianam auctoritatem praefero, CCC annos solo farre vfos fuisse Romanos, sequentibus temporibus alia quoque frumenti specie: an mox, cum luxuria in dies cresceret, aliae species vsitatae fuerint, et quando id, dubium mihi est.

Frumentationis nomen non nisi post latas leges usurpatum fuisse, CONTARENUS observauit, et id quidem praesertim AUGUSTI aevo. *Frumentatores* ii vocantur, qui curam annonae habent, potissimum, quod initio fuit, ii sic audiebant, qui mittebantur ad alias gentes, ut frumentum coemerent, atque Romam afferrent. LUIUS *Lib. II. c. XXXIV.* *periculum*, inquit, *ab impetu hominum ipsis frumentatoribus fuit.*

§. II.

Frumentariae leges quae dicantur?

Explicata iam iam largitionis frumentariae et frumentationis natura, facile exinde perspicui poterit, quænam *leges* dicendæ sint *frumentariae*; eae nempe, quæ de *frumentaria largitione* disponunt. Vno nomine a plerisque dici solent *frumentariae*; a COELIO *Epist. VI. Libri XVIII. inter Ciceronianas* ad familiares *alimentariae* appellantur; ab ASCONIO in *Pisonianam annonianae*, sive, ut placet viris eruditissimis, *annonariae*. Graeci *σιτικῶν νόμους*, et frumentationem *σιτισίαν* appellant. Leges hae inde ab aetate C. GRACCHI, usque dum veniret respublica in vnius potestatem inter varias vicissitudines fluctuarunt, quas enumerare omnes, instituti ratio deposcit.

§. III.

Occasio frumentariae largitionis.

Primis quidem Reipublicae Romanae temporibus maxima rei agrariae cura erat, tum regibus, tum priuatis, ut iam ab incunabilis eius *leges agrariae institutorum ciuiliū initia* essent, uti a ROMULO primum id factum esse, VARRO *in Lib. I. de Re Rustica* prodit, qui *agrum duorum iugerum viritum primus diuisit*. Crescente autem in diem ciuium Romanorum multitudine, quorum paucissimi agros possiderent, ingliscente luxuria, atque intemperantia, irrepentibus sumptibus, parcimonia potioribus,

potioribus, grassantibus denique bellis ciuilibus, quidnam prius exoriri poterat, inopia omnium istarum rerum, quae ad vitam sustinendam maxime necessariae erant, frumentorum victusque; vt itaque non mirer, cur vellent Romani frumentum publice sibi suppeditari, nec curarent ipsi rebus suis. Ita sine dubio alludit PLUTARCHUS in CATONE Maiore *Populum Romanum importune ad frumentarias largitiones ruentem, vt auerteret, ita exorsus est: Difficile est, Quirites, ad ventrem, aurium expertem, verba facere &c.* Cui adhuc accedit, quod plebs, propter internas seditiones, suasque varias secessiones opibus exhausta, inopiae suae causam in patriciatu quaereret, nec aliter placari posset, nisi factis quodammodo largitionibus, potissimum frumentariis, quo gratiam sibi conciliarent magistratus, aut nisi largitiones essent, tamen curae. Quod indigitare videtur LUIUS Lib. II. c. IX. statim post Reges exactos Senatum curam frumentorum habuisse, cum scriberet: *Multa blandimenta plebi per id tempus ab Senatu data, annonae imprimis habita cura; et ad frumentum comparandum missi alii in Volscos, alii Cumas.* LIPSIUS nimis liberaliter hunc locum de prima largitione sumsit; CONTRARIUS vero nimis seuerè illum reprehendit, vt vtrique assentiri non possimus. Nolumus tamen cum duobus tanti nominis viris disputare, et potius ab vtraque parte stare, et locum hunc de prima cura accipere, quae publica frumenti fuit;

et mittamus quaestionem, vtrum largitio prima fuerit? quāe nisi probabilis est, tamen suspicari eam ex hoc loco possemus, si modo vnum adhuc antiquitatis obscurae documentum accederet. CONTARENUS rejecto errore Lipsiano ipsum locum non vsurpatum relinquit. Utamur igitur nos. Atque ista quidem cura maxime necessaria erat, cum ab Etruscis vrbi obsidio immineret, ideoque exinde nihil frumenti adueheretur, ne plebs cum vastari agros, ardere tecta, omnia extra urbem ferri agique, urbem ipsam vexari videret, ad regum obsequium rediret fessa tot malis: quibus si fames accederet, ne Dii quidem, vt est apud LIUIUM *Lib. V.* servare urbem possent. Superantur enim humana omnia mala; fame vna natura vinci non finit. Quod itaque LIPSIUS tamquam originem largitionum prodidit, illud solum occasio est; quod contra CONTARENUM contenderem, nisi omnia hisce temporibus essent obscurissima.

§. IV.

Mos largiendi antiquus.

Antequam autem ad ipsam frumentationis originem demonstrandam progredimur, non a re nostra plane alienum erit, explicare, quid sibi velit antiquus, quem LIUIUS describit, mos, scilicet *bonua Porfennae vendere*. Is enim auctor *Lib. II. cap. XIV.* mos, inquit, *traditus ab antiquis, usque*

que ad nostram aetatem inter cetera solemnid manet bonis vendendis, bona Porfennae regis vendendi. Quod cum valde obscurum esset, ipsius quoque **LIUI** sententia, explicare conatus est his verbis: Cuius originem moris necesse est, aut inter bellum natam esse, neque omissam in pace: aut a mitiore creuisse principio, quum hic prae se ferat titulus, bona hostiliter vendendi. Proximum vero est ex iis, quae traduntur: Porfennam descendantem ab Janiculo, castra opulenta, conuecto ex propinquis ac fertilibus Etruriae aruis commeatu, Romanis dono dedisse; inopi tum vrbe ab longinqua obsidione. Ea deinde, ne populo immisso diriperentur hostiliter, venisse, bonaque Porfennae appellata, gratiam muneris magis significante titulo, quam auctionem fortunae regiae, quae ne in potestate quidem Populi Romani esset. Vtrum haec pro prima largitione frumentaria, ob verba scilicet *ex fertilibus Etruriae aruis commeatu*, cui accedit, uti infra videbimus, Etruriam fuisse frumentariam prouinciā, habenda sit, nec ne, ego non decidam. Videtur tamen, nisi prima est, ad occasionem subsequantium frumentationum aliquid contulisse.

§. V.

Prima largitio a U. CCLXXVIII.

Jam vero necesse est, ut edoceamus quae clariora sunt, et caput omnium largitionum frumentariarum indicemus. Prima igitur, quod pro certo secundum ea, quae adsunt testimonia, affir-

mare vellem, facta est a M. MARCIO Aedil. pleb. quam PLINIUS *Lib. XVIII. c. IH.* notasse videtur hac ratione: *M. Marcius, Aedil. pl. primum frumentum populo in modios assibus donauit.* Quodsi igitur verum est, hunc M. MARCIUM primum Aedilem fuisse, verum quoque est quod LIPSIUS hanc largitionem nominet primam. Dubium illud quidem est, sed desunt tamen rationes, quibus contrarium probari possit. Nam altero ab Aedilibus creatis anno, gerentibus eum magistratum SICIPIO et BRUTO, Senatus in summa annonae caritate, et pecuniae inopia frumentum, leuissimo pretio aestimatum, populo diuisit; ex hoc itaque prior sententia pro M. MARCIO primo distributore maximum, quod tam obscuris temporibus potest accipit pondus.

§. VI.

Secunda largitio a. U. CCLXXX.

His itaque praesuppositis, Marcianam largitionem primam fuisse, ea quae a Senatu biennio post facta, secunda est A. U. nempe CCLXXX. T. GEGANIO MACERINO, et P. MINUCIO *coff.* agitata est in Senatu, *quanti frumentum plebi daretur.* Erant, qui partim donandam, partim vendendam putarent, idque plebs exspectabat; sed MARCIUS CORIOLANUS, tribuniciae potestatis hostis acerrimus, qui contra sentiebat, obiurgando negauit laxandam annonam, cui Senatus frequens, ambitione
atque

atque avaritia corruptus, assensus est. Quis enim poterat e plebe istum superciliosum hominem ferre, et quis ex Senatu non assentiri, cum oratione ardoris plena et temeritatis exsurgeret; *Si annonam, inquiebat, veterem volunt, ius pristinum reddant Patribus.* Cur ego plebeios magistratus, cur Sicinium potentem video, sub iugum missus, tanquam a latronibus redemptus. Egone has indignitates diutius patiar, quam necesse est? Tarquinium regem qui non tulerim, Sicinium feram? Secedat nunc, auocet plebem, patet via in Sacrum montem, aliosque colles. Rapiant frumenta ex agris nostris, quemadmodum tertio anno rapuerunt. Utantur annona, quam furore suo fecere. Audeo dicere, hoc modo domitos ipsos potius cultores agrorum fore, quam ut armati per secessionem coli prohibeant. Quamobrem ei tribuni diem dixerunt. Plebs ira exarserat, neque erat obscurum, suffragio ulturam dolorem suum. Patres igitur, ut MARCIUM eriperent, seque ac potentiam suam fartam testam aduersus crescentem in dies plebis impotentiam tuerentur, omni ope atque opera enisi sunt. Inter cetera lenimenta factum est SCtum, ut frumentum, et res omnes ad victum necessariae tanti essent, quanti minimi fuissent ante seditionem. Frumentum gratis ut daretur, in tanto discrimine a Patribus impetrari non potuit; nec de ea re plebs vnquam laborauit, adeo ut pecuniam acceptam pro frumento Siculo CASSII rogatione sibi retribui recusauerit. LIVIUS Lib. II. c. XLI.

haec habet: *Cassius*, ut sibi reconciliaret civium animos, iubet pro Siculo frumento pecuniam acceptam retribui populo. Id vero haud secus, quam praesentem mercedem regni, adspersa est plebs: adeo propter suspicionem insitam regni, velut abundarent omnia, munera eius in animis hominum respuebantur. Quod vero ipsum Sctum attinet, auctor est *LIUVIUS Lib. II. c. XXXIV. et XXXV.* Eo anno, inquit, quum et foris quies omnia a bello essent, et domi sanata discordia, aliud multo gravius malum ciuitatem inuasit. Caritas primum annonae, ex incultis per secessionem plebis agris: famies deinde, qualis clausis solet, ventumque ad interitum seruitiorum vtique et plebis esset, ni. consules prouidissent, dimissis passim ad frumentum coëmendum, non in Etruriam modo dextris ad Ostia littoribus, laeyoque per Volscos mari usque ad Cumas, sed quaesitum in Siciliam quoque. *M. MINUCIO* deinde et *A. SEMPRONIO* *coff.* magna vis frumenti ex Sicilia aduecta est, agitatumque in Senatu, quanti plebi daretur. *DIONYSIUS Halic. Lib. VII. T. GEGANIO MACERINO*, inquit, et *PUBLIO MINUCIO* *coff.* *magna annonae caritas urbem inuasit, ex secessione orta.* Plebs enim a patriciis secesserat post aequinoctium autumnale sub ipsum sementis initium, agerque per hos motus a colonis desertus est, dum ditiores Senatum et patricios, at mercenarium vulgus plebis partes sequitur. Qua inopia frumenti cognita, Senatus legationes dimisit

De Origine frumentariae largitionis &c. II

dimisit in Etruriam et in Campanos et Pometinos campos, ad coëmenda frumenta quanta possent maxima. Cum vero, antequam hoc frumentum aduectum esset, secessiones accederent, non statim distributum id est, sed ex sententia MARCI CORIOLANI asseruatum; is enim in oratione ad Senatum habita, teste DIONYSIO, *conmeatus*, inquit, *asseruandos censeo, nec remittendum quidquam de vngulium pretio, sed quanti unquam in summa caritate venierunt, tantidem et nunc esse vendenda: cum iustas habeatis occasiones, et rationes consentaneas: quia scilicet ingrata plebs hanc caritatem, quae propter ipsorum secessionem accidit, vos machinatos clamat* &c. Sententiae diuidebantur, et CORIOLANUS inter dissentientes tumultuantesque patricos maiorem partem nactus est; SICINIUS vero saepius ad convocatum populum verba fecit, Marcio diem dixit, et pacis condiciones obtulit. Agitatis deinde adhuc vehementer concionibus, eo pertentum est, ut damnato MARCIO iudicium plebi concederetur in patricos et postea largitio ista fieret, de qua hic nobis oratio est. Scriptoribus hisce accedit PLUTARCHUS in *Coriolano* p. 219. seq. edit. Sylburg. siue potius Cruserii et Xylandri.

§. VII.

Tertia largitio a. U. CCCXIV.

Exorta iterum grande fame SP. MAELIUS ex equestri ordine, ut LIVIUS refert *Lib. IV. c.*

XIII.

XIII. rem vtilem pessimo exemplo, peiore consilio est adgressus, frumento namque ex Etruria, priuata pecunia per hospitum clientiumque ministeria coemto, quae res ad leuandam publica cura annonam impedimento fuerat, largitiones frumenti facere instituit: plebemque hoc munere delinitam quocunque incederet, conspectus elatusque supra modum hominis priuati secum trahere. Huius vero consilia oppressit Senatus, et sextus creatus est T. QUINCTIUS CAPITOLINUS consul, collega additus AGRIPPA MENENIUS, et L. MINUCIUS praefectus, cui prima publica annonae cura oblata est, quo Senatus impediret, ne priuatis largitionibus, vti a MAELIO intendebatur, plebs amoueretur ad has, vel illas seditiones, priuatis hominibus auctoribus. Hic itaque MINUCIUS eandem publicam curationem agens, quam MAELIUS priuatim agendam susceperat, ad Senatum retulit Maelianam suspicionem. Nihil autem constat, nisi in libros linteos vtroque anno relatum inter magistratus praefecti nomen. PLINIUS adiuvat nos in tanta incertitudine *Lib. XVIII. c. XIII.* MINUCIUS AUGURINUS, inquit, qui SP. MAELIUM arguerat, *farris pretium trinis mundinis ad assen redegit;* quod praeceunte CONTARENO ita accipiendum est, vt L. MINUCIUS frumentum Maelianum, assibus in modios venale proponendo, adeo pretium eius imminuit, vt breui tantidem in foro praestaret. Assentitur LIUIUS *Lib. IV. c. XVI.* Ab hoc igitur

tur tempore, quo L. MINUCIUS primus praefectus annonae factus, omnes frumentariae largitiones ad publicam curationem reuocatae sunt, nè quis priuatus sub hac specie imperium aliquod sibi arrogaret. LIUIUS *Lib. XVII. c. XIII.* SP. MAELIO deinde, iussu Dictatoris L. QUINCTII per C. SERULIUM AHALAM magistrum equitum interfecto domum, vt monumento area esset oppressae nefariae spei, dirui extemplo, iussit populus, et L. MINUCIUS boue aurato extra portam Trigeminam est donatus. LIUIUS *Lib. IV. c. XVI.* Vbi *bouem auratum* corrupti loci legere vult LIPSIUS, quia non persuadetur, rudi illa aetate statuas fuisse auratas, quae multis annis post Romae non leguntur, et testibus vtitur VALERIO *Lib. II.* et AMMIANO *Lib. XIV.* qui notant, *statuam auratam nec in vrbe, nec in vlla Italiae parte visam, priusquam a M. Acilio Glabrione patri poneretur in aede pietatis, quod fuit a U. DLXII.* Códex eius vetustus legebat *Minucius bñ. auro*, quod corrigit *boue et agro*, quod non a veritate plane alienum deprehendo. Nescio, vtrum PLINIUS *Lib. XXXIV. Hist. Nat. cap. V.* idem illud indicare voluerit, dum inquit: *Publio Minucio praefecto annonae extra portam Trigeminam columna vnciaria stipe, tollata.* Sane voluit in hoc capite de primis statuis differere, sed quam pugnet cum Liuii auctoritate, ipse vides; quid vero contra explicationem loci Liuiani hoc testimonium efficiat, ex compa-
ratione

ratione auctoritatis VALERII et AMMIANI iudices.

§. VIII.

Quarta largitio a. U. CCCLXV.

Repetitas esse saepius tales largitiones non alicui mirum esse potest, cum nonnumquam accideret, ut a colendis agris populus per seditiones, bella, secessiones, et pestilentiam amoveretur, non vero omnium certa exstat mentio, aut plane nulla. Ita Manliana largitio, non nisi ex duobus locis colligi potest, non quasi facta esset, sed potius intentata tantum, circa a. U. CCCLXV. *LIUIUS Lib. VI. c. XVII.* refert in accusatione M. MANLII, affectati regni damnati, inter alias voces exprobrantium auditam esse M. MANLII gratiam, *felibrisne farris gratiam seruatori patriae relata?* qui locus CONTARENO effugit, alium producenti; *uniuersi felibras farris, et quartarias vini ad aedes eius, quae in arce erant, contulerunt.* Sed tam obscura haec sunt, et tam ambigua, ut nihil possim addere.

§. IX.

Quinta largitio anni incerti.

Alia adhuc TREBII largitio notanda est, quae incertior fere priori, cum illam *LIUIUS* plane praetereat, nec *DIONYSIUS* attingat, ut ne annum quidem indicare possim. Quamquam autem huius largitionis obscura sunt tempora, ordo tamen,

tamen, quo commemorantur a PLINIO, et pretii levitas faciunt, hanc ante eas factam, de quibus mox dicam. PLINIUS Lib. XVIII. auctor est, quod TREBIUS, ut superiores, populo frumentum assibus in modios praestiterit.

§. X.

Sexta largitio a U. CCCCLIII.

Aliam adhuc addam largitionem, a nemine, uti ego arbitror, hucusque observatam, a Q. FABIO MAXIMO Aedil. curul. factam, T. MANLIO et M. FULVIO PAETO *coff.* a. U. CCCCLIII. Eo enim anno ob bellum cum Etruscis magna premebatur Populus romanus frumenti inopia, uti LIIIVS Lib. X. c. XI. narrat. *Caritas etiam annonae;* (praeter curam in Etruscos et Samnites) inquit, *solicitam civitatem habuit: ventumque ad inopiae ultimum foret, ut scripsere, quibus aedilem fuisse eo anno Fabium Maximum placet, ni eius viri cura, qualis in bellicis rebus, multis tempestatibus fuerat, talis domi tum in annonae dispensatione, praeparando ac conuehendo frumento fuisset.*

§. XI.

Septima largitio a. U. DL.

A. U. DL. licet annus incendio insignis esset, et aquarum multitudine, annonae tamen vilitas fuit, cum pace omnis Italia aperta esset, potissimum haec fuit ratio, quia, ut LIIIVS Lib. XXX. c. XXVI.

c. XXVI. testis est, magnam vim frumenti ex Hispania missam M. VALERIUS FALTO et M. FABIVS BVTIO, *Aediles curules quaternis aeris vikatim populo descripserunt.* Atque ea quidem vilitas, PLINIO teste, inde orta, quoniam anno superiore, quo Mater Deum aduecta Romam fuerat, Italia tantam frugum copiam tulisset, vt maior ea aestate, quam antecedentibus annis decem.

§. XII.

Octaua largitio a. U. DLII.

Biennio post et quidem exitu anni U. DLII. L. VALERIUS FLACCUS et L. QUINCTIVS FLAMINIVS, *Aediles curules ingentem vim frumenti, quod ex Africa P. SCIPIO miserat, quaternis aeris populo cum summa fide et gratia diuiserunt,* LIIIVS *Lib. XXXI. c. IV.*

§. XIII.

Nona largitio a. U. DLIII.

Anno insequenti U. DLIII. Aediles curules, MARCELLVS et PAETVS iterum frumentum dimidio minoris, id est, binis aeris diuiserunt. LIIIVS enim scribit *Lib. XXXI. c. L. Annona quoque eo anno peruilis fuit. Frumenti vim magnam ex Africa aduectam aediles curules, M. CLAVDIVS MARCELLVS et SEX. AELIVS PAETVS binis aeris in modios populo diuiserunt.*

§. XIV.

§. XIV.

Decima largitio a. U. DLVII.

Anno U. DLVII. Aediles curules M. FULVIUS NOBILIOR et C. FLAMINIUS tritici centum millia binis aeris populo diuiferunt: id C. FLAMINII honoris causa ipsius patrisque aduexerant Siculi Romam. FLAMINIUS gratiam eius communicauerat cum collega. LIUIUS *Lib. XXXIII. c. XLII.*

§. XV.

Hae sunt omnes, quas inuenire potui, largitiones, usque ad Maelianam, priuatae creato primo praefecto annonae Lucio Minucio, publicae factae, ita, ut criminis attentati regni aliusque seditionis accusaretur is priuatus, qui frumentum plebi, inopia laboranti, distribuere vellet. Vnica tantum priuata largitio, Seiana nempe, occurrit adhuc in historiae romanae scriptoribus, de qua vero in sequenti periodo videamus. Neque ego dubito, quin multae fuerint omissae a LIUIO et PLINIO, quarum memoria si extaret, haud paulo essent hae, quas recensuimus, clariores atque illustriores.

§. XVI.

Distributores frumenti.

Cum a priuatis ad magistratus transirent frumentariae largitiones, ita ut primitus Aediles ple-

B

bis,

bis, a U. CCCXIV. vero Aediles curules publicam eius ac perpetuam acciperent curam, hi quoque distributores frumenti, auctore LUIO et PLINIO, videntur fuisse. Nunquam enim inueni aliquam ab alio factam esse. Hi quoque, cum nunquam certa frumentantium multitudo determinata esset, nec frumenti quantitas fixa, ii erant, a quorum arbitrio dependebat, quanti vendere plebi vellent, habita ratione frumenti copiae eiusque pretii, quanti ex prouinciis Romam aduehebatur, vnde quoque euenit, vt pretium auctum, mox imminutum deprehenderetur. Distribuebatur frumentum vicatim, vt oleum aliquando LUIO teste Lib. XXV. cum summa fide et gratia, id est, vti ego interpretor, nulla habita, aut proprij, aut amicorum et clientium commodi praecipua ratione, sed admissa plebe vniuersa ad publicam liberalitatem. LUIUS Lib. XXXI. c. IV. Nunquam autem praefecti annonae iterum LUIUS mentionem facit post MINUCIUM, vt fere crederem, extraordinarium hoc seculo, aut coniunctum cum Aedilitate fuisse hoc munus; immo mox vnus, mox vterque Aedilis distribuebat, vt in AUGURINA, FABIANA, et TREBIANA largitione. Quapropter nescio, cur miretur CONTARENUS, quod MARCIUS et TREBIUS soli hanc curam gesserint, nec communicarent gratiam eius cum collega; et adeo suspicetur, hosce largitos esse frumentum, aut inconsultis, aut repugnantibus. Sed non ita est CONTARENE!

Scimus

Scimus enim AUGURINUM Aedilem curulem solum annonae praefectum creatum esse, ob seditiosam MAELIANAM largitionem, huncque et FABIUM quoque solas, non adhibitis collegis suis, ut ideo non contra consuetudinem id factum esse censeamus; sed credo ego, subsequenter temporibus cum frequentiores fierent distributiones et maiores, utrumque aedilem eandem sibi communicasse.

§. XVII.

De numero frumentantium.

De numero frumentantium huius seculi nihil traditum est, sed potius vniuersa plebs ad aquas partes admissa esse videtur. LUIUS XXXI. c. IV. nec ante legem Grachanam numerus certus determinatus est, quod non mirum, cum arbitraria & rara esset largitio, et nunc maior, nunc minor frumenti numerus adueheretur. Quod Principum temporibus valde mutatum deprehendo, ubi tenuiores tantum acciperent, siue ingenui essent, siue libertini; siue nobiles, siue obscuri.

§. XVIII.

De frumentariis prouinciis.

De frumentariis prouinciis, id est, hoc seculo iis, unde frumentum coëmebatur, Romamque aduehebatur, id certum est, nominari potissimum ETRURIAM, AFRICAM, et SICILIAM; nec usque ad Legem TERENTIAM vlla vestigialis facta est,

fed vsque eo sumtibus aerarii frumentum coemtum pro pretio viliori distribuebatur. Postea autem, et praecipue Imperatorum temporibus, variae prouinciae frumentarium canonem quotannis praestare debebant, vnde frumentariae vocabantur.

Caput II.

Vicissitudines largitionum frumentariarum a Lege Grachana vsque ad Augustum Imp. hoc est:

*ab a. U. DCXXX. vsque ad
a. U. DCCLI.*

§. XIX.

Lex Sempronia.

Ab anno U. DLVII. quo FLAMINIANA facta erat largitio vsque ad C. SEMPRONIUM GRACCHUM a. U. DCXXX. quod spatium LXXIII. annorum est, nullius largitionis a romanae historiae scriptoribus fit mentio: ex quo tamen nulla ratione concludi potest, nullam factam esse, quod, si suspicari tantummodo quis vellet, incredibile foret. Ego potius diuinari vellem, Aediles curules saepius frumentum aduehendum et distribuendum curasse, ac antea id factum est, et adeo vt veri simile assumerem,

merem, quotannis fere factam esse largitionem, hisce rationibus motus: prima, quod non solum multitudo ciuium romanorum, et simul luxuria et ignauia in agris colendis cresceret, sed vno verbo omnes rationes adhuc adessent, quae antiquitus largitiones suaderent, bella nempe, seditiones, et aurae populares magistratum: secunda, quod iam inde a FABIANA largitione in perpetuam consuetudinem largitionum curae declinarent, cum anno U. DL. a. DLII. a. DLIII. a. DLVII. repetitae, fere quotannis essent. Quod vero, nemo scriptor posteriorum largitionum mentionem faciat, id fortasse inde euenisse credo, quia largitiones huius temporis subsecuti, tamquam res ordinariae non amplius tanta memoria digna censerentur. Ast nihil addam; dinationes tantum sunt. Ad Grachanam progrediamur. Quae igitur hucusque arbitrariae, non fixis temporibus recurrentes, fuisse largitiones, per C. SEMPRONIUM GRACCHUM in statas ac petpetuas frumentationes mutatae sunt, a. U. DCXXX. primo tribunatu; teste LUIO *Epit.* LX. ubi sic habetur. *C. Grachus trib. pl. perniciosas aliquas leges tulit, inter quas frumentariam, ut semisse et triente frumentum plebi daretur.* PLUTARCHUS in *Gracchis*: τῶν νόμων, ὃς εἰσέφερε τῷ δήμῳ χαρίζομενος, ἦν σιτικὸς, ἐπενωνίζων τοῖς πένησι τὴν ἀγορὰν. Quas in populi gratiam leges promulgabat, earum una fuit frumentaria, qua pauperibus frumenti pretium minuebatur. Quo magis exosa ista lex erat patribus,

et aerario pernicioſa, quippe quod exhauriretur tam vili pretio recepto, pro multo maiori ſoluto, eo grator plebi, vt CICERO in *Sextiana* ſcriberet: *Frumentariam legem C. Gracchus ferebat, repugnabant boni, quod et ab induſtria plebem ad deſidiam auocari putabant, et aerarium exhauriri videbatur.* Idem in *Lib. II. de Officiis*: *C. Gracchi frumentaria magna largitio fuit: exhauriebat igitur aerarium.* Et *Tuſcul. III. effuſiſſe maximis largitionibus aerarium dicitur.* Extat quoque apud PRISCIANUM *Lib. III. orationis C. Gracchi fragmentum; Aerarium delargitur P. R.* Tam vile quoque pretium a multis tanquam nullum habitum eſt, vt magis donationem appellarent, quam venditionem, quod fecit APPIANUS, de *Bell. ciu. Lib. I. pag. 362.* cum ſcribit GRACCHUM *σιτηρέσιον ἔμμενον ὁρίσας ἐκάσῳ τῶν ἡμετέρων ἀπὸ τῶν κοινῶν χρημάτων, οὐ πρότερον εἰσόδος διαδιδόσθαι* *Frumentum menſtruum publica pecunia coemptum viritim populo conſtituiſſe,* quod nunquam ante factum eſſet. Neque eam ab cauſam erroris accuſandus eſt APPIANUS, vti LIPSIUS fecit. Idem dixit PLINIUS de Marciana largitione, cum proderet M. MARCIUM populo frumentum in modios *affibus donaviſſe;* et FLORUS *Lib. III. c. XIII. inopem populum vixiſſe, ait, ex aerario ſuo.*

§. XX.

Distributores.

Vidimus, in poſteriori aeuo Aediles curules poſtremo annonae curam habuiſſe, quod vſque ad Grac-

Vicissitudines largitionum frumentar. Ec. 23

Gracchanas largitiones durasse veri est simile; c. GRACCHUS vero hac lege sua fortasse ad tribunos plebis eandem curam reuocauit, cum is tribunus plebis legem rogaret, et ipse praefuisse annonae, aut saltem distributioni adfuisse videtur; idque colligerem ex CICERONIS verbis *Tuscul. III. Piso ille frugi semper contra legem frumentariam dixerat. Is lege lata consularis ad frumentum accipiendum venerat. Animaduverterat Gracchus in concione Pisonem stantem. Quaerit audiente Populo R. qui sibi constet, cum ea lege frumentum petat, quam dissuaserat. Nolim, inquit, mea bona, Gracche, tibi viritim diuidere liceat. Sed si facies, partem petam.*

§. XXI

*Quibus frumentum distribuebatur et
numerus frumentantium.*

Si PLUTARCHI locum cum Liuiano conferimus, haec comparatio nos credere facit, C. GRACCHUM nonnisi tenuioribus et pauperibus ciuibus per legem suam frumentum distribui voluisse, exceptis ditioribus ac ceterarum classium, quam proletariorum, census. Imo nobiles, et magistratibus functos accepisse frumentum ex Ciceroniano loco *Tuscul. III. ex PISONIS exemplo diuinare. Posterioribus temporibus etiam Senatores, libertini accipiebant, non peregrini, nisi prius ciuitate donati fuissent. Neque ego negare possum, C. Gracchum numerum certum frumentantium descripsisse,*

vt potius hoc crederem, ne tam indefinita fieret distributio.

§. XXII.

Quantitas frumenti.

Atque id quidem, quod distribuebatur, menstruum erat, singulis mensibus distribuehdum, in quo omnes auctores consentire credo. Clarius testimonio APPIANI habere non possumus, qui scribit σιτηρέσιον ἑμνηνον ὁρίσται ἐκάστῳ τῶν δημοτῶν ἀπὸ τῶν κοινῶν χρημάτων. *Frumentum menstruum publica pecunia coemptum viritim populo constituisse.* Etiam si deficerent illorum testimonia, quia vetustate laborant omnia, ex largitionum modo subsequen-
 tium temporum id tamen colligendum esset, ubi omnes distributiones mensurae erant; nec vltum ego inueni locum, unde suspicari possem, idem, quod recentioribus temporibus hac in re obtinuit, olim secus fuisse. Quantitas vero frumenti & modus, secundum legem Gracchanam distribui soliti, quis fuerit, a me determinari nequit, licet credam, GRACCHUM primum de hisce rogasse. Argumento tamen quodam utar, quod alii videant, num sufficiat. Scimus enim per legem Terentiam, de qua infra, repetitam esse legem hanc Semproniam, illamque nobis asseruatam esse per concionem MACRI ad plebem, apud SALUSTIUM *Lib. III. p. 974. ed. Cort.*, habitam; qui cum largitionem a Senatu tum temporis factam
 exte-

extenuaret, silentio praeteriit, largiorem fuisse GRACCHUM, quam patres; quod si fuisset tribunus ille, certissime credo, MACRUM hoc contra patrum largitionem vilem adduxisse, cum exilitate huius largitionis impotentiaque patrum in studium tribuniciae potestatis exardesceret. Paremi igitur fuisse Terentiae et Gracchanae legis modum, (hoc est, *quinos modios*) fuisse videtur, cum patres ad deliniendam plebem non minus largiri poterant, quam tribunus, nec plus largiri opus illis erat, si modo lex Gracchana ad plebis voluntatem restaurata fuisset. Ego argumentum hocce probare non possum, quia omnem suam vim amittit, quod idem MACRUS Senatum iniuriatur ob exiguam menstrui quantitatem, quum inquit, *qua tamen quinis modiis libertatem omnium aestimauere*; illudque menstruum cum alimentis carceris comparat.

§. XXIII.

Frumenti pretium.

De pretii vilitate extat LIUII locus, *semissibus nempe ac trientibus*, sine dubio in singulos modios aestimati, quod animaduertendum est diligenter, ne quem forte inducant, qui semis aeris ac trientibus frumentum datum in modios affirmant, aut qui pretium fuisse tradunt, senos aeris trientes, id est, binos asses, corrupta secuti PAEDIANI exemplaria in *Pisonianam*: aut qui frumentum distributum putant plebi urbanae modo semissibus, modo

treffibus, duplici errore, in quo fuit CHAPMANNUS apud PEARCIUM *ad Cic. Offic. II. c. XXI.* qui corrigit *semisse aut triente*, interpretaturque de vilissimo pretio. Nam et ex vno duo faciunt pretia, et ex trientibus tres, id est, ex tertia assis parte tres asses; cum reuera frumentum ne asse quidem venierit, sed *semisse ac triente*, id est, *dextante*, seu mauis apertius, *decem e duodecim assis partibus*. Quid autem causae esse dicemus, cur veteres auctores semissis ac trientis nomina usurpare, quam dextantis maluerint, cum tamen idem vna hac voce significetur, quod illis duabus? dicerem repetita a veterum consuetudine, qui cum aere graui vterentur, et *XII. assis*, vel quod idem erat, *librae* partes haberent; sex autem pondera, *unciam, sextantem, quadrantem, trientem, semissem, ac libram*; cum igitur decem erant unciae expendendae, semissem ac trientem coniiciebant in lancem. GRACCHUS autem respuisse videtur partes assis minores, et lege sua frumenti pretium in modios non certam solum pecuniae summam fuisse, verum etiam certum nummi genus, semisses nimirum ac trientes cum dextante non cuderentur. *Jo. Fr. GRONOUIIUS de Sestertius Lib. IV. c. XII. p. 336. ed Lugd. 1691.*

§. XXIV.

Frumentariae prouinciae.

Ex quibusnam prouinciis tantam frumenti copiam C. GRACCHUS desumserit, certo dici nequit;

Vicissitudines largitionum frumentar. Ec. 27

quit; nec ego deprehendo in eam rem testimonia, ut inde commouear ad credendum, GRACCHUM retinuisse frumentarias prouincias veteres, Etruriam, Africam et Siciliam. Plures posterioribus, potissimum Imperatorum temporibus, accessisse infra docebimus.

§. XXV.

Vicissitudines legis Semproniae.

Multis diuersisque vicissitudinibus subiecta fuit Gracchana lex, vsque ad SYLLAE tempora, nunc abrogata, nunc restaurata: Is enim perniciem fecit omnibus legibus tribunitiis, ita, ut ne umbra quidem legum antiquarum tribuniciaeque potestatis remaneret. Non igitur diu obtinuit Gracchana rogatio, ut fere diuinarer, cum eius interfectione quoque cessasse. Postea nonnumquam eo elaboratum fuisse a plebeiis magistratibus, ut plebi salutaris lex restauretur, colligendum esse puto ex PLUTARCHO in *vita Marii*. Vtrum haec prima mutatio fuerit, vix credo, cum tam perniciofa patriciis, plebeiis vero exoptatissima fuit lex ista, ut potius arbitrarer, iam plures contigisse, quarum tamen memoria extat nulla. Scripsit nempe ille auctor; Νόμου γὰρ εἰσφερομένῃ περὶ τῶν τοῖς πολίταις, ἐναντιῶν εἰρηωμενέσας, καὶ κρατήσας; &c. Rogatione promulgata de frumento ciuibz diuidendo cum vehementissime intercessisset, peruicissetque, ne ferretur. Cum autem sub C. MARIi tribunatu promul-

promulgatam eandem accepimus, hicque munus iniit a. U. DCXXXIII. et continuauit in annum DCXXXIV. circa hosce annos id sine dubio contigit. Atque vnus ille PLUTARCHUS testis est, nec adiuuat LIIUS, in cuius Epitomis hoc, vt alia digna cognitu, praetermissum. Nihil ergo est, quod addere possimus.

§. XXVI.

Fragmentum antiquae legis frumentariae.

Legem frumentariam antiquam tabula aerea seruauit, Mich. MAITTAIRE in separato libello edidit, Franc. Carol. CONRADI explicauit, illustrauitque in Parergis pag. 352. Prima inscriptio graeca in altera tabulae parte, fines agri, Baccho ab Heracleensibus consecrati, recenset, altera latina duo capita habet, de recensu populi frumentationis causa agendo, et de cura vltarum in Vrbe muniendarum, Aedilibus commissa. Eas tantummodo legis paginas describamus, quae frumentandi causa scripta sunt, et ita leguntur.

PROFITEBITUR. NOMEN. ET. EA. QUAE.
PROFESSUS. ERIT. ET. QUO. DIE. PROFESSUS.
SIT. IN. TABULAS. PUBLICAS. REFERUNDA.
CURATO. EADEMQUE. OMNIA. QUAE. VTEIQUE.
INTABULAS. RETTULERIT. ITA. INTABULAM.
IN. ALBUM. REFERUNDA. IDQUE. APUT. EO-
RUM. ET. QUOM. FRUMENTUM. POPULO. DABI-
TUR. IBEL. VBEL FRUMENTUM. POPULO. DA-
BITUR. COTTIDIE. MAIOREM. PARTEM. DIEI.
PROPOSITUM HABETO. V. D. P. R. L. P.

QUEI-

QUEIQUOMQUE. FRUMENTUM. POPULO.
DABUNT. DANDUMVE. CURABIT. NEIQUE. EO-
RUM. QUORUM NOMINA. H. L. AD. COS. PR. TR.
PL. INTABULA. IN. ALBO. PROPOSITA. ERUNT.
FRUMENTUM. DATO. NEUE. DARE. IUBETO.
NEUE SINITO. QUEL ADUERSUS. EA. EORUM.
QUEL FRUMENTUM. DEDERIT. IS. IN. TR. M. I.
HS. **h** = VNUM SESTERTIUM SIUE IO. PO-
PULO DARE DAMNAS. ESTO. EIVSQUE PECU-
NIAE. QUEL VOLET. PETITIO. ESTO.

De auctore et anno huius legis nihil certi habere possumus praeter id, quod post Semproniam lata sit, cum id ex indole frumentationis, eius temporis non dubie colligi debeat.

Vtrum potius ab ipso C. Sempronio Gracho lata fuerit credere posses, si ex collatione secundae et primae legis partis colligeres, cum PLUTARCHUS quoque in *Grachis* p. 836. refert, eundem leges rogasse de viis muniendis atque in hoc opere perficiendo non minorem collocasse curam, quam impensam, dum ornatum cum utilitate coniungere studeret. Imo aetati huic vel ipse scripturae et sermonis habitum respondere credit CONRADI, et ex comparatione cum legis Thoriae fragmentis, a Sigonio de Ant. Jur. Ital. Lib. II. c. 2. editis apparere. Neque ego contrarius huic opinioni esse possum, licet §. XLVIII. affirmem, Caesaris demum temporibus recens modum definitum esse, cum bene sciám, quam variis vicissitudinibus leges Gracchanae obnoxiae fuerint, quotannis fere abolitae, et iterum restauratae. Initium
itaque

itaque publicae professionis atque recensensus fecisse videtur Gracchus, Caesar restaurasse.

§. XXVII.

Lex Apuleia.

Ad aliam igitur pergamus rogationem, quam ferre conatus est L. APULEIUS SATURNINUS a. U. DCLIII. Eius ferendae occasio erat teste CICERONE *in oratione pro Sextio et de Harusp. responsis*, quod SATURNINUS antea a Senatu ignominia adfectus esset, cum in annonae caritate Quaestor Ostiensis a sua frumentaria procuratione amotus, eique rei M. SCAURUS praefectus erat, quam delendam arbitratus forte est, per frumentariam hanc rogationem. Maxime vero ei se opposuit Quaestor urbanus CAEPIO, qui Senatum docuit, aerarium tantam ferre non posse largitionem, uti est apud CICERONEM *ad Herenn.* l. c. XII. unde commoti sunt quidam, ut crederent, non perlatam esse hanc legem; sed ego quidem arbitror, non sufficere eam rationem, quod sese opposuerit CAEPIO: quam multae enim perlatae sunt leges, quae ex maximis dissidiis et contentionibus extrahebantur. Neque etiam dubium exinde moveri poterit, quod CICERO vnicus in eam rem testis sit, et in exemplis tantum retulerit; nonne enim constat, scriptorem exempla ex historiis haurire solitum esse? neque etiam vnicus est, sed non leuiter illi suffragatur FLORUS *Lib. III. c. XVI.* quippe qui testatum

testatum reliquit, *Saturninum Gracchanas leges asseruisse*, et iterum rogandis Gracchorum legibus vehementer incubuisse. Ipse quoque CICERO non semel in factam SATURNINI rogationem testis est, cum in *Lib. II. de Legib. cap. VI.* iterum eius memoriam inter alias Saturninianas leges asseruauit,

§. XXVIII.

Lex Liuia.

Per integros nouem annos frumentariae causae, aut fere neglectae erant, aut memoria nulla nobis relicta est; quod posterius credere malim. FLORUS *Epit. LXXI.* auctor nobis est, M. LIIUIUM DRUSUM tribunatu suscepto pro auctoritate Senatus, ut plebem in partes Optimatum adduceret a. U. DCLXII. Semproniam frumentationem reuocasse; eaque vere delata est, licet dubitent quidam, si modo inspiciant *Epit. LXXI.* ubi sic habetur: *M. Liuius Drusus trib. pleb. ut maioribus viribus senatus causam susceptam tueretur, socios et Italicos populos, spe ciuitatis Romanae sollicitauit: iisque adiuuantibus per vim legibus Agrariis frumentariisque latis iudiciariam quoque pertulit.* FLORUS *Lib. III. c. XVII.* CICERO in indice legum *Lib. II. de Legib. c. VI.* ASCONIUS in *Cornelianam.* Inuiso Senatui facto DRUSO, velut belli socialis auctore, quoniam fides fociis data non seruata fuerat, domique occiso, Gracchana restauratio euanuit. Abrogabatur enim eodem, quo DRUSUS interfectus, anno a PHILIP-

PO consule, quem pro tali facto tribunitius viator faucibus apprehensum non ante dimiserat, quam sanguis in ora atque in oculos redundaret; immo et fere in perpetuum abrogata est, per bella ciuilia innumera, quae sociale istud exceperunt, tamque populum romanum exercuerunt, ut ne injecta quidem fuerit a tribunis mentio ullius largitionis.

§. XXIX.

De distributoribus, frumentantibus, modo frumenti et pretio.

Cetera, quae de distributoribus, de numero frumentantium, de modo frumenti, atque de pretio ad L. Gracchanam diximus, ea omnia re-tenta esse ab APPULEIO et DRUSO, nullus dubito, imo nec magis a veritate recedit, quam certum est, legem Semproniam eos reuocare conatos esse.

§. XXX.

Syllana abrogatio legum frumentariarum.

Non multo post, quicquid auctoritatis erat tribunis et in ferendis legibus potestatis, ademit SYLLA; extinctaeque sunt turbarum et seditionum faces, quae tamen a. U. DCLXXV. quum obiret, reuiuixere, cum plebs tribunitiae potestatis restitutionem vehementer exposceret. Quae res per multos annos frustra iactata erat, consulibus strenue tuentibus Sctum, quo acta SYLLAE confirmabantur, contra plebe summa vi pugnante, ne
spoliata

spoliata praesidio tribunicio potentum libidini esset exposita. Optime hocce intelligere poteris ex oratione MACRI LICINII (non M. LEPIDI vti pleraeque edd. habent, sed auctoritatem A. POPMAE secutus est CORTIUS p. 967.) Trib. pl. ad plebem pro tribunicia potestate restituenda habita CASSIO VARO et M. LUCULLO cos. a U. DCLXXX. Si Quiriter, inquit, partum existimaretis, quod inter ius a maioribus relictum vobis, et hoc a Sulla paratum servitium interesset; multis mihi differendum fuit, docendumque, quae ob iniurias, et quotiens a patribus armata plebs secessisset, utique vindices parauisset omnis iuris sui tribunos plebis. Nunc hortari modo reliquum est, et ire primum via, qua capefundam arbitror libertatem &c. Usque ad annum DCLXXX. est obuium itum omnibus plebis conatibus, quo anno tanto impetu coorta est plebs in patres, ut sustineri amplius non posset, et conditiones variae inierentur, quo sedarent populum vsque ad annum DCLXXXIII, quo restituta est CN. POMPEIO, et M. CRASSO cos. tribunicia potestas, et redditus tribuni plebis, quorum primus denuo creatus mihi videtur MACRUS ille LICINIUS; Et ab hinc quoque nouae frumentariae largitiones atque leges. CICERO *Lib. III. de Legib.* ait, Pompeium nostrum ceteris rebus omnibus semper amplissimis summisque effero laudibus: de tribunicia potestate taceo: nec enim reprehendere licet, nec laudare possum. LIIUS *Epit. XCVII.* PLUTARCHUS in *Pompeio* SALUSTIUS in *Catilina.*

Lex Terentia et Cassia.

Atque necesse quidem erat consulibus anni DCLXXXI. C. CASSIO et M. TERENTIO LUCULLO, vt plebem delinirent, et ad rem integram in aduentum POMPEII (qui in Hispania bellum gerebat cum SERTORIO) reiiciendam, si possent, adducere frumentariam legem eamque ferre, quam Terentiam et Cassiam veteres, Terentiam vno nomine CIEERO contentus, vocant. Caput eius inuenio apud CICERONEM *Lib. III. in Verrem; Frumentum emere in Sicilia debuit Verres ex Scto et ex lege Terentia.* Emundi duo genera fuerunt: vnum certarum decumarum; alterum, quod praeterea ciuitatibus aequaliter esset distributum. Illius decumani tantum, quantum ex primis decumis fuisset; huius imperati, tritici modium DCCC. M. Aliud istius legis caput extat in MACRI LICINII concione apud SALLUSTIUM *Lib. III. p. 973 ed. Cortii.* Nisi forte, inquit, repentina ista frumentaria lege munia pensantur, quatenus, quinis modiis libertatem omnium aestimauere, qui profecto non amplius profunt alimentis carceris. Namque, vt illorum exiguitate mors prohibetur et senescunt vires: sic neque absolui cura familiari tam parua res potest, et ignauius quisque tenuissima spe frustratur. Esse eandem hanc legem, de qua CICERO testatur, ex eo veri est simile, quod nullius extra hanc legis frumentariae eo anno latae mentio fit a veteribus scrip-

scriptoribus, et quod MACRUS eo ipso anno, quo perlata est lex TERENTIA, tribunatum plebis gessit. Volunt alii legem TERENTIAM et CASIAM non plane nouam legem esse, sed tantum repetitam SEMPRONIAM; cuius summa retenta, in TERENTIA quaedam addita, aut mutata esse; idque colligunt, vti ERNESTI V. C. fecit, ex ceteris rebus, de quibus aliquoties ad populum latum, tamquam de ambitu, de repetundis, vbi semper summa primae in eo genere legis seruata est, nempe vt agi in hominem posset, vt poena esset crimini constituta; cetera autem de personis, de modo iudicii, de genere poenae, mutata sunt. Quod lubenter concedam, sed de eo adhuc ambigo, vtrum amplius quid ex L. SEMPRONIA seruatum sit, quam largitio frumentaria plebi facienda, quae proprie summa istius legis vocanda esset. Sicuti igitur concludere non possumus a modiorum facta mentione in lege TERENTIA, idem inensurum fuisse in lege SEMPRONIA, ita nec contra concludi potest, idem Semproniae largitionis pretium in Terentia retentum esse.

§. XXXII.

An perlata sit?

Dubitauit adhuc LIPSIUS, vtrum lex haec perlata fuerit, sed vti vides absque ratione. CONTARENUS eandem temporariam fuisse autumat, quoniam in Cn. POMPEII aduentum dilata essent

omnia; eoque reuerso, et restitutis in integrum tribunis, superuacaneam fuisse legem istam. Sed non perspicio, quòmodo hoc sequatur. Modus concludendi, quo CONTARENUS vtitur, hic est: *Lex TERENTIA non fuit, nisi remedium delinientis plebis, usque ad Pompeii aduentum; hoc igitur reuerso non amplius opus erat isto remedio; ideoque exanuit legis frumentariae vis et obseruatio.* Ast falsum id mihi videtur suppositum esse, quod leges frumentariae remedia placandae plebis tantum fuerint. Concedo equidem ex accidenti talia media fuisse, vti nonnumquam etiam media fuere adipiscendae auctoritatis et gratiae apud plebem; vera tamen et necessaria ratio illarum ferendarum erat frumenti inopia, quod tota prior tractatio probat, omniaque antiquitatis documenta. Cum autem existente tali inopia, eius causam in Senatu quaereret populus, seditiones ortae, quae placari aliter non poterant, nisi per frumentarias hasce largitiones. Sed quid verba amplius facimus? res certa est ex CICERONE *orat. frument. in Verrem III. c. LXX.*

§. XXXIII.

Quantitas largitionis.

Quod igitur quantitatem mensuræ ac pretii, pro eo soluendi attinet, non omnia satis certa sunt, nisi volueris diuinationi locum facere, praeter cetera, quae certa sunt. Atque ex MACRI concione

concione certum quidem est, quinquorum modiorum menstruum fuisse, quod distribuebatur, cum his verbis locutus erat: *Nisi forte repentina ista frumentaria lege munia vestra pensantur, qua tamen quinque modis libertatem omnium aestimauere.* Senos fuisse LIPSIUS absque omni adducta ratione contendit, contrarius aperte SALLUSTIO; cui tamen dicam iam, scripsit CONTARENUS. Haec certa: incertum tamen, utrum gratis, an accepta pecunia. Equidem credo, *iisdem semissibus ac trientibus* populo venditos esse singulos modios, ac lege SEMPRONIA. Cum enim plebs Gracchanae legis renouationem vehementer peteret, eamque restaurandam cogeretur Senatus, non simile est veri, neque gratis, neque maioris pretii ac legis Gracchanae erat, distributum esse frumentum. Non gratis, quia id plane non a plebe postulabatur, neque etiam maioris pretii veniisse frumentum videtur, quia tum non potuisset Senatus plebem delinire, qui restitutionem tribuniciae potestatis, legumque tribuniciarum restitutionem exposceret, ut adeo non necesse haberet Senatus, ut vilioris pretii frumentum venderet. Ceterum notabilis locus est hic SALLUSTII, quia quinquorum illorum modiorum largitionem cum alimentis carceris comparat, quippe quae non maiora essent, et quia libertatem hisce quinque modis aestimari dixit. Quod si locus hic cum DEMOSTHENIS *ex Olynthiaca* III. conferatur, videbis procul dubio, illum ex hoc haustum esse.

Ibi enim summus orator θεωρικὰ χρήματα, hoc est, eas pecunias, quae domi ex aerario erogabantur, exiguntur ab iis qui spectaturi veniunt in theatrum, cibis iis ait similes esse, qui aegris a medico ministrari solent; ut enim hi nec robur addunt inualido corpori, nec emori sinunt; sic illas pecunias nec sufficere ad vitam tolerandam, et segnitiei atque inertiae segetem esse. ἴσως αὖ τῶν τοιούτων λημμάτων ἀπαλλαγείητε, ἃ τοῖς ἀσθενούσι παρὰ τῶν ἰατρῶν σιτίσις διδόμεναις εἴοικε. Καὶ γὰρ ἔτε ἰσχὺν ἐκεῖνα ἐντίθησιν, οὔτε τοσαῦτά ἐσιν, ὥστε ὠφέλειαν ἔχειν τινὰ διαρκή, οὔτε ἀπογνόντας ἄλλοτι πράττειν εἶ. ἀλλ' ἐς ταῦτα τὴν ἐκάστην ραθυμίαν ὑμῶν ἐπαυξάνοντα. Fortasse huiusmodi lucra missa fecissetis, quae cibos referunt a medico aegris praescriptos, Neque enim illi validos reddunt, neque mortem obire sinunt. Haec item, quae nunc vobis distribuuntur, neque tanta sunt, satis ut prosint, neque aliud agere hac spe abjecta sinunt quin unius cuiusque vestrum ignaviam auctum eunt. Deinde etiam seruilis alimenta istos quinos modios vocavit MACRUS, et cum alimentis carceris comparavit, quippe quae tam exigua videntur, ut ex DIONIS Lib. LVIII. cognosco, qui ASINIO GALLO iussu TIBENI in publica custodia retento talem cibum ministratum fuisse tradit his verbis; τροφή τοιαύτη καὶ τοσαύτη, ὥστε μήτε τινὰ ἡδονὴν καὶ ρώμην αὐτῷ παρασχεῖν, μήτε ἀποθνήσκειν αὐτὸν εἶν.

Cibus

Cibus talis ac tantus, ut voluptatem aut robur afferret nullum, mori autem prohiberet. Vide quoque SENE- CAM patrem *Lib. IX. Controv. IV.* qui *diaria carceris* ea alimenta vocat. Et SENE- CAM in *Epist. LXXXI.* Ille qui in scena elatus incedit, et haec resupinus dicit,

*Imperito Argis, regna mihi liquit Pelops
Qua ponto ab Helles arque ab Jonio mari
Urgetur Isthmos —*

seruus est, quinque modios accipit, et quinque denarios. Testimonia haecce dabant quoque rationem corri- gendi locum Sallustianum, vbi ex vetere codice legebatur: *qua tamen qui his modis libertatem omnium aestimauere.*

§. XXXIV.

Distributores.

Olim, pulsus Regibus, Senatum, deinde Curu- les Aediles, vsque ad Legem GRACCHANEM, post hanc vero tribunos plebis publicae annonae curam gessisse, supra iam monuimus; Post legem nostram TERENTIAM vero Praetorem illius procuracionem habuisse, ex *Verrinis* CICERONIS satis liquet, non multo post, aut adeo primum fuisse Praetorem VERREM, qui frumenti curam gereret; certe id fecit a. U. DCLXXX. quo L. TERENTIA perlata erat, quod intelligere credo ex *Verrina tertia.* Ex PAEDIANI quoque *argumento in Cornelianam* id constat, vbi legimus: *Detulit nomen* (C. CORNELII)

PUBLIUS; *subscripsit* CAIUS; *et cum* L. CASSIUS Praetor decimo die, *ut mos est*, *adesse iussisset*, *eoque die ipse non affuisset*, seu *auocatus propter publici frumenti curam*, seu *gratificans reo* &c. L. CASSIUS hic praetor fuit M. LEPIDO *et* L. VOLCATIO *coff.* a. U. DCLXXXVII. septennio igitur post latam legem TERENCEM, *ut itaque exinde*, quidam sint, qui argumentum sumant, legem TERENCEM non fuisse temporariam; de quo vide quae iam diximus ad §. XXXII. Ego non utar isto argumento, quia leue plane deprehendo, cum extraordinaria cura Praetoris CASSII eius anni esse poterit, alio firmiori iam suffultus: neque etiam probare possum argumentum CONTARENI, quod ad suspicionem quidem aliquid fecit, nihil vero ad certitudinem. *Venit mihi in mentem*, inquit, *suspiciari*, si Aediles curules frumentaria procuratione altera harum legum soluti sunt, Terentia potius, quam Sempronia solutas. Nam Gracchum *insensum* patribus, quis crederet gratiam eius legis, quae reddere plebem sibi obnoxiam parabat, cum Praetore communicasse? Terentium contra veri admodum simile est, aucto mirum in modum lege sua numero frumenti Urbi inferendi, eiusque largitione reuocata, maiorem magistratum ei eurationi praeficiendum putasse, non solum ut provinciam hanc administraret maiore auctoritate, verum etiam ut esset in potestate Senatus. Sed contenti esse debemus suspicionibus in tanta vetustate rerum.

§. XXXV.

De his, quibus frumentum distribuebatur.

Ciues fuisse omnes, quibus frumentum dabatur vendebaturque tam vili pretio supra iam attulimus, neque peregrini admittebantur, nisi antea ciuitate donati essent. Atque ex hisce tenuiorum miseraeque plebeculae rationem habitam fuisse, iisdem testibus etiam in hoc aeuo affirmari potest, quibus supra vsi sumus; PERSIUS et SENECA testes sunt; apud hunc legitur *Lib. XXXIX. Erant, quae Pompeium in distributione frumenti morarentur. Multis enim propter spem, quam de se excitabat manumissis, ut recte atque ordine acciperent, recensum eorum facere instituerat.* PERSIUS frumentariam largitionem manumissionum causas fuisse non solum testis est, sed etiam liberos id cepisse simul liquet; *Satyra V.*

*Libertate opus est, non hoc, qua ut quisque
Velina,*

*Publius emeruit, scabrosum tesserula far
Possidet.*

Quod vero numerum frumentantium attinet, nihil lege TERENTIA sancitum esse videtur, nec prius quam Imperatorum aeuo quicquam huius generis determinatum esse videtur.

§. XXXVI.

De numero frumentantium.

Vti in legibus APULEIA et LIIA de numero eorum, qui frumentum acciperent nihil determina-

tum esse suspicamur, ita frumentantium numerus lege TERENTIA non certior est, nec vestigia deprehenduntur, nisi leuiter impressa apud PLINIUM *Lib. XXXIX.* qui de POMPEIO testatur his verbis: POMPEIUS, *ut recte atque ordine acciperent, recensum eorum facere instituerat.* Et apud CICERONEM in *Verr. III.* Imperas, inquit, *ut decumas accipiant; Apronio dent lucri tritici medimnum XXXIV Millia.* Quid est hoc? *Vna ciuitas ex vno agro plebis romanae prope menstrua cibaria donare APRONIO cogitur?* Primus ista vestigia deprehendit CONTARENUS, cuius verba hic adscribere malo, quam meam sententiam proferre. *Imminuit orator modum frumenti ad crimen augendum, nos eum amplificemus, et producamus vel ad L. millia medimnum: qua ratione fiet ad illum tertiae circiter partis accessio, adeo non leuis, ut fortasse ne orator quidem tantum detrudere sit ausus, cum versaretur in re omnibus nota et aperta.* Erunt igitur menstrua modium Romanorum CCC. M. quae sufficiunt hominum LX. millibus alendis, *ut modus frumenti fuerint modii quini.* Aut igitur haec ipsa, aut circiter tanta, mea quidem sententia, non maior hominum multitudo lege TERENTIA publicum frumentum accepit. Difficile tibi forsan erit perspectu, quomodo iste numerus ex tam obscuro loco erui possit, sed adeas ipsum CONTARENUM, quem totum adscribendum hic curarem, nisi iusto longior esset. Mea quidem sententia omnes istae non nisi coniecturae sunt, leuissimis rationibus suffultae,
nec

nec sufficiunt ad opinionem, numerum istum LX. M. hominum, per legem TERENTIAM fuisse definitum frumentantium; licet non negem ea, quae CICERO dixit, se referre quodammodo ad legem TERENTIAM, imo et ad Sctum ante hanc factum; quia VERRES secundum has leges curam frumenti publici gerere debebat, sed fraudes ingentes et furta fecit, ob quae a CICERONE vehementer ac-
culatur.

§. XXXVII.

Frumentariae Prouinciae.

Ex Sicilia, Africa, Sardinia, Hispania, Boeotia, Macedonia, Chersoneso, Asia et Syria hisce temporibus frumentum omne Romam aduectum fuisse, omnes testantur Graeci et Latini rerum Romanarum scriptores. VARRO *de Re Rustica*. LIIUIUS multis locis. PLINIUS *Lib. XVIII. c. VII*. CICERO *ad Attic. Lib. XV. Epist. IX. et X*. Idemque in *Verrem et Oratione pro lege Manilia*; omnes vero tria praecipue celebrant reipublicae subsidia, Siciliam, Africam, Aegyptum. CICERO in *Verrem* III. c. LXX. de Sicilia frumentaria prouincia testatur, quem locum hic adscribendum puto, quoniam nonnulla monenda sunt. *Frumentum emere in Sicilia debuit Verres ex Scto et ex lege Terentia et Cassia frumentaria. Emundi duo genera fuerunt, unum certarum decumarum: alterum, quod praeterea ciuitatibus aequaliter esset distributum. Illius decumanti tantum*

tantum, quantum ex primis decumis fuisset; huius imperati, tritici modium DCCC. millia. Primum videri tibi posset, secundum TERENCEM legem ex sola Sicilia exportandum fuisse frumentum omne; non ego tamen assentiri possum, sed potius arbitror, vnum modo caput legis id fuisse, et ex aliis prouinciis quoque desumptum esse frumentum, vt itaque non tamquam priuilegium Siciliae concessum hoc spectare possim, quia contraria adsunt multorum testimonia. Secundo declarandum hic est, quid prouinciae decumae sibi velint? Decumae proprie decimam fructuum partem significant, de quibus CICERO in Verrem ait, *ager vectigalis Populi Romani ex parte decima*. Item *omnis Siciliae ager decumanus est*. Prouincia decumana igitur est ea, quae a fructibus decimam partem praestare debet. Talis Sicilia erat, in qua singula iugera singula medimna soluebant. Frumenti autem, quod ex prouinciis extrahebatur, tria genera fuerunt, *decumanum, et aestimatum*. *Emtum*, quod aratores vendere, accepto ex Scto et forte etiam lege TERENCEM pretio, cogebantur, ad alendum Romae populum. CICERO in Verren III. c. LXX. *Aestimatum*, quod aestimabat magistratus in cellam suam in usum familiae, cum interdum pro frumento pecuniam acciperet. CICERO Verrin: III. c. LXXV. *retines H. — S. XVIII. tanti enim est frumentum Siciliense ex lege aestimatum*. *Emtum* frumentum duplex fuit, *vnum decumanum*, quod ex alteris
 item

Vicissitudines largitionum frumentar. &c. 45

item decimis, pretio perfoluto aliquando accipiebatur. LIVIUS *Lib. XXXVII.* Alterum imperatum, quod praeter duas decumas aequaliter omnibus ciuitatibus pretio item soluto imperabatur, vt ASCONIUS in *Cic. in Verrem V. Decumae in Sicilia lege et consuetudine trahuntur: alterae nouis institutis propter annonae rationem imperantur.* TACITUS, prouinciales, inquit, emere frumenta et vendere cogebantur, diuortia itinerum et longinquitas regionum indicabatur, vt ciuitates a propinquis hybernis in remota et auia deferrent. Numus argenteus extat, PISONIS et CAEPIONIS, in quo cernuntur duo viri inter spicas sedentes, cum inscriptione: *ad frumentum emundum ex Scto.*



Ex hisce igitur intelliges, quomodo inuehere in VERREM posset CICERO, cum ille nefarius homotria medimna a Siculis exegit; pecuniam ex aera-rio inopi et exhausto datam accepit, vt Siculis oratoribus exsolueretur, sed omnem pecuniam istam in domum suam auertit. CICERO *Verr. V.* Plurima ad hanc rem notauit *Julius Caesar* BUL-LENGERUS in *tract. de tributis ac vestigalibus populi romani;*

romani; qui extat in Thesauro Graeuiano Tom. VIII. pag. 824 - 920.

§. XXXVIII.

SCtum frumenti causa in CATONIS sententiam factum.

Post aliquot annos et quidem a. U. DCXCI. SCtum factum est in CATONIS sententiam, quum C. CAESAREM metuerent Patres, quem in praetura nouis rebus studere videbant, et plebem sollicitare. Suadebat scilicet CATO, vt repente obuiam irent CAESARIS conatibus, et largitione frumentaria vterentur ad conferendas in tranquillum turbas, tamquam remedio, ex quo superioribus annis magnum respublica cepisset fructum. PLUTARCHUS hoc prodit in Caesaris vita. Κάτων

τον δῆμον ὑπὸ Καίσαρος ὄρων ἐν τοῖς περὶ Κατιλίαν διὰ ταρασσόμενον, καὶ πρὸς μεταβολὴν τῆς πολιτείας ἐπισφαλῶ ἔχοντα, συνέπεισε τὴν βῆλὴν ψηφίσθαι νεμήσεις τοῖς πένησιν, καὶ τῷτο δοθὲν ἔστησε τὸν θόρυβον, καὶ κατέπαυσε τὴν ἐπανάστασιν. hoc est: Cato Catilinae coniurationis temporibus cum videret esse periculum, ne plebs a Caesare sollicitata ad mutandam Reip. formam prolaberetur, persuasit Patribus, vt S. C. fieret de frumento tenuioribus distribuendo, idque distributum omnem sedauit tumultum et seditionem repressit. IDEM in Catone, ὁ Κάτων ἔπεισε τὴν βῆλὴν ἀναλαβεῖν τὸν ἄπορον καὶ ἀνέμητον ὄχλον

εις τὸ σιτηρέσιον, ἀναλώματος μὲν ὅτος ἐνιαυτῷ χιλίων καὶ διακοσίων καὶ πενήκοντα ταλάντων. Περιφανῶς δὲ τῇ Φίλανθρωπία ταύτῃ καὶ χάριτι, τῆς ἀπειλῆς ἐκείνης διαλυθείσης &c. Cato persuasit Senatui, ut pauperum turbae largitionis experti denuo frumentum daret. Annuus sumtus erat ille quidem talentum M. DL. Sed hac humanitate et beneficio minis illis aperte discussis &c. Et idem in Caesaris vita.

κάτων φοβηθεὶς μάλιστα τὸν ἐκ τῶν ἀπόρων νεωτέριστον, οἱ τῷ παντὸς ὑπέκκαυμα πλῆθος ἦσαν ἐν τῷ Καίσαρι τὰς ἐλπίδας ἔχοντες, ἔπεισε τὴν σύγκλιτον ἀπονεῖμαι σιτηρέσιον αὐτοῖς ἔμμηνον. ἐξ οὗ δαπάνης μὲν ἑπτακόσiai πενήκοντα μυριάδες προσεγίνοντο τοῖς ἄλλοις ἀναλώμασιν τὸν μὲντοι μέγαν ἐν τῷ παρόντι φόβον ἔσβεσεν περιφανῶς τὸ πολίτευμα τοῦτο, καὶ τὸ πλεῖστον ἀπέρρηξεν τῆς Καίσαρος δυνάμεως.

Cato metuens maiorem in modum, ne tenuis, ac ieiuna plebecula, quae collocata in Caesare spe, reliquae multitudini subdebat faces, qui moliretur noui; persuasit Senatui, ut menstruum illi frumentum distribueret. Quae accessio fuit septingentorum quinquaginta myriadum (sive sestertium trecenties) ad reliquos sumtus. Eo consilio magnus, qui tum omnes inuaserat, metus aperte sublatus est, plurimumque de Caesaris potentia detractum. Ex hoc posteriori loco colligendum esse puto, tum temporis, quo CATO ad Senatum verba faceret, nullas factas fuisse largitiones, potissimum ex

eo, quod sumtum in eam factum non iis impensis accessisse dicit, quae antea fierent in frumentum, quibuscum si vlla fuisset largitio, conferendae erant: sed τοῖς ἄλλοις ἀναλώμασιν, id est, reliquis sumtibus, qui necessario fiebant in republica. In verbo quoque ἀναλαβεῖν intermissae ac repetitae rei significatio est. Quod facile crediderim, cum hisce temporibus largitiones legesque frumentariae non adhiberentur, nisi placandae plebis causa, ideoque ut plurimum extra ordinem factae. Exinde tamen non sequitur, omnes illas leges frumentarias, et eam quoque ob causam legem TERENTIAM etiam, temporarias fuisse. Quomodo enim posset CICERO *frumentaria in Verrem* inuehere, eumque arguere, quod non ex SCTO et L. TERENTIA frumenti curam gesserit. *Lib. III. c. LXX.* Nouam vero hanc in CATONIS sententiam factam legem, annuam fuisse suspicari quis posset, quia praetore CAESARE tantum immineret reipublicae periculum, ne se plebi, rerum nouarum auidae, in tanta potestate seditionis ducem praeberet. At ex praetura vltiorem Hispaniam sortitus, profectus est, teste SÜETONIO c. XVIII. ut in vrbe turbare absens nihil potuerit eo anno. Contra vero diuturnam hanc legem fuisse, PLUTARCHUS indicare videtur, qui sumtum fuisse scribit ἐνιαυσίου *anniuersarium* et factum, ut ipsemet interpretatur, ἐνιαυτῷ, quotannis. CICERO *ad Atticum II. Ep.*

Ep. XIX. significare quoque videtur, legem nostram vsque ad *CLODIAM* obseruatam esse, dum narrat, ludis Apollinaribus Curioni filio, in theatrum venienti, cum ita plausum esset, vt salua re publica ferret id Caesar grauitur, fuisse, qui eam ob causam *Rosciae* legi etiam *frumentariae* minitarentur. Mirum tibi non sit, quod de *SCto* hoc tamquam de lege loquimur, et *CICERONIS* testimonia de lege frumentaria, iis temporibus valente, ad *SCtum* hoc trahimus; saepius enim *SCta* vocantur leges. Quodsi vero aliam legem post *SCtum*, ante tamen *CLODIAM* legem, ex hisce documentis cognoscere velis, ego nulla ex ratione prohibere id possum, quam quod eo in casu mirer ceterorum omnium scriptorum silentium. Tuae quoque tantum coniecturae sunt. Sed aliae adhuc coniecturae contra te sunt, eae nempe, quod non ista Senatui leuitas esse potuerit in decernenda largitione, ad prohibenda *CAESARIS* molimina, qui tamen semper metuendus erat; ideoque semper necesse erat, vt plebis gratia conseruaretur per largitiones ipsi maxime exspectatas. Ea, quae *CONTARENUS* ad explicandum hunc locum *Ciceronianum* pluribus attulit, nihil ad ipsam rem facere credo, vt ego iure meritoque absque examine ista praetermittenda esse censeam. Maxime vero errauit *LIPSIUS* in *Admirandis*, qui ex *DIONE* Lib. XXXVIII. suspicari vult, suasu *Catonis* plane donatum esse frumentum, quia ille dixit: *Clodio igitur denuo* (*ἀπὸ τοῦ*) *gratis diuisit.*

§. XXXIX.

De numero frumentantium.

De quantitate frumentationis, de distributoribus, de iis, quibus dabatur publicum frumentum, deque prouinciis frumentariis nihil habeo dicere, quod mutatum esset post legem TERENTIAM, sed potius, huius sententiam retentam esse, non absque ratione arbitror. Quod vero *numerum frumentantium* attinet, ex sumtu, quem factum quotannis in eam rem tradit PLUTARCHUS, id conicere possum. Ponamus igitur, frumentum Romae fuisse in modios singulos quinis H — S, quod necesse est, cum frumentum lege TERENTIA diuidendum tradit CICERO *frument. in Verrem*, emtum in Sicilia H — S quaternis in modios singulos, Romae pluris quoque id fuisse necesse est, nisi aut classes, quibus aduehebatur, nullo reipublicae sumtu nauigarunt, aut faciendi non fuerunt alii sumtus eo maiores, quod frumenti pars multo maxima e regionibus, quam Sicilia remotioribus, petebatur. Inde CONTARENUS computationem facit, qua ego quoque utar. — Ponamus amplius, quam quinis H — S in modios singulos frumentum Romae fuisse, et quicquid excurrit, resectum reipublicae semissibus ac trientibus, quos numerabat plebs, atque hac ratione datos inueniemus ex hoc SCto modios quinos quot mensibus centum hominum millibus. Accipiebant enim singuli quotannis modios sexagenos, qui ea, quam statui, aestimatione

Vicissitudines largitionum frumentar. Ec. 51

tione H — S quinum valebant aureis scutatos septem cum semisse; hi centies millies ducti reddent ad assem summam illam Plutarchi DCCL. M. Efficitur itaque, si DCCL. M. diuidantur per septem cum semisse, tanquam annali sumtu vnus frumentantis, centum millia frumentantium fuisse, et id quod excurrit; non enim ad vnguem numerum istum tenere possumus: sufficiat aliquo modo determinasse.

§. XL.

Lex Clodia.

Deuenimus nunc ad legem CLODIAM, quae a. U. DCXCVI. PISONE et GABINIO *coff.* a. P. CLODIO tribuno plebis lata, cuius summa erat, *ut frumentum gratis daretur populo.* DIO *Lib. XXXVIII.* auctor mihi est, apud quem legitur: Ὁ οὖν κλῷδιος τὸν σίτον προῖκα αὐθις δίδειμε. τὸ γὰρ μετρεῖσθαι τοῖς ἀπόροις τότε Γαβινίῳ ἤδη, τῷ Πισωνῶς ὑπατευκότῳ ἐισηγήσατο. Clodius igitur frumentum denuo gratis diuisit. Tulerat enim ad populum; ut daretur pauperibus, cum primum Gabinus et Piso consulatum inierunt. Non vnicam legem CLODIAM, sed duas fuisse CONTARENUS suspicatur, vtramque in a. U. DCXCV. ex fastis Capitolinis, ex DIONE vero in a. U. DCXCVI. incurrere, atque omne fundamentum opinionis suae ponit, in eo, quod DIO dixit αὐθις, rursus, legem posteriorem significans, quae lata est de publico frumento,

quod lege SEMPRONIA semisse ac trientibus ad eum diem datum erat, gratis dando. Jam vero, quia hoc DIONIS verbum ad SCtum, in CATONIS sententiam factum, pertinere nequit, necesse esse censet, duas CLODIAS fuisse. Sed cur duae? Et si SCtum vsque a legem CLODIAM pertinuit, quod tamen ad veritatem proxime accedit, quid priore opus fuit, cum demum per posteriorem mutaretur frumentaria largitio solita, et quaenam mutatio per priorem legem CLODIAM facta esse potest? Pergit CONTARENUS diuinari, eandem latam esse, aut de maiore pauperum numero ad eam admittendo, aut de perpetua frumentatione, aut de utroque. Credo equidem, in nullo alio mutationem fieri potuisse, quam in his tribus punctis; sed quaenam ratio est, suspicari ita? Solum enim verbum αὐθις ad tantas suspiciones facere nequit, nec ullus alius scriptor adiuuat; Nonne enim potuit αὐθις dici, ratione illarum plurium largitionum atque legum antea latarum? Ex mea igitur opinione verbum αὐθις trahi potest tam ad προῖκα, quam ad δεινερμε; malo ad δεινερμε referre; et tunc sublatae sunt omnes dimicationes: atque id quidem aptissime dictum est, si referas ad plures illas et paulo ante CLODIAM frequentiores largitiones. Videtur igitur CONTARENUS per LIPSII opinionem seductus esse, qui ex verbo αὐθις suspicari vult, Senatum in Catonis sententiam

sententiam frumentum plebi gratis diuississe; quem errorem conuellens ex grauissimis argumentis CONTARENUS in alium, iam a nobis expositum, detrusus est. Neque autem ego solum DIONEM sequor, vti CONTARENUS fecit, qui nulla alia testimonia adhibuit, sed auctor quoque est CICERO *pro Sextio. XXV.* cum de legum multitudine GABINIO et PISONE *coff.* loqueretur, frumentariae quoque mentionem facit his verbis: *ut remissis semissibus et trientibus, quinta prope pars vectigalium tolleretur.* Quinta enim pars vectigalium in aera-rio adhuc supererat in publicum erogandum. ASCONIUS in *Pison. IV.* MANUTIUS de *Legibus Roman.* vnam a P. CLODIO trib. pleb. latam esse frumentariam docet, *ut frumentum populo, quod antea semis aeris ac trientibus in singulos modios dabatur, gratis daretur;* addit adhuc legem istam a L. SATURNINO in tribunatu ferri coeptam esse, nulla adducta vetere auctoritate, more suo. Inueni ego locum apud CICERONEM *pro Sext. XVII.* his verbis: *nec mihi res erat cum Saturnino &c.* vnde MANUTIUS sua forsan hausit, quamam fortuna? ipse iudices; ego nihil inde colligere possum, neque ex *c. XX. de Harusp. Respons.* vbi CICERO inquit; *Saturninum, quod in annonae caritate quaestorem a sua frumentaria procuracione senatus amouit, eique rei M. Scaurum praefecit, scimus dolore factum esse popularem.* Atque haec quidem lex CLODIA, (aut si mauis leges Clodiae) vltima est, quae liberae reipublicae

temporibus lata est, licet patriciis maxime exosa, et aëratio perniciofa, plebi tamen gratissima, vt nemo illam abrogare auderet, vnde euenit quoque, vt ad tria secula defixa animis omnium et firma maneret, nomine solum sub Imperatoribus apïssò, qui medium captandae auræ popularis magis aptum idoneumque inuenire non potuit, plebisque suo imperio subiüciendae; id quod in tertia periodo videbimus.

§. XLI.

Eargitionis quantitas.

De quantitate frumentij, plebi gratis diuidendi, nihil in lege CLODIA sancitum fuisse videtur, cum omnes auctores silent, praesertim DIO *Lib. XXXVIII.* cum de CLODIO, frumentariae legis auctore, scriberet, ne verbum quidem de menstrui quantitate fecit. Ex eo igitur, quod omisit mentionem istius, facile colligi posse credo, nihil CLODIUM mutasse. Quodsi enim quoad istam quantitatem aliquid noui determinasset CLODIUS, necesse fuisset, vt aut minueret, aut augeret; illud plane non admittendum est, quum quini modij ex lege TERENCEIA dari constituti et soliti iam minimum esset, vt adeo cum carceris alimentis atque diariis compararetur; nec quoque probabile est, quod CLODIUS, qui gratiam plebis conciliare sibi volebat, id ab vna parte detraheret, quod ab altera parte donaret; nec posterius, quod auctus sit

fit modiorum numerus, sumi potest, cum tantum iam remissio pretii, hucusque soliti, erat beneficium, quantum umquam plebs expectare poterat. Ast ne opus quidem est hisce rationibus, sufficit CICERONIS auctoritas *pro Sextio* XXV. qui, cum in frumentariam CLODII largitionem inueheret, *quod remissis semissibus et trientibus quinta prope pars vestigalium tolleretur*, simul indicare videtur, nec quicquam amplius per nouam istam legem introductum esse, quam quod plebs quinos istos modios, qui antea singuli semissibus ac trientibus vendebantur, gratis acciperet. Retentam igitur esse veterem rationem non adeo leuibus argumentis arbitror, ut vellem, omnia ex antiquitate eruta esse tam certa,

§. XLII.

Distributares.

Vti hucusque inde a restituta tribunicia potestate tribuni plebis ipsi curam frumenti publici gererent, ita ex lege CLODIA tribunicia ista prouincia SEXTO CLODIO demandata est, homini impurissimo, quod CICERO *pro domo sua* conqueritur, *scilicet tu, inquit, agentissimo et facinorosissimo Sext. CLODIO omne frumentum priuatum et publicum, omnes prouincias frumentarias, omnes mancipes, omnes horreorum clauis lege tua tradidisti.* Et mox: Queritur etiam importuna pestis, ex ore impurissimo Sex. CLODII *rem frumentariam esse ereptam, summisque in periculis*

culis eius viri auxilium implorasse Rempublicam, a quo saepe se et seruatum et amplificatam esse meminisset. Non vero diu hoc munere functus est S. CLODIUS, sed suadente CICERONE, Cn. POMPEIO nuper ab illo in patriam restituto, a. U. DCXCVI. extra ordinem annonae praefectura demandata est, quae etiam per quinquennium in toto terrarum orbe usque ad a. U. DCCII. eadem functus est, quo anno a praetore, uti iam antiquitus factum erat, exceptus est. Atque hic quidem Cn. POMPEIUS, uti ipse vides, secundus praefectus annonae est post AUGURINUM, inde a prima largitione usque ad hanc. Ante POMPEIUM, C. CURIONEM trib. pleb. a. U. DCCCLIII. legem alimentariam iactasse, qua iuberet, *Aediles metiri*, DIO auctor est; sed COELIUS ad Ciceronem Lib. VIII. Ep. VI. eam non latam esse prodit.

§. XLIII.

De his quibus distribuebatur.

Vtrum quoad eos, qui ex largitione frumentaria caperent, lege CLODIA aliquid innouatum sit, dubito iustis ex rationibus, et fere affirmo, eadem, quae lege TERENTIA et CASSIA introducta erant, seruata fuisse a CLODIO, ut itaque quisque ex plebeia conditione admitteretur; sed si DIONEM solum sequi volumus, nonnisi pauperibus gratis datum esse frumentum suspicor. Lib. XXXVIII. De libertis certum est, illos omnes admissos

missos esse, iuxta DIONEM *Lib. XXXIX.* ὁ Πομπήιος ἔσχεν ἐν τῇ τῷ σίτῃ διαδόσει τριμῆν τινα. πολλῶν γὰρ πρὸς τὰς ἀπ' αὐτῶ ἐλπίδας ἐλευθερωθέντων, ἀπογραφὴν σφῶν ὅπως ἔντε κόσμῳ καὶ ἐν τάξει τῇ σιτοδοσίῳσιν, ἐθελῆσαι ποιήσασθαι. *Erant, quae Pompeium in distributione frumenti morarentur. Multis enim propter spem, quam de se excitarat, manumissis, ut recte atque ordine acciperent, recensum eorum facere instituerat.* Ex quo loco nouum quoque illud innotescit, quod Cn. POMPEIUS primus recensum eorum instituit, qui ad capiendum frumentum admittebantur, qui recensum sequioribus temporibus semper seruatus mihi esse videtur, quod quoque eo magis necessarium fuit, quo plures fortasse essent, qui istius frumenti participes fierent, et ob indeterminatum frumentantium numerum, ex aerario alendum, incommoda orirentur multa. Quinam vero is numerus ex lege CLODIA fuerit, nescio, nec vllum inuenio vestigium, legis TERENCEIAE caput hoc esse mutatum; quinam a Cn. POMPEIO numerus determinatus sit, quorum nomina in recensum translata, inuenire non potui, sed CAESARIS demum temporibus certus factus esse videtur.

§. XLIV.

De frumentariis prouinciis.

Quod adhuc superest dicendum de frumentariis prouinciis, vnde Roma tanto sumtu, qui LX.

millibus hominum sufficeret, aleretur, non fere innouatum quid esse videtur, quam quod lege TERENTIA et CASSIA statutum erat, Siciliam nempe, Africam et Aegyptum frumentaria subsidia fuisse, praecipue Siciliam, quam M. CATO cellam penariam reipublicae, nutricem plebis romanae nominauit, vti CICERO *frumentaria in Verrem* auctor est, ex qua DCCC. millia modium siculorum, quae DCCCCLX. sunt Romanorum, inuenta, quae LX. hominum M. tres et paulo amplius menses aluerunt, cum menstrua largitio esset, CCC. M. modiorum. Africani autem frumenti modum putat LIPSIUS memoriae mandatum esse a PLUTARCHO in *Caesare*, quem victo SCIPIONE gloriatum prodit, regionem, quam subegerat, talem esse ac tantam, vt ex ea quotannis vectigalis nomine Populus Romanus, praeter olei pondus tricies centena M. percepturus esset frumenti CC. M. medimnum Atticorum, quae sunt modium Romanorum duodecies centena M. Sed quia exiguum vectigal esset, ab vniuersa Africa, intelligendum est hoc a PLUTARCHO scriptum, de quibusdam tantum Africae vrbibus. Olei summam a solis Leptitanis exactam esse aperte tradit auctor commentariorum de bello Africano in calce: *Leptitanos, quorum superioribus annis Juba bona diriperat, et ad Senatum questi per legatos, atque arbitris a Senatu datis, sua receperant, XXX. centenis millibus ponderibus olei in annos singulos multat.* De frumento
res

res est obscurior. Attamen, de quibus tantum verbis, aequè id valere credo,

§. XLV.

Conclusio.

Atque hic quidem erat status frumentarum largitionum liberis reipublicae romanae temporibus intra CCCCXVIII. annorum spatium, nullis vicissitudinibus subjectarum; quaeque demum post legem CLODIAM certam ac perpetuam formam Imperatorum consilio et sustentatione acciperent. Videamus igitur nunc, quae post ista tempora obtinuerint, periodo sequenti.

Caput. III.

*Vicissitudines largitionum frumentariarum sub Imperatoribus
ab AUGUSTO usque ad
JUSTINIANUM.*

§. XLVI.

*Frumentaria largitio CAESARE et AUGUSTO
imperatoribus.*

Omnes istas largitiones, quas haftenus vidimus, potissimum aurae popularis captandae media, conciliandaeque plebis gratiae fuisse, pro certo

certo iam est; illudque, quod per CLODIAM legem gratuitam iisdem accessit, vltimum fuisse conciliandae plebis cum patribus in perpetuum, nemo dubitare poterit, qui vim earundem in animos hominum plebeiae fortis obseruauit. Neque etiam, uti ipsa res loquitur, vlla lex diuturnitatem facilius obtinere potuit, quam lex CLODIA, ita ut haec etiam eorum conatibus, quam maxime faueret, qui sub potestatem suam redigere conarentur populum vniuersum. Quopropter mirum non est, quod CAESAR, tanto auxilio suffultus, regnum non affectaret solum, sed quoque compararet sibi, fundaretque. Imo iste vir, quem nulla politica ratio fugiebat, tantum momentum in eiusmodi distribuendis plebi beneficiis animaduertit, ut frequenter largiri frumentum perseueraret, frustra suadente SALLUSTIO, *ut prouideret, uti plebs publico frumento corrupta haberet negotia sua, et ad desiderium auocaretur.* Atque tantum abfuit, ut audiret SALLUSTIUM, ut praeter congiaria, quae actis vno mense quatuor triumphis Populo romano dedit, frumenti etiam denos modios viritim donaret, duobus testibus, DIONE et SÜETONIO: Hic Cap. XXXVIII, *populo frumenti denos modios ac totidem olei libras diuisit;* et ille Lib. XLIII. σῖτον ἐξω τῆς τεταγμένης, καὶ ἔλαιον προσέδωκεν αὐτῷ (τῷ δήμῳ) *frumentum insuper extra ordinem atque oleum ipsi (populo) dedit.* Locus hic tantum de extraordinariis largitionibus, quos CAESAR fecit, loquitur;

loquitur; de ordinariis iam fanciuit lex CLODIA, quae retenta est Imperatorum acuo, licet nomine non seruato; neque etiam opus fuit alia lege, quo vetus sanctio confirmaretur, nec quoque poterat derogari eidem, populo ad eandem iam valde assuefacto, et orta necessitate, ob populi romani multitudinem, cui agri non amplius sufficerent, succurrendi plebeiis, atque inopiae. AUGUSTUS deinde patris consilium secutus hoc quoque *πολίτευμα* adhibuit firmandae dominationi, *atque ut militem donis, sic populum annona pellexit.* Hocque iterum de extraordinaria largitione intelligendum est, idque DIO testatur *Lib. LV.* factum esse ab AUGUSTO, cum fame ingenti premeretur vrbs, donasse plebi alterum tantum frumenti, quantum a publico solita erat accipere; imo iam multo ante quadruplum dedit, cum VI. consul ludos exhiberet pro Aetiaca victoria, eodem teste *Lib. LIII.* quod sine dubio Suetonius indicare videtur cap. XLI. *Frumentum in annonae difficultatibus saepe leuissimo, interdum nullo pretio viritim admensus est.* Duae quoque inscriptiones in lapide Ancyrano, quem Contarenus vidisse prodit, extant, quae testantur, tam publicum, quam priuatum frumentum ab AUGUSTO distributum esse.

I. CONSUL. TERTIUM. DECIMUM. SEXAGENOS. DENARIOS. PLEBI. QUAE. TUM. FRUMENTUM. PUBLICUM. ACCE — — — DEDI.

II. ITERUM AERE. MEO. VIRITIM. CONSUL.
UNDECIMUM. DUODECIM. FRUMENTA-
TIONES. FRUMENTO. PRIUATIM. COEM-
TO. EMENSUS. SUM.

Ex quo igitur. constat, AUGUSTUM singulis men-
sibus frumentum aere suo coemtum plebi gratis
dedisse; quibus largitionibus ita patrimonium suum
exhaustit, vt supremo testamento professus sit, ab-
sumpta a se in rempublicam duo paterna patrimo-
nia, et supra quater decies millies, quae nunc cir-
citer sunt quinque et triginta milliones, Arguitur
tamen mendacii a DIONE *Lib. XLVI.* quod mili-
tibus pecunias diuiserit, λογῶ μὲν οἰκοθεν, ἔργῳ δὲ
ἐκ τῶν κοινῶν, *verbis de suo, reapse de publico.* Ast
non de omni largitione hoc intelligendum est, sed
vti iam vidimus, idem scriptor fauet AUGUSTO,
priuato sumtu multas factas fuisse.

§. XLVII.

De quantitate largitionis.

Quinam frumenti, quod distribuebatur, mo-
dus fuerit CAESARIS temporibus; plane non con-
stat, nec post eundem intelligitur, nisi volueris ab
extraordinaria largitione, cuius modo mentionem
fecimus, et quae denum modium fuit, colligere
ad ordinariam, quod tamen absque omni ratione
factum esset, vt mirer LIPSIVM in *Admirandis* affir-
masse, quod alibi hoc a se notatum sit, quod ta-
men nullibi deprehenditur. In *Electis* enim, vbi
commode

commode id debuisset ac potuisset exponi, nihil eius rei proditum est, ibique errauit errorem, quod deni modii isti, quos narrat SÜETONIUS, ordinaria largitio fuerint. Nihil post CAESAREM de modo frumentariae largitionis a scriptoribus proditum est, vt itaque non habeamus, quod in posterum huius generis aliquid afferamus; suspicor tamen, non ex reprehendenda ratione, veterem quantitatem quinque modiorum semper retentam esse.

§. XLVIII.

*De his, qui curabant publicum frumentum;
Aediles Cereales.*

Vsque ad a. U. DCCl. Cn. POMPEIUM publici huius frumenti curam habuisse, supra iam vidimus; a CAESARE deinde *Praetores duo* creati sunt, totidemque *Aediles*, qui frumento praessent, ideoque *Cereales* dicti a. U. DCClX. Eodemque anno BRUTUS et CASSIUS Praetores, ille inter ciues, hic inter peregrinos, cum, CAESARE caeso, iurisdictione urbana abstinerent, neque ire ante tempus in prouinciam honestum ac decorum putarent, Scto extra ordinem rei frumentariae sunt praefecti, vt BRUTUS in Asia, CASSIUS in Sicilia frumentum emendum et ad urbem mittendum curarent. POMPONIUS auctor est in l. 2. §. 32. D. de Orig. Jur. *Deinde Caius Julius Caesar duos Praetores, et duos Aediles, qui frumento praessent, et a Cerere,*

Cerere, Cereales Constituit. APPIANUS *Civil. III.*
CICERO *ad Attic. XI. Epist. IX. et sequentibus.*

§. XLIX.

Praefectus annonae.

Neque tamen diuturna eorum cura fuit, sed
mox *Annonae Praefectus*, qui et *Annonarius* cognitor
dicitur l. ult. C. Th. *de nauicular*: creatus est, cu-
ius munus ordinarium ac perpetuum factum, quod
antiquitus bis tantum extra ordinem, primum L.
MINUCIO, deinde Cn. POMPEIO datum erat. Er-
rat igitur LIPSIUS, qui in a. U. DCCXXXII.
M. MARCELLO et L. ARRUNTIO *coff.* originem prae-
fecturae annonariae collocat. AUGUSTUS restau-
rauit hoc munus, ac perpetuum fecit, cum ad eius
aedes, candefacta tum temporis annona, et pre-
miente fame plebs cum XXIV. fascibus accurrit,
et magna vi dictaturam obtulit, atque exemplo
Cn. POMPEII praefecturam annonae. Dictaturam
spreuit, praefecturam admisit, atque Duumuiros
creauit ex iis, qui ante quinquennium praetura
functi essent, vt curam distributionemque suscipe-
rent. DIO *Lib. LIV.* Καί Αυγῶστος τὸτο μὲν (in-
tellige ἐπίμελειαν τῆς σίτης) ἀναγκαίως ἐδέξατο, καὶ
ἐκέλευσε δύο ἄνδρας τῶν πρὸ τέντε πρὸς ἐτῶν ἐστρατη-
γηκότων πρὸς τὴν τῆς σίτης διανομὴν κατ' ἔτος αἰ-
ρεῖσθαι. Idem indicare videtur SUETONIUS in *Au-*
gusto, Cap. XXXVII. Quo plures partem administrandae
reipublicae

reipublicae capefferent noua officia excogitauit, curam operum publicorum, viarum, aquarum, et aluei Tiberis: Frumenti populo diuidendi. Instituto hoc ab Augu-

sto plebi maxime salutari muneri publico magnam et dignitatem et potestatem addiderunt, officiales speciales, apparitores, et comitatus.

Nomen eius maxime consuetum erat annonae praefectus. Saepe etiam in lapidibus incisum: CURATOR.

ANNONAE. *Ulpianus in l. 1. §. 18. D. de exercit,*

act. eum praefectum propter ministerium annonae vocat. Apud eundem causae anonariae agitabantur,

deinde vero provocabatur ad Imperatorem *l. 13. D. de accusat.*

Iisque lictores, accensos et imaginem magistratus fuisse ex FRONTINO discimus de

Aquaeductibus Lib. II. Lictores binos et seruos publicos et scribas, et librarios, accensos, praeconesque totidem habeant, quot ii, per quos frumentum plebi datur.

Cum autem duo Praefecti non viderentur pares tantae functioni, AUGUSTUS quadriennio post qua-

tuoruiros sorte eligi iussit ex iis, qui ante triennium Praetores fuerint. DIO *Lib. LIV.* Magna

quoque cum dignitate annonae praefectura coniuncta erat, vt inter primos magistratus referretur, quod plurimis probari potest ex TACITO

Lib. I. Annalium. Sex. Pompeius et Sex. Apuleius consules primi in verba Tiberii Caesaris iurauere:

apudque eos Seius Strabo et C. Turranius, ille Praetoriarum cohortium praefectus, hic annonae. Et

adeo CASSIODORUS illam proximam facit a prae-

fectura vrbis. Sed euiluit eadem quandoque, vt BOETHIUS *Lib. III. de Consolat.* scribat; *Si quis quondam populi curasset annonam, magnus habebatur: nunc ea praefectura quid abjectius?* Hoc tamen non semper fuit ita. Sub Imperatoribus enim honorificentissimum munus erat. Vocabatur *spectabilis vir* l. 24. C. Th. de susceptoribus; *vir clarissimus* l. 15. C. Th. de pistorib. l. 9. C. Th. de Suariis. compellatus et hoc titulo; *Grauitas tua* l. 5. C. Th. de praed. nauicul. l. 21. C. Th. de pistorib. de annona praefectus vrbi nihil sine praefecto annonae disponere poterat l. 1. C. Th. de cond. in publ. hor. CASSIODORUS Var. Lib. VI. c. XVIII. *si querela panis, inquit, vt adsolebat, concitaretur, tanquam promissor ubertatis seditiones ciuicas momentanea satisfactione dissoluebat; nec tribunal eius inter minimas erat dignitates, quando et Romana gratia fruebatur, et prouinciis iussa trans mittebat.* Officiales, s. Apparitores ipsi additi l. 6. C. Th. de poenis l. 21. C. Th. de pistorib. l. 14. C. Th. de exactionibus l. 1. C. Th. de cond. in publ. hor. l. 4. C. Th. de canone frument. U. R. l. 2. 3. C. Th. de annon. ciuic. l. 4. C. Th. de appellat. l. ult. C. Th. de nauicul. Clarius eorum Officialium munus describitur in Codice Justiniano in l. 1. et 2. de Apparitor praef. ann. vbi ab Imppp. VALENTE, GRATIANO et VALENTINIANO rescriptum: *Apparitores urbanae praefecturae annonario officio sese non inferant: sed apparitorum aemulationae secreta, ministerio suo*

suo annonae Praefecturae fungantur, Atque iterum Impp. ARGADIUS et HONORIUS rescripserunt, Praefectus annonae canonem, qui ad officium suum pertinet, per compulsares exigat: et cum officio suo retineatur obnoxius, qui ad implendum canonem deuotionis suae exactiorem non ostenderit.

Munera praefecti annonae explicat CASSIODORUS *Lib. VI. Var.* in formula praefecturae annonariae, ut annona urbi praepararetur, et ubique panis copia redundaret, pondereque iusto ac munditie debita panis veniret. Eorum etiam examini sequioribus temporibus pistores et suarii subiecti erant. l. 3. l. 12. l. 15. C. Th. de pistoribus. Tesserarum quoque frumentarias distribuebant iis, qui recensiti erant, quod ostendit Nou. LXXXVIII. c. II. *Τίνας παραγγέλλοντας τοῖς χρηγῶσι τὸ δημόσιον σιτηρέσιον, ἢ καὶ ψήφους πορίζόμενος παρὰ τῶν τῶν ἀνῶνων ὑπάρχον, βελομένους ἀναρτηθῆναι τὴν χρηγίαν, καὶ τὸν ἐντεῦθεν μόνον, ὡς εἶκος, τρεφόμενον ἀποσβεῖσαι τῆς χρηγίας.* quae sic vertit HOMBERGK ZU VACH p. 615. Aliqui denunciando illis, qui publicam annonam praebent, vel etiam decreta (vel tesserarum) a Praefecto annonarum accipiendo, velint erogationem suspendi, eumque, qui exinde solum forte alitur, erogatione priuare, ex qua ille omnem victum accipit. Vtrum praefectus annonae recensum frumentantium instituere, in locum demortuorum alios substituere debuerit, nullibi quidem expresse proditum

E 2

proditum inueni, sed tamen maxime probabile id est, cum id ad prouinciam praetorum, quos CAESAR ob annonarias causas instituerat, pertinuerit, in quorum locum praefecti annonae successerunt, imo quoniam hi quoque omnia ad rem annonariam spectantia peragerent. In Codice Theodosiano pluribus in locis praefecti annonae mentio fit, de quibus passim sigillatim agemus. Id tantum adhuc notandum, tres diuersos annonae praefectos fuisse, vnum annonae romanae, de quo pluribus in locis mentio fit, alterum annonae Africae l. 13. Cod. Th. de ann. et trib. tertius annonae Alexandriae l. 3. de susceptoribus. In Codice Iustiniano extat quidem rubrica *de Officio praefecti annonae Lib. 1. Tit. XLIV.* sed deficit constitutio, quod in MSCtis quoque notatur, nec potuit *Ant.* AUGUSTINUS eandem restituere, licet satis feliciter de prioribus titulis sollicitus fuit. Quatenus autem ex pluribus imperatorum constitutionibus colligere licet, munus eius erat, vt,

- 1) annonarum ciuicarum erogandarum curam haberet l. 2. 3. C. Th. de ann. civ. l. 2. C. Th. de canon frum. Urb. R.
- 2) ad portum Urbis R. certo tempore se conferre tenebatur inspiciendi canonis causa l. 2. et ult. C. Th. de nauiculariis
- 3) Susceptores canonis ipsi rationes reddere debebant
- 4) sub eiusdem potestate erant, Nauicularii, Caudicarii, Mensores, Pistoris atque Suarii.

§ L.

*Quibus dabatur publicum frumentum,
et de recensu eorum, et de tessere
frumentariis.*

Vtrum mos vetus atque inueteratus tandem post tot legum vicissitudines, quod quilibet ex misera plebe frumentum caperet, retentus fuerit a CAESARE, an mutatus, additis reiectisque quibusdam, obscurum est; sane hoc certum est, CAESAREM frumentantium recensum instituisse, hoc est, examen et disquisitionem breuem in eos, qui iure aut iniuria capiebant publicum frumentum, quam Graeci ἀπογράφην et ἐξέτασιν vocant. Stante iam republica istum recensum vsurpatum fuisse, ex CICERONE intelligimus in *Miloniana*: *Eum* (Clodium) qui aedem Nympharum incendit, ut memoriam publicae recensiois tabulis publicis consignatam extingueret. Neque admittebantur, nisi qui domicilium Romae haberent, quod CASSIODORUS indicare videtur his verbis: *ut qui urbis affectum domicilii indicio monstrare neglexerint, eius commodis non perfruantur.* SÜETONIUS in *Caesare* cap. XLI. *Recensum populi nec more, nec loco solito, sed vicatim per dominos insularum egit; atque ex viginti trecentisque millibus accipientium frumentum ad centum quinquaginta retraxit; ac ne qui novi coetus recensiois causa moueri quandoque possent, instituit ut quotannis in demortuorum locum ex his qui recensiti non essent, subfortitio a Prae-*

tore fieret. Nemo scilibet admittebatur, nisi recipi se et in album referri curauerit. Locus ad hunc recensum conscribendum solitus erat *Campus Martius*, vbi Censores et publici Scribae nomina inquirebant et conscribebant, cum potestate recipiendi hos, illosue reiiciendi. Quod vero, SÜETONIO teste CAESAR Dictator mutauit, ita vt a Praetore subfortitio fieret ex his, qui recensiti non essent, ad supplendum locum demortuorum. Dabantur hisce recensitis *tesserae*, quas vendi, quia nulla lex vetabat, fiebat non raro, vt qui eas emerant, quamquam recensiti non erant, acciperent nihilominus frumentum. Vili eas vaenisse ex Iuuenalis Satyra VII. videri potest

*Summula ne pereat, qua vilis tessera venit
Frumenti.*

Tesserae istae *frumentariae*, siue symbola quaedam e ligno, aut aere, aut plumbo distribuebantur a Curatoribus, loco ipsius frumenti, et in orbem rotundate fuerunt, quod DIO in *Hadriano Lib. LXIX.* p. 791. indicare videtur. Δῶρα δὲ σφαιρίων ἐν τῷ θεάτρῳ καὶ ἐν τῷ ἵπποδρομῷ ἔδωκε. *Dono in theatro et circo in sphaeris missilibus dedit.* Augustus primus istas tesseras inuenisse ac dedisse videtur, auctore SÜETONIO in *Augusto c. XL.* et *XLI.* SERUIUS in illud *Virgilii Lib. I. Georgic. v. 263.*

*Aut pecoris signum, aut numeros impressit
aceruis.*

Facit,

Facit, ait, characteres, quibus pecora signantur, ut tesseras, quibus frumentorum numerus designatur. Nam numeros pro litteris posuit, quibus numeri continentur. Hinc, ISIDORUS Lib. ult. cap. XIV. Tesseras, ait, esse, quibus frumentorum numerus designatur. Tesserae ista etiam quandoque legabantur a frumentantibus, unde tesserae legatum ortum, de quo PAULUS disputat in l. 49. §. 1. D. de Legat. II. Si Titio inquit, frumentaria tessera legata sit, et is decesserit; quidam putant extingui legatum: sed hoc non est verum: nam cui tessera, vel militia legatur, aestimatio videtur legata. SCAEVOLA per vocem tribus, tesseras et ius accipiendi eas fortasse indicat l. 35. pr. D. de Legat. III. Patronus liberto statim tribum emi petierat; libertus diu moram ab herede patroni passus est, et decedens heredem reliquit clarissimum virum: Quaesitum est, an tribus aestimatio heredi eius debeatur? Respondit, deberi. Iterum PAULUS Lib. XIX. Responsor. in l. 87. pr. D. de Leg. II. ait. Titia Seio tesseram frumentariam comparari voluit, post diem trigessimum a morte ipsius. Quaero cum Seius viua testatrice tesseram frumentariam ex causa lucratiua habere coepit, nec possit id quod habet petere; anne ei actio competat? Paulus respondet, ei de quo quaeritur pretium tesserae praestandum, quoniam tale fideicommissum magis in quantitate, quam in corpore consistit. ULPIANUS demum Lib. VI. Fideicommiss. in l. 52. §. 1. D. de iudiciis. Si libertis, inquit, suis tesseras frumentarias emi voluerit, quamvis maior pars hereditatis in

prouincia sit, tamen Romae debere fideicommissum solui, dicendum est: cum apparet id testatorem sensisse ex genere comparationis. Istae tesserae perpetuae erant, et manebant recensitis vsque ad mortem; iis vero defunctis, non ad heredes iure antiquo transibant, sed subfortitio a praetore fiebat, quod temporibus subsequenteribus, Ulpiani certe, mutatum est, cum legari poterant. Aliae extra ordinem spargebantur populo, de quo SÜETONIUS scribit in *Nerone*, NERONEM tesseras frumentarias populo sparsisse ait. XIPHILINUS Lib. LXI. p. 698. διὰ συμβόλων σφαίρα μικρὰ γεγραμμένα in vulgus iacta refert, quae continerent, quantum frumenti, aliarumue rerum ei, cuius in manum venissent, praestandum esset. Inde tesserae oleariae, aerariae, numariae, theatrales, circenses, quales saepenumero ab Imperatoribus spargi solebant, vti de TITO, DOMITIANO, HADRIANO, XIPHILINUS id prodidit. Pluribus de iisdem disseruit REINESIUS *Inscript. p. 1016. seq.* PETITUS *Variar. lect. I. c. VIII.* Acceptis hisce tesservis frumentariis ibatur ad horrea, quorum complura in quauis regione vrbis erant, eorumque trecenta et nouem fuisse proditur, ab auctoribus suis nomen acceperunt, horrea Aniceti, Varguntei, Galbiana, Domitiani Augusti, Seiani &c. quae in descriptione Vrbis reperies. Frumenta hic reposita posterior aetas ἀπλῶς, condita, vocauit, de quo titulus in Codice tam Theodosiano, quam Justiniano est,

de

de conditis in publicis horreis. Ibidem in l. 1. C. Iust. h. t. *Valentinianus Imp. constituit, non prius ad id frumentum extendatur expensio, quod sub praefectura tua Urbis horreis infertur, quam vetera condita fuerint erogata.* Inde quoque SPARTIANUS in Hadriano corrigendus est, laborabat praeterea, ut condita militaria diligenter cognosceret. Hisce horreis praepositi erant frumentarii mensores, qui populo admetiebantur, sic tamen, ut quisque, uti ego opinor, ad horrea iret suae regionis. Quod significat LUCILIUS

Frumentarius est, modium hic secum atque rutellum

Unum habet.

Et PAULUS in l. 26. D. de excusat. tutor. ait, *Mensores frumentarios habere ius excusationis, apparet ex Rescripto Diuorum Marci et Commodi, quod rescripserunt praefecto annonae.* Idem hoc privilegium PAULUS interpretatione sua ad vacationem aliorum munerum extendit in l. 9. §. 1. D. de Vacat. Privilegium, frumentariis negotiatoribus concessum, etiam ad honores excusandos pertinere. Ideoque in l. 10. §. 1. corpus, inquit, mensurarum frumenti iuxta annonam urbis habent vacationem; in prouinciis non idem. legendum forte cum HALOANDRINA et HUGONE a PORTA mensorum. Tesserarii quoque vocabantur, quia annonam diuidebant. CUIACII Obs. Lib. II. c. XXXIII. Alio tamen significatione veniebant adhuc frumentarii, pro iis sumti, qui vltro citro

curſitabant per prouincias, per domos, ad frumenta conquirenda et conuehenda, quos Graeci *πυροφόροι* dixerunt; Latini *Agentes de rebus*. Adi de iis TURNEBUM *Lib. XIX. Aduer. XXVI.* et CUIACIUM *ad Codicem.*

§. LI.

Numerus frumentantium.

De numero eorum, qui frumentum publicum acciperent, ex SÜETONII loco in *Caesare. c. XLI.*

§. antec. adducto constat, ne prius, quam a CAESARE, definitum ac certum factum esse atque id quidem per recensum. DIO *Lib. XLIII.* ad dimidiam partem redactos frumentantes esse prodere videtur, dum inquit: *Καὶ τῷ πλήθει τῷ τὸν σῖτον φέρωντος ἐπὶ μακρότατον, ὃ κατὰ δίκην, ἀλλ' ὥσπερ ἐν ταῖς σάτεσιν ἔωθε γίνεσθαι, ἐπαυξηθέντος, ἐξέτασιν ἐποίησατο, καὶ τὴν γε ἡμῖς οὐκ ἔτι αὐτῶν προαπήλειψε.* Sed tamen ex verbo *ὁμῶς*, id est, *ferme* colligere posse mihi videor, rotundum tantum numerum, non exactum, indicare voluisse DIONEM, ita vt aliquando pauciores fuisse intelligamus. Neuter tamen eorum rem ita prodit, vt videre possimus, reduxerintne Caesar veterem numerum, an modice auctum ierit. LIPSIUS reuocatum veterem credit, CONTARENUS nihil statuere vult; credendum potius est, auctum eundem esse, non ob eam solum causam, quod in

homine

homine populari fuit hoc magis popolare, sed etiam, ut ciuibus tenuioribus, et obaeratis, qui cum nihil haberent in censu, collocarant in CAESARE omnem spem suam, et ab eius partibus steterant, gratia ex aliqua parte rependeretur. Post CAESARIS vero necem exorta bella ciuilia numerum istum iterum reddiderunt; sed AUGUSTUS denuo eundem ad CC millia et quod excurrit coarctauit. Ipse AUGUSTUS testis est in breuiario rerum a se gestarum, et impensarum, quas in rempublicam et Populum Romanum fecit, cuius caput hoc inuenitur:

CONSUL. TERTIUM. DECIMUM. SEXAGENOS. DENARIOS. PLEBI. QUAE. TUM. FRUMENTUM. PUBLICUM. ACCE — — — DEDI. EA. MILLIA. HOMINUM. PAULO. PLURA. QUAM. DUCENTA. FUERUNT.

Idem prodit DIO Lib. LV. Ὁ δὲ Αὐγούστος τὸ τῷ δήμῳ τῷ σιτοδομένῳ πλήθος ἀόριστον ὄν, ἐς ἑκατοσι μυριάδας κατέκλεισε, καὶ ὥσπερ τινὲς λέγουσιν, καὶ ἓνα ἑξήκοντα δραχμάς ἔδωκε. *Augustus frumentantium multitudinem minime certam ad M. CC. redegit et viritim sexagenos denarios, ut quidam auctores sunt, dedit.* Qui licet in anno U. DCCXLVIII. C. ANTISTIO VETERE ET D. LAELIO BALBO *coff.* hoc est, quadriennio ante XII. AUGUSTI, consulatum collocat, non tamen contradicit AUGUSTO; hoc enim dicit AUGUSTUS, *se consulem decimum tertium, congiarium dedisse plebi, quae per id tempus frumentum accipiebat*

accipiebat. CONGIARIUM scilicet omne id appellabatur, quod principes populo largiebantur, siue in pecunia, siue in aliis rebus, vt oleo, frumento, vino, consistebat. Hinc QUINCTILIANUS Lib. VI. c. II. *congiarii vocem communem et mensurae et liberalitatis scribit.* Id vero, quod ex Imperatorum liberalitate militibus dabatur, donatium vocatum est. SUE-
TONIUS in Nerone c. VII. *Deductus in forum Tiro, populo congiarium, militi donatium proposuit.* AUGUSTUS igitur retinuit recensum frumentarium, a patre institutum, licet auctum, quod scilicet ob plurima bella ciuilia angustiasque temporum necesse forte fuit. De priuato frumento, quod AUGUSTUS distribuendum curauit, alter breuiarii locus hic est:

ITERUM. AERE. MEO. VIRITIM CONSUL.
UNDECIMUM. DUODECIM. FRUMENTATIO-
NES. FRUMENTO. PRIUATIM. COEMTO. EMEN-
SUS. SUM. ET. TRIBUNITIA. POTESTATE.
DUODECIMUM. QUADRINGENOS. NUMMOS.
TERTIUM. VIRITIM. DEDI. QUALIA. MEA.
CONGIARIA. FRUMENTI — — — NUM. NUN-
QUAM. MINUS. QUINQUAGINTA. ET. DUCEN-
TA. — — — SIA.

Quae in hoc mutila aut corrupta sunt multo studio restituere conatur CONTARENUS ad hunc modum:

QUAE. MEA. CONGIARIA. ET. FRUMENTUM.
ACCEPERUNT. HOMINUM. NUMQUAM. MINUS.
QUINQUAGINTA. ET. DUCENTA. MILLIA.

Neque

Néque assentiri possum LIPSIO, qui locum hunc ita legit.

QUALI MEO. CONGIARIO. FRUMENTI. MODIUM. NUMQUAM. MINUS. QUINQUAGINTA. ET. DUCENTA, MILLIA.

Quia obscurum est, vtrum datum singulis modium, an vero nunquam minus largitionibus singulis effusum ducentis quinquaginta modium millibus; imo ex prima restitutione largitiones multis partibus maiores sunt, digniores AUGUSTI liberalitate. Nam ducenta quinquaginta modium millia, vt singulis dati fuerint modii quini, acceperunt hominum quinquaginta millia; ex CONTRARIENSI vera emendatione frumentum, et omnia congiaria nunquam minus acceperunt hominum CCL. M. Quoad eos, qui ad largitiones frumentarias admitterentur, accedit adhuc SÜETONII locus *cap. XLII. p. 233. ed. Oudend.* qui prodere videtur, AUGUSTUM aratores et negotiantes admisisse, dum narrat, post magnam illam famem, quae Augustum prope impulit, ad abolendas publicas frumentationes, ita ab eo rem temperatam, *vt non minorem aratorum ac negotiantium, quam populi rationem deduceret.* Ego tamen non video, quomodo potuerit AUGUSTUS hoc consilio plebem ab ignauia et desidio ad agriculturam auocare, si enim vna cum industriis et gnavis admittebantur adhuc ad frumentationes ignaui et otiosi, quid erat

erat, cur quisquam commoueretur, et vitam duram ac laboriosam praeponeret inertī et securae?

§. LII.

Quando distributum frumentum.

De tempore, quo largitiones haecce mensurae atque ordinariae fiebant, certum est, quod principium cuiusque mensis fuerit, id quod iam inde a GRACCHO obtinuit, vti APPIANUS testatur, GRACCHUM *σιτηρίων ἐμμετρον* diuississe. De die nihil constat; at si SUIDAM sequi volumus, qui suauiter eleganterque sub ipsas Nonas id factum esse suspicatur, dum annonas quasi *μετὰ τὰς νόνας δίδουνας* tradit, et inde annonae vocem deriuat, non plane a veritate aberrare videmur. AUGUSTUS, qui omnem largitionem fere transmutauit, hanc quoque consuetudinem mutare tentauit, sed destitit propter aduersam populi voluntatem, vti SÜETONIUS in *Augusto* Cap. XL. pag. 228. ed. Oudendorp. *Populi recensum vicatim egit: ac ne plebs frumentationum causa frequentius ab negotiis auocaretur, ter in annum, quaternum mensum tesseras dare destinauit: sed desideranti consuetudinem veterem concessit rursus, ut sui cuiusque mensis acciperet.*

§. LIII.

De frumentariis provinciis.

Praeter Siciliam, Africam, et Sardiniam frumentarias provincias, quae tria potissima frumentaria

taria subsidia semper fuere, AUGUSTUS Aegyptum tributarium fecit, qui a NERONE deinde in provinciam Romanam mutatus est; unde teste AURELIO VICTORE in *Augusto* illata sunt annua decenties centena M. modium frumenti. PLINIUS in *Panegyrico*: *Percrebuerat antiquitus, urbem nostram nisi opibus Aegypti uti sustentarique non posse: superbiebat ventosa et insolens natio, quod victorem quidem populum, posceret tamen; quodque in suo flumine in suis manibus, vel abundantia nostra, vel fames esset. Refudimus Nilo copias suas, recepit frumenta, quae miserat, deportatasque messes reuexit. Discat igitur Aegyptus, credatque experimento, non alimenta se nobis, sed tributa praestare. Ad frumentum ex Aegypto quotannis aduehendum instituta forte est classis Alexandrina, de qua SUETONIUS in *Augusto* cap. XCVIII. p. m. 334. et SENECA *Epist.* LXXVIII. *Subito nobis hodie Alexandrinae naues apparuerunt, quae praemitti solent, et nunciare secuturæ classis aduentum. Tabellarias vocant. Gratus illarum Campaniae adspectus est. Omnis in pilis Puteolorum turba consistit, et ex ipso genere velorum, Alexandrinas, quamuis in magna turba navium intelligit: Solis enim licet supparum intendere, quod in alto omnes habent naues. Cum intrauere Capreas, et promontiorum ex quo**

Alta procelloso speculatur vertici Pallas:
ceterae velo iubentur esse contentae, supparum Alexandri-
narum insigne (indiciu) est. Huc etiam pertinet
quod

quod apud CLAUDIANUM de bello Gildonis Roma ipsa conqueritur;

*Tot mihi pro meritis Lybiam Nilumque dedere,
Ut dominam plebem bellatoremque Senatum
Classibus aestiuis alerent, geminoque vicissim
Litore diuersi complerent horrea venti.
Stabat certa salus; Memphis si forte negaret,
Pensabam Pharium Gaetulas messibus annum.
Frugiferas certare rates, lateque videbam
Punica Niliacis concurrere carboſa velis.
Cum subito par Roma mihi, diuisaque sumſit
Aequales Aurora togas. Aegyptia rura
In partem cessere nouam: spes unica nobis
Restabat Libyae.*

De Africano frumento testatur PLUTARCHUS in Caesare: Ἀλλὰ γὰρ ὡς ἐπανεῆλθεν εἰς Ῥώμην ἀπὸ Λιβύης, πρῶτον μὲν ὑπὲρ τῆς νίκης ἐμεναληγορήσεν πρὸς τὸν δῆμον, ὡς τοσαύτην κεχειρώμενος χώραν, ὅση παρέξει καὶ ἕκαστον ἐνιαυτὸν εἰς τὸ δημόσιον, σιτῶ μὲν εἴκοσι μυριάδες ἀττικῶν μεδύμων, ἐλαίῳ δὲ λιτρῶν μυριάδας τριακοσίας. De aliis adhuc prouinciis frumentariis loquitur PLINIUS Lib. XVIII. c. VII. scribens: Ex his generibus, quae Romam inuehuntur, leuissimum est Gallicum atque e Chersoneso aduectum. Quippe non excedunt in modium vicesimas libras si quis granum ipsum ponderet. Adiicit Sardum selibras, Alexandrinum et trientes hoc et Siculi pondus.

pondus. Boeotiam totam libram adiicit, Africum et dodrantes.

§. LIV.

Frumentaria largitio TIBERIO *imperatore.*

Persequamur nunc publicam hanc frumentationem, quae Caesaris et Augusti studio in eum ordinem redacta est, qualem diutissime seruare potuit, et quoque seruauit. Diligenter tamen distinguendae sunt frumentationes priuatae ab Imperatoribus quandoque extra ordinem, aut proprio aut publico sumtu, factae, quas nonnumquam non sine detrimento confudit CONTARENUS; quas omnes enarrare nolumus, quodsi tamen opportunus locus aderit, non negligamus. Magis vero cum ordinariis perpetuisque frumentationibus nobis res est, quia ad has plurima illa annonariae instituta, principum rescripta, interpretationesque Ictorum spectare videntur. Qui igitur in imperio AUGUSTO successit TIBERIUS, quoad priuatas maxime tenax, neque popularis in donando fuit, satis iamiam forte securus de imperio suo: quoad publicas vero ius constitutum seruasse, nullus dubito. Nouum tamen aliquod ab eo excogitatum legimus apud TACITUM Annal. Lib. II. *Nam saeuitiam annonae incusante plebe, statuit frumento pretium, quod emptor penderet, binosque nummos se additurum negotiatoribus in singulos modios; quod non ad publicam frumentationem trahendum est:*

In hac enim, quā pretium non dabatur, illud nec minui poterat, sed sine dubio extra ordinem omnibus iis, qui ex frumentantium numero non essent, ideoque nihil frumenti gratis acciperent, aut iis, quibus tessera non sufficeret, datum est leuiori pretio. LIPSIUS in hoc valde errat, dum istam largitionem vt frumentariam talem sumit, qualem nos hic intelligere debemus, et adeo numerum frumentantium auctum esse a TIBERIO putat, idque ex TACITO colligere vult *Lib. VI. Annal. Isidem consulibus* (Cn. Domitio et M. Furio anno U. C. DCCXXCV.) *grauitate annonae iuxta seditionem ventum; multaque et plures per dies in theatro licentius efflagitata, quam solitum aduersus Imperatorem. Quis commotus inculcavit Magistratus Patresque, quod non publica auctoritate populum coercuissent: addiditque, quibus e prouinciis, et quanto maiorem, quam Augustus rei frumentariae copiam adueclaret.* Jam concludit LIPSIUS, *Si auxit numerum frumenti, ergo et frumentantium.* Sed nescio ego, quomodo hoc inde sequatur, cum TIBERIUS nonnisi frumentum Romanam aduehendum curauerit. Argumenta fortissima, quibus contra LIPSIUM vsus est CONTARENUS, apud hunc vide sis *pag. 965. seq.* Imo addit adhuc TACITUS *Lib. IV. Annal.* modum quo Tiberius flagitanti plebi succurrit absque vlla mentione factae largitionis. *Plebs acri inquit, quidem annona fatigabatur, sed nulla in eo culpa ex Principe. Quin infœcunditati terrarum, aut asperis maris obuiam*
iit,

it, quantum impendio diligentiaque poterat. Quod curam publici frumenti attinet, certum mihi esse videtur, illam semper penes annonae praefectum et praefectum vrbi fuisse, non tamen exclusis imperatoribus, quorum quisque inter maxima imperii firmamenta haberet, ut et quamplurimum inuenitur apud Auctores veteres, plebem ab ipso principe frugum copiam exigisse. De frumentan-
tium genere TIBERIUS non quicquam addidisse videtur, sed retentus sine dubio est recens, a CAESARE institutus, ad quem ciues cuiuscunque generis admittebantur, uti apud SENECA est *Lib. IV. c. XXVII. Frumentum publicum tam fur, quam periurus, et adulter accipiant: et sine dilectu morum, quisquis ciuis est.* Quin adeo Iudaei non ex-
cludebantur, quos admissos esse ab AUGUSTO tradidit PHILO in *Legatione ad Caium*.

§. LV.

Frumentaria largitio CLAUDIO
imperatore.

Sub CLAUDIO seditionem motam esse, quem in medio foro ius dicentem ita circumuasit turbidis clamoribus plebs, et fragminibus panis appetiit, ut septus militum globo aegre se in Palatium reciperet, TACITUS *Lib. XII. Annal.* auctor est. SÜETONIUS in *Claudio* c. XVIII. addit, CLAUDIUM hac seditione commotum esse, ut inuehendos etiam tempore hiberno curaret commeatus. Quare pro-

posuisse eum negotiatoribus certa lucra, suscepto in se damno, si cui quid per tempestates accidisset, et naues mercaturae causa fabricantibus magna commoda constituisse, cum tamen eo imperante annonae praefectus esset C. TURRANIUS.

§. LVI.

*Frumentaria largitio NERONE
imperatore.*

Similem in modum Imperator NERO pretium frumenti vsque ad ternos nummos minuit, cum vrbs deflagrasset; attamen nihil largitus est, sed potius praetextu huius incendii, ad quoddam tempus legitimo frumento plebem fraudauit; vti XIPHILINUS scribit ἐπὶ τῇ προφάσει τῆ ἐμπρησ-
μῦ τῶν Ῥωμαίων το σιτηρέσιον παρεσπάσατο.
Incidium causatus frumentationem publicam sustulit.
Quod igitur pretium minuisse refert TACITUS *Annal. XV.* fuit frumenti vaenalis ad subleuandas P. R. calamitates. NERONIS scilicet consilium fuit, pretio leuissimo frumenti constituto vnā eademque opera populum lenire sibi insensum, vt incendii auctori, et simulare tantam a se quoque factam iacturam, ut neque dare frumentum posset omnino gratuitum, et a prouinciis priuatisque collationes recipere, atque adeo efflagitare cogeretur. SÜETONIUS in *Nerone* c. XXXVIII. Numerum frumentantium NERO primus auxisse dicitur a. Chr. LXVI. SILIO NERVA et ATTICO VESTINO

STINO *coff.* donato militibus praetorianis, qui erant eo seculo minimum decem millia, frumento gratuito. TACITUS *Annal.* Lib. XV. et SUETONIUS in *Nerone cap. X.*

§. LVII.

TITUM VESPANIANUM largiorem se prae-
buisse Populo ex inscriptione vetere in horreis Pa-
latinis, ex PANVINIO in *urbe Roma* cognoscere
quis posset;

IMP. T. CAESARL
DIVI F.
VESPASIANO. AUG.
PLEBS. VRBANA.
QUAE. FRUMENTUM.
PUBLICUM. ACCEPIT.
ET. TRIBUS.

Sed inscriptio ista nec de largitione ordinaria su-
mi potest, quia ista ex *lege Clodia* iam debeba-
tur populo, nec de extraordinaria, ob verba
QUAE. FRUMENTUM. PUBLICUM. et potius, uti
ego suspicor contra CONTARENUM. ob exstructio-
nem horrei a. Chr. LXXXI. exsculpta est.

§. LVIII.

Frumentaria largitio DOMITIANO
imperatore.

De *domitiana* aliqua largitione silent Aucto-
res veteres, nisi velis, uti CONTARENUS fecit,

locum ex TACITI *Lib. IV. Annal.* de tali explicare. *Quia naues, inquit, facientia hiemis prohibebantur, vulgus alimenta in dies mercari solitum; cui una ex Republica annonae cura, retineri commeatus, dum timet credebat.* Ego tamen non video, quomodo exinde largitio extraordinaria erui possit; de ordinaria hoc certe intelligendum est, quia frumentum publicum ex prouinciis frumentariis per classes aduehebatur, quam expectasse populum, ex hoc loco colligo. Eius imperatoris aevo loco frumenti panem distribui institutum fuisse, LIPSIUS aestumans IUVENALIS loco se fundat, qui *Satyra X.* de populo Romano notat:

— *Duas tantum res anxius optat
Panem et Circenses.*

Sed insufficiens est ratio, quoniam tam ad NERONEM, TRAJANUM et HADRIANUM, quam ad DOMITIANUM ista dictio pertinere potest. Imo nisi videtur Poeta panis nomine vberem annonam significare, ad Traiani aeuum sane trahenda est panis vox, quem primum eosdem distribuisse non plane veritati absimile est. Ad priorem tamen sententiam malim equidem inclinare, cum idem IUVENALIS non panem, sed frumentum notet *Satyra VII.*

*Summula ne pereat, qua vilis tessera vaenit.
Frumenti.*

§. LIX.

*Frumentaria largitio NERVA.
imperatore.*

Quid NERVA largitionibus hucusque solitis addiderit, detraxeritue, nemo notauit, et silent historici; numus tamen extat, in quo modius est, spicis refertus, cum hac inscriptione:

Plebi Urbanae Frumento Constituto.



De verbo *constituto* non omnibus constat; Is qui a DOMITIANO panem fiscalem inuentum esse dicit, pro *restituto* forsan accipiendum esse putabit. Alius de peculiari largitione accipiet. Mihi non ita videtur. Quid enim vetet, quominus *numus* iste aut pro *pecuniae genere* sumatur, qua ex provinciis aliisque negotiatoribus frumentum coematur, aut pro *tessera*, iis dari solita, qui recensiti essent.

§. LX.

*Frumentaria largitio TRAIANO
imperatore.*

TRAIANUS optimus Imperator commodiorem fecisse frumentationem per panis loco frumenti distributionem sunt, qui affirment, sunt etiam, qui negent. Videamus utriusque argumenta. LIPSIUS, qui perutile hocce institutum TRAIANO adscribit, omnem fidem suam collocat in AURELIO VICTORE in *Hist. Rom. breuiario* cuius verba haec sunt: *Romae a Domitiano coepta fora, atque alia multa, magnifice coluit ornauitque, et annonae perpetuae mire consultum, reperto firmatoque Pistorum collegio.* Jam concludit exinde LIPSIUS, *Si collegium pistorum a Traiano, ad commodandum annonae: ergo et panis.* Iugari se a IUVENALI credit, illi aetati compare, qui

— *Atque duas tantum res auxius optat
Panem et Circenses.*

Sed posteriori loco nullum pondus est, nisi in comparatione cum VICTORIS, quia idem Poeta in Sat. VII. non panem nominat, sed frumentum. Priorem non maioris ponderis esse, dissentientes a LIPSIO contendunt, quorum primus est CONTARENUS, cui ego etiam essentiri nullus dubitarem, nisi alia essent argumenta, quam quibus LIPSIUS usus est. Antequam vero illa ipsa proferimus, id pro

pro certo statuamus, intra TRAIANI et AURELIANI tempora cadere debere *panum distributionem*, et collegii pistorum institutionem. Ante enim TRAIANI tempora nulla panis mentio fit a quopiam scriptore; AURELIANUM vero panes dedisse certum est, de quo nec LIPSIUS, nec CONTARENUS, LIPSII aduersarius, dubitat. Attamen alia adhuc adsunt argumenta, quorum duo potissima in *Pandedtis* deprehendi, cum a ICTIS quibusdam pistorum collegii mentio fit. Primus est CAIUS, qui sub HADRIANO, PIO et MARCO vixit, et in *commentario ad Edict. provinc.* ita scribit in l. 1. D. quod cuiusc. univ. Collegia Romae certa sunt, quorum corpus Senatus consultis, atque constitutionibus principalibus confirmatum est: veluti pistorum, et quorundam aliorum, et nauiculariorum, qui et in provinciis sunt. Ecce! pistorum collegium et Nauiculariorum nominat; illi panes fiscales coquebant, hi vocabantur, qui frumentum publicum nauibus aduehebant. PAULUS deinde, qui sub SEUERO et CARACALLA vixit, in *Lib. Singul. de cognitionibus* l. ult. D. excusat, eadem ratione pistorem collegii memorat: Qui in collegio pistorum sunt, a tutelis excusantur, si modo per semet pistrinum exerceant: sed non alios puto excusandos, quam qui intra numerum sunt. Urbici autem pistorum a collegiarum quoque filiorum tutelis excusantur. Sed et hoc genus excusationis est, si quis se dicit ibi domicilium non habere, ubi ad tutelam datus est. Idque Imperator ANTONINUS cum Diuo Patre

significauit CALLISTRATUS denique *Lib. de cognitionib. in l. 5. §. 3. Dig. de Jure Immunit. Negotiatores*, inquit, *qui annonam Urbis adiuuant, item nauicularii, qui annonae urbis seruiunt, immunitatem a muneribus publicis consequuntur, quamdiu in eiusmodi actu sunt. Item l. c. §. 5. Diuus Hadrianus rescripsit, immunitatem nauium maritimarum duntaxat habere, qui annonae urbis seruiunt.* Corpus pistorum variis rationibus replebatur, originis vinculo quidam tenebantur, vt filii, nepotes &c. secundo per sententiam iudicis. et poenae loco in pistrinum urbis Romae ex causis non grauib. damnari iussi a Constantino M. l. 3. c. Th. de poenis, ita vt ne rescripto quidem liberari possent; tertio ob singulares causas nonnulli in pistrinum dari iubentur, veluti concutiens pistorem, patronus caudicario- rum et mensorum deprehensus in fraude, filiam pistoris coniugio sibi socians pistrino obnoxius fiebat, imo ementes a pistoribus praedia aut qui alio modo in eorum bona succederent. Pistorum igitur collegio et nauiculariis per SCta et principales constitutiones plura iura, beneficia et immunitates constituta sunt, quorum passim in Pandectis et in Codicibus Theodosiano et Justiniano mentio fit, ab HADRIANO, *Diuis Fratribus* et ANTONINO potissimum editorum. Extat quoque vetus inscriptio, quae NUMMIUM ALBINUM et FULVIUM AEMILIANUM consules subscriptos habet, quaeque ad annum Chr. CCVIII. referenda est

TI. CLAUDIUS, CHRESIMUS. OB. NON.
QUINQUENNALITATIS. COLLEGIO
DENDROPHOR. ROMANOR. QUIBUS
EX SC. COIRE. LICET. ARGENTI. P. X.
ET H. S. X. MIL. N. REDDIDIT
QUAE. DIUISA. SUNT. POPULO. PER. GRADUS
X. AUG. COLLEGI. N.
NUMMIO ALBINO ET. FUL. AEMILIANO. COS.

Si igitur gradus iam tum extructi erant, qui tamen ad distribuendos panes iuxta pistrina erecti, uti mox probabimus, nonne suspicari possem, *panes* quoque tum temporis distribui solitos fuisse?

§. LXI.

De Pane loco Frumenti distributo.

Jam collige vestigia, quae JUENALIS, AURELIUS VICTOR, CAIUS, PAULUS, CALLISTRATUS et *vetus inscriptio*, reliquerunt, sane id exhibetur, Hadriani temporibus extitisse pistorum collegium qui panes fiscales (h. e. non ita dictos, quod a fisco donarentur, sed quod e frumento fiscali confecti essent, ut loquitur l. 4. C. Theod. de oper. publ.) excoquerent; nec tu credere velles iis temporibus loco frumenti panem esse distributum? Sane nescio, quaenam certiora esse possunt. Ex mea igitur opinione non a parte CONTARENII standum est, licet nec LIPSIO assentiar, cuius nimis leuia sunt argumenta, quoad rem ipsam vero LIPSIO assentior. Victor Schotti, *Annonae* inquit,

inquit, *perpetuae a Trajano mire consultum, reperto firmatoque pistorum collegio.* Testatur et confirmat sententiam nostram inscriptio, quae Romae reperi-
ta est:

JANI PARTHICI

DIUL. NERVAE. PRONEP. T. AELIO.

HADRIANO. ANTONINO. AUG. PIO.

PONT. MAX. TRIT. POTEST. VII.

IMP. II. COSS. III. PP.

CORPUS

PISTORUM.

In cuius basi dextro latere est canistrum cum spicis, cum hac inscriptione:

PRAEF.

L. VALERI. PROCULI.

Sinistro lapis molaris cum hac inscriptione:

CURANTIBUS

M. CAERET — — — ZMARAGDO

L. MAEUIO. EPICTETO. QUINQ. IL

QUAESTORIBUS

C. PUPIO — — — FIRMINO IL

C. CALPURNIO. MAXIMO.

Abhinc igitur omnia vetera loca, quae paucissima forsitan sunt, et frumenti mentionem iniiciunt, pro te nata explicanda sunt, ita ut aut de extraordinaria frumenti cura intelligenda sint, aut de eo frumento, quod per amnicos naucularios per Tiberim ad horrea transuehebatur, ut exinde panes
exco-

excoquerentur. Instituto iam pistorum collegio, multa sine dubio introducta sunt, vt eo melius certus ordo frumentandi seruetur, vti Negociantium, Nauiculariorum, Caudicariorum, Menforum, Catabolensium et Mancipum certus numerus atque collegium. *Negotiantes* scilicet ii vocabantur, qui tam in vrbe, quam in prouinciis frumentum negociabantur; *Nauicularii*, qui et *Caudicarii* dicebantur, a nauibus Tiberinis, seu quae in fluuiis vsui erant, quas *codicarias* (FESTUS illas *caudicarias* naues appellat, quae ex tabulis crassioribus factae; optime SENECA de *Brev. vit. cap. XIII. Plurimum tabularum*, inquit, *contextus caudex apud antiquos vocabatur.* Vnde *publicae tabulae* Codices dicuntur, et naues nunc quoque, quae ex antiqua consuetudine per Tiberim commeatus subuehant Caudicariae vocantur. VARRO de vita Pop. Rom. Lib. III. GELLII Noct. Attic. Lib. X. c. XXV.) et *amnicos nauicularios* vocant l. 1. C. Inst. de Can. frum. Urb. Rom. l. 2. C. Theod. de pistorib. l. 9. C. Theod. de pistorib. l. 9. C. Theod. de suariis urb. Rom. Eorum corporis mentio fit in l. 1. C. Just. de hered. decurion. l. 11. l. 14. l. 20. C. Theod. de nauicul. Nouell. unic. Valentiniani de nauicul. amnic. Caudicarii igitur erant nautae Tiberini, qui annonam ad Portum vrbis Romae aduectam in horrea P. R. et ad Urbem Romam Tiberi subuehebant caudicariis nauibus, quarum in tribus inscriptionibus mentio fit

prima: PROC. PORTUS. VTRIUSQUE. A — — —
 VIRO. INNOCENTISSIMO. CODICARII
 NAUICULARII ET QUINQUE .
 CORP. NAUIGANTES

secunda Romae in basi marmorea:

D. N. IMP. FL. VAL. CONSTANTINO
 CODICARII NABICULARII
 INFERNATES, DEUOTI N. M. Q. EIUS
 CURANTE. AUR. VICTORIANO. V. P.
 PRAEF. AMN.

tertia est decantata illa, quae in Insula Tiberina
 inuenta:

*Rexit annonariam Potestatem Urbis aeternae
 &c.*

*Hinc etiam factum est, ut Mensores nos
 Portuenses, quibus vetus fuit cum Caudicariis
 Diuturnumque luctamen voti compotes
 Abiremus, et utrumque corpus et beneficio
 Se et victoria gratuletur adfectum: nam
 Ut hoc esset indicio, iam posito magistratu
 Statuam patrono praestantissimo, testimonium
 Gratulationis exsoluimus cum res non adula-
 tione
 Priuato sed iudicio posito in otio et quiete
 Reddatur.*

*Catabolenses, quos in Sitobolenses quidam non recte
 mutant, denique fuerunt, qui onera fiscalia Romam
 veterinis*

veterinis comportarent; qui, cum pistoribus iunguntur, ii dicendi sunt, qui frumenta aduecta a nautis Tiberinis, horreis inferre, siue eadem in pistrina transferre, siue costos inde panes ad gradus transportare, aut aliud onus fiscale debent. Dicti fortasse ἀπο τῆ καταβάλλειν *ab onerando*, quod iumenta his rebus onerarent, similes adeo agasombus nostris, quibus ad ferenda in molas frumenta, farinamque referendam vtimur. *l. 8. et rubr. C. Theod. de pistorib. et Catabolensib: CASSIODORUS Lib. III. Variar. cap. X. Declaramus*, inquit, *vt marmora, quae de domo Pinciana constat esse deposita, ad Rauennatem Urbem per Catabolenses vestra ordinatione dirigantur. Idem Lib. IV. Var. 47. in fin. Quin etiam onere centum librorum nullus excedat. Et mox: Et ideo quinquaginta solidorum mulctam iam non veredarius, sed Catabolensis incurrat, quisquis ultra centum libras parhippum crediderit onerandum. CUIACIUS Obseru. Lib. XVI. c. V. Mensores dicebantur, qui aduectum ad Portum U. R. frumentum admetiebantur in horreis condendum, et rursus cum inde promeretur Romam per caudicarios subuehendum.*

Mancipes denique, siue *mancipes pistorii*, (vnde *mancipatus pistorius*) sunt, qui panificio et pistoribus praepositi erant, ex Socratis scilicet sententia, vt igitur iisdem fuerint cum iis, quos Justinianus Nov. 80. προεσῶτα τῶν ἀρτοποιητικῶν ἐργασῆων vocat. Diuersos fuisse *mancipes* a pistoribus, ex nonnullis

nunnullis legibus C. Th. patet; nempe his canonem consignatum fuisse ad panem coquendum l. 2. C. Th. de frum. Urb. Constant. item datam his aliquando mutui nomine pecuniam, ex publica pecunia dedicata ad coemptionem frumentariam l. 3. C. Th. eod. Item l. 4. C. Th. de executor. ostendit, apparitores praefecti praetorio pro poena quandoque mancipum corpori sociatos. Immo et pistorum dicebantur mancipes de quibus l. 18. C. Th. de pistor. et Catabol. l. 2. 3. C. Th. de frum. Urb. Constantinop. l. 4. C. Th. de executorib. unde et ministerium istud *mancipatus* vocabatur l. 18. C. Th. de pistor. et Catabol. Hi omnes non tantum sub generali Praefecti Urbis dispositione fuerunt quod docent l. 1 — 13. C. Th. de Pistor. et Catabol. sed etiam sub speciali Praefecti annonae l. 3. 14. 15. 21. C. Th. de pistor. et Catabol. l. 3. 6. C. Th. de Poenis. *Pistrina* erant aedificia, ubi frumentum et reliqua ad annonariam largitionem pertinentia servabantur, quae Socrates Lib. V. cap. 18. *οἶκος παμμεγέθους* vocat, eorumque in veteri Urbis Romae descriptione CCLIV. colliguntur. ἦσαν ἐξ ἀρχαίης, inquit, κατὰ τὴν μεγίστην Ῥώμην οἶκοι παμμεγέθους. ἐν οἷς ὁ τῇ πώλει χορηγούμενος ἄρτος ἐγίνετο, ὅτε προϊσάμενοι τῶτων οἱ μάγκιπες τῇ Ρωμαίων γλώσσει καλεῖνται. et mox γινέσ τῶτο ὁ βασιλεὺς τὰς μάγκιπας ἐτιμωρήσατο. Singulis pistrinis sua entheca erat, puta animalia, serui, molae, prae-

praedia et possessiones, pistorum corpori salaria certa praebebant, unde et fundi dotales dicti. Quae de pistorum, nauiculariorumque collegio hic amplius dicere possem, differenda sunt ad explicationem peculiarem Codicis constitutionum, per quas formatum potissimum est. De panibus solummodo distribui solitis, et modo distribuendi pauca tantum addamus, quia simul cum pistorum instituto introducta ista omnia fortasse sunt. Panes igitur isti a catabolensibus ad gradus portabantur, ibique a pistoribus distribuebantur tessera-riis, non igitur clanculum e pistrino, sed palam de gradibus, ut constitutum est in *l. 3. et 4. C. Theod. de annon. civ.* etiam a gradibus palatii principum distributi sunt, unde *panes palatini* a SUIDA vocantur, et *gradiles* a gradibus ita dicti, qui in vnaquaque urbis regione ad pistrina aedificati erant; quod indicat PRUDENTIUS *aduersus Symmachum Lib. I. v. 584.*

Et quem panis alit, gradibus dispensus ab altis.

Et CASSIODORUS *Lib. IX. Variar.* QUIA-
CIUS *Obs. Lib. XXVI. cap. XVII.* numum vidisse
fatetur, in quo gradus hi expressi erant, simul et qui
eos ascenderet in fummo panem accipiens de pi-
storis manu. De gradili isto pane omnia peruulgata
sunt. *Tit. C. Theod. de annon. civ. et pane gradili.*

Jac. GOTHOFREDUS in not. ad *l. 2. l. c.* TURNE-
BUS

BUS *Lib. XI. Aduers. cap. VI. Lib. XXVI. c. XXXIV.*
 et LIPSIUS *Elect. Lib. I. c. VIII. idem de magnit.*
Rom. II. c. X. Quinam vero hi gradus fuerint,
 non inter omnes constat. Certi non amphithea-
 trales, sed tamen distincti et separati per omnes
 urbis regiones, vti PRUDENTIUS *adv. Symmachum*
Lib. II. v. 948. de annonae abundantia loquitur:

Quis venit esuriens magni ad spectacula Circi
Quae regio gradibus vacuit iamiam dira
Sustinet? aut quae Janiculi mola mota quiescit?

Et omnium manifestissime *Vetus Urbis Constantinopolitanae descriptio* sub THEODOSIO jun. conscripta id demonstrat; vbi per singulas urbis regiones gradus certo numero designantur, qui proximi a pistrinis fuerunt, vnde panis coctus promebatur; quod videri potest tam ex descriptione ista modo dicta, quam ex legibus VALENTINIANI in *Tit. C. Theod. de annon. ciuiv. et pane gradili*, et potissimum ex l. 3. l. 4. l. 5. l. 6. cit. quae ad Urbem Romam pertinent, non minus quam ex PRUDENTII loco. In istorum graduum edito, siue tabulato, erat annona siue panis repositus, positi-
 que ibi, qui distribuerent: singulis e populo, viri-
 tim palam, per gradus ascendentibus atque in
 summo gradu annonam accipientibus. Alio loco
 igitur distributus est hic *panis gradilis*, quam quo
 olim mimbi missilium sparsi, exceptiue: hi enim
 in vulgus spargebantur, atque a populo in gradi-
 bus

bus theatralibus, vel in circo vel alibi extra ordinem constituto excipiebantur. At panis gradilis non spargebatur, sed dispendebatur, erogabatur de manu in manum in edito graduum. Hi *gradus publici* erant; alii *privati*, in quibus privati homines frumenta sua recondere, quo pertinet CASSIODORI illud IX. Var. v.

Panum *palatinorum*, *popularium*, *militarium* *ciuilium*, *fiscalium* et *Ostiensium* adhuc mentio iniicitur, quos explicare non alienum erit. *Palatini* erronee a Suida (quem ideo Cuiacius damnauit) cum *popularibus* confunduntur. *παλατινοι*, inquit, *εἶδες ἀγρων, ἔς ἐφίλοτιμήσατο τῷ δήμῳ κωνσταντῖνος ὁ μέγας: ἔτος ὀνομάσας αὐτῆς οἶα ἐκ τῆ παλατίης χορηγεμένους*. *Palatini* ab objecto dicti fuerunt panes, quod palatinis praeberentur, pariter ut *populares* et *militares*, non a loco vnde praeberentur, quod apertissime docet l. 7. C. Th. de ann. civ. pane gradili. *Ciuiles* nempe contradistinguebantur *militaribus*; milites enim ut stipendii partem eius generis accipiebant Tit. C. Theod. de erog. milit. annon. Lib. VII. Tit. IV. et Tit. C. Just. Lib. XII. Tit. XXXVIII. Quapropter similem in modum ciuiles dicti, ut *annona civica* et *annona militaris*. *Ostiensis panis* ita dictus, quia ad portum ostiensem canon fiscalis omnis subuehebatur, inque eo portu pistores horrea cellulasve habuere, quod apertissime testatur l. 4. C. Theod. de Canon. frument. U.

G 2

R.

R. *Panis fiscalis* distinctus adhuc est ab eo qui, civilis dicebatur, licet uterque sumtu publico erogabatur; *fiscalis* enim e frumento *fiscali*, vel ex *fiscali* copia expendebatur.

§. LXII.

De numero frumentantium.

De frumentantibus eorumque numero, a Traiano aucto, etiam pueris admissis PLINIUS auctor est in *Panegyrico*: *Tu ne rogari quidem sustinuisti; et quamquam laetissimum oculis tuis esset, conspectu Romanae plebis impleri, omnes tamen antequam te viderent, recipi, incidi iussisti, ut iam inde ab infantia parentem publicum munere educationis experirentur.* Imo et numerum frumentantium expressit PLINIUS: *Paulo minus, inquit, quinque millia ingenuorum fuerunt, quos liberalitas principis nostri conquirit, inuenit, adsciuit.*

§. LXIII.

De frumentaria largitione HADRIANO imperatore.

Post TRAIANI tempora nonnulla adhuc scriptorum loca obueniunt, ubi mox frumentariae largitionis mentio fit, mox duntaxat curae principis circa annonam. Ista loca ego mallem de extraordinaria frumenti distributione intelligere, quam de ordinaria; reliqua, quæ de cura imperiali testantur, non occasionem dare debent cuiquam ad credendum, peculiare frumentarias largitiones

gitiones easque extraordinarias subintelligendas esse, vti CONTARENUS male fecisse mihi videtur, sed potius statuendum est summa ex ratione, perpetuam Imperatorum frumenti curam fuisse simul cum Praefecto Urbis, Praefecto annonae, et Proconsulibus, vti id videri potest, ex omnibus fere constitutionibus Codicis Theod. et Justiniani, quae de annona agunt. Quapropter ego quoque arbitrarer, ea ratione recte a me explicatum iri ea, quae antiquitas istius generis nobis seruauit documenta, Videamus igitur vicissitudines largitionis frumentariae sub imperatoribus sequentibus; in quantum per nos huius generis aliquid determinare stabit. Atque de HADRIANEA aliqua largitione frumentaria nihil habeo, quod dicam, quia de tali scriptores silent. Id tamen innouatum esse ab eodem videtur, quod Senatores in frumentantium numerum retulerit; vti SPARTIANUS auctor est: *Senatoribus, inquit, qui non vitio suo decoxerant patrimonium pro liberorum modo Senatoriae professionis expleuit, ita ut plerique in diem vitae suae dimensum sine dilatione restituerit.* Imo et alio modo frumentantibus, TRAIANI forsan liberalitate commotus, consuluit, dum *pueris incrementum liberalitatis suae adjecit, vti iterum SPARTIANUS scribit: Pueris ac puellis, quibus Traianus alimenta detulerat, incrementum liberalitatis adjecit.* De priuilegiis, quae pistorum collegio et nauculariorum ex singulari gratia simulque ob salutis publicae stu-

dium concessit, testimonia in Pandectis extant, et quidem in l. 5. §. 5. *D. de Jure Immanit.* *Diuis Hadrianus*, notauit ibi CALLISTRATUS, *rescriptit, immunitatem nauium maritimarum duntaxat habere, qui annonae urbis seruiunt.*

§. LXIV.

De frumentaria largitione ANTONINO PIO imperatore.

De ANTONINO PIO, quem HADRIANUS habuit heredem, apud CAPITOLINUM haec leguntur; *Vini, olei, et tritici penuriam per aerarii sui damna emendo, et gratis populo dando sedauit.* Populum enim lapidibus petiisse ob frumentariae rei inopiam ANTONINUM, auctor est AURELIUS VICTOR. Quo forsan commotus erat, ut extra ordinem frumenti curam gereret; quod veteres nummi indicant, quorum multi extant cum hac inscriptione:

ANNOA AUGUSTA

hoc est, imperatore curaote copiose Vrbi illata est annona. De hisce nummis lege *Antonium AUGUSTINUM Dialogo II.* Ex hoc, uti etiam ex aliis eius generis locis, demonstrare vult CONTARENUS, frumentum, non panem, a TRAIANO et subsequen-
tibus imperatoribus distributum esse; sed ille ipse concedit, hanc, uti ceteras frumentationes, quas reperiit, extraordinariam esse, et nihilominus inde argumentum format, pro sua opinione? nescio
fane

fane, quomodo acutus iste vir id possit. Quis enim umquam argumentum ab extraordinaria largitione ad ordinariam valere credidit? CONTARENUS fane vnicus est, dum inquit: *Quamquam autem haec extra ordinem largitio videtur in annonae caritate, quid tamen causae fuerit, quamobrem frumentum, non panis populo daretur, non video; si pistorum collegium ea tantum gratia fuerat institutum, ut gratuitum panem conficerent.*

§. LXV.

M. Aurelii Antonini Philosophi extraordinaria frumenti largitio.

M. AURELIUS ANTONINUS PHILOSOPHUS cum L. VERO, quem Augustum dixerat, LUCILAM filiam despondit, ob hanc coniunctionem, ut ait Capitolinus, *pueros et puellas nouorum hominum frumentariae perceptioni adscribi praecepit.* Vbi sine dubio legendum est cum LIPSIO *pueros et puellas nouem annorum.* Quis enim nouus homo? quin etiam alios imperatores in congiariis ad annos respexisse, certum est teste CAPITOLINO in *Pertinace*; *Alimentaria compendia, quae nouem annorum ex instituto Traiani debebantur, obdurata verecundia sustulit:* et SÜETONIO in *Augusto*, Cap. XLI. qui congiaria populo frequenter dedit: ac ne minores quidem pueros praeteriit, quamuis nonnisi ab undecimo aetatis anno accipere consueuissent. CONTARENUS hanc uti

folet pro ordinaria largitione sumit, et LIPSIUS errare videtur, dum arbitratur, ANTONINUM numerum frumentantium per idem illud insigniter auxisse.

§. LXVI.

Alexandri Seueri cura frumentariae largitionis

ALEXANDER SEUERUS tantam rei frumentariae publicae curam gessit, ut septem annorum canonem moriens reliquerit, ita ut quotidie LXXV. modiorum millia expendi possent, cuius memoriae auctor est SPARTIANUS. Alium adhuc modum, per quem bene de populari salute meritus est ALEXANDER, LAMPRIDIUS in eius vita memorat, his verbis: *Oleum, quod SEVERUS populo dederat, quodque Elogabalus imminuerat, turpissimis hominibus praefecturam annonae dando, in integrum restituit.* SPARTIANUS in *Seuero*: *Olei, inquit, tantum reliquit, ut per quinquennium non solum Urbis usibus, sed totius Italiae, quae oleo egeret, sufficeret.* Licet olei distributio, principumque istius cura, nunc pro instituti ratione nihil ad nos pertinere videtur; non tamen plaue hanc praeternittere possumus, quia infra occurrent nonnulla, quae absque hac breuissima enarratione enodari nequeunt. Olei nempe distributio, cuius multiplex et magnus Romanis usus erat, primis reipublicae temporibus, tanquam extraordinaria largitio nonnunquam facta esse

esse videtur, vti LIVIUS *Lib. XXV. de SCIPIONE AFRICANO* auctor est, qui cum Aedilis esset, congiugium olei in vicos singulos dedit. Repetita ista quoque quandoque est, et vsque ad CONSTANTINUM M. duravit. SYMMACHUS *Lib. X. Epist. XLVIII. olei tantum* species victum plebis tenuiter inuecta sollicitat. Cuius rei V. C. Praefectus Annonae partium suarum diligens executor praetorionae amplissimae praefecturae, vt ipse asserit, dudum fecit indicium, missis de more breuibus, quae angustias patefacere conditorum. Notatu dignior adhuc est carnis porcinae largitio, quae cum AURELIANO orta est, et diuturna fuit, teste FLAVIO VOPISCO *in eius vita: Idem et carnem porcinae Populo Romano distribuit, quae hodieque diuiditur.* Haec quoque largitio ad longius tempus patuit, quam olei et vini, quod eundem AURELIANUM distribuisse VOPISCUS testatur, atque quasi in perpetuum ius transiit, vti apud CASSIODORUM est; *Suarii quoque, inquit, Romanae copiae causa reperi, tuo* (scilicet praefecto annonae) *deputati videntur examini.* Suariorum, quorum carnis diuidendae cura erat, mentio quoque fit in inscriptionibus, imo et in *Codice Theodosiano Lib. XIV. Tit. IV. et Justiniano Lib. XI. Tit. XVI. de Suariis et Susceptoribus vini et ceteris corporatis.* Verum enim vero nolumus longius a via nostra aberrare, sed persequamur institutum nostrum. Quodsi quando occurrat in continuanda explicatione locus, qui

ad eius generis largitiones se referat, sufficiat non plane ignota esse haec omnia lectori.

§. LXVII.

Aureliani extraordinaria largitio frumentaria.

AURELIANUM Imperatorem tandem panem loco frumenti populo dare incoepisse CONTARENUS putat, hac singulari plani ratione commotus: AURELIANUS scilicet, ut VOPISCUS tradit, suscepta in Orientem expeditione, bilibres coronas Populo Rom. pollicitus, si victor rediisset, Populo, qui aureas expectabat, ex panibus dedit, inde a quo tempore semper servatum fuisse morem huncce. Sed miror sane, quomodo acutus iste vir ista proferre possit, nec videat, extraordinariam largitionem hanc esse. Quodsi enim velis ordinariam largitionem ita ab AURELIANO transmutatam fuisse, nescio cur populus committeret, ut AURELIANUS ad promissionem sibi factam adimplendam nonnisi ordinariam transmutaret. Si igitur ne prius, quam ab hinc panes dari consueverunt, sequitur absurdum esse, si pistorum collegium iam prius institutum fuit, pistorum publicos eorumque collegium adesse, ubi non opus est panibus. Ast adfuerunt pistorum, adfuit pistorum collegium, multis privilegiis immunitatibusque firmatum, adfuerunt pistrina et gradus, quorum haec omnia, nisi

nisi velis absurda existere? Omnia ergo contra te sunt Contarene!

Aliud largitionis genus ab Aureliano vsurpatum magis explicitum est, cuius meminit in epistola ad Praefectum annonae apud eundem Vopiscum his verbis. *Inter cetera quibus Diis fauentibus Romanam rem iuuimus, nihil mihi est magnificentius, quam quod additamento vnciae omne annonarum urbi-carum genus iuui.* Occasio huius largitionis scilicet fuit, quod Aegyptium vectigal valde auctum tum temporis erat, hocque, quod accesserat, Aurelianus donari Populo Romano statuit, ita tamen, vt quod in se erat, nemo expers esset huius largitionis. Quapropter iussit, vt pistores, qui panes in vrbe vaenales conficiebant, certi in asses v. g. ponderis pro annonae modo, vt sit hodieque, panibus singulis vnciam adderent, quam ipse gratuitam amentibus dabat, damna pistorum frumento Alexandrino farciendo. Aliud huius largitionis testimonium apud eundem est in vita Aureliani: *Panibus urbis Romae vnciam de Aegyptio vetligali auxit.* Et ZOSIMUS propter haec, inquit, et panum honoratio munere populum Rom. donauit.

§. LXVIII.

De aerario ad frumentariam largitionem ordinariam sustinendam.

Jamiam eo peruenit frumentaria res, vt certum atque perpetuum ius quoad illam statueretur per

per solas principum constitutiones tum generales tum speciales, ad hanc vel illam prouinciam, praefecto annonae, proconsuli missas, ita vt necesse sit, quo omnia plenius pertractata videantur et absoluta, eas illustrare adhuc, quae plurimum frumentariis largitionibus addiderunt. Atque primum quidem, quod ostendere aliquem possit, vnde aerarium tantam mensuram largitionem sustineré potuerit, quantam hucusque vidimus. Ast nisi praediis atque possessionibus certae pensiones quotannis praestandae iniunctae fuissent, certe non potuisset non fieri, quin non soluendo esset aerarium tantae multitudini. Inde multa deprehenduntur Imperatorum rescripta, quae de istis pensionibus earumque modo disponunt, vbi pertinet rescriptum VALERIANI et GALLIENI in *l. 1. C. Inst. de annon. et trib.* quod annonas is soluere debeat, qui possessiones tenet, et fructus percipit, non qui heres defuncto extitit. Et deinde, quod a DIOCLETIANO et MAXIMIANO scriptum in *l. 3. eod. indictiones non personis, sed rebus indici solent: et ideo ne ultra modum earundem possessionum, quas possides, conueniaris, praeses prouinciae prospiciet.*

§. LXIX.

Constantini M. constitutiones ad frumentariam largitionem de immunitate a conferendis annonis concedenda.

CONSTANTINUS M. per plures constitutiones rei frumentariae curam gessit, quarum aliquae in
Codice

Codice Theodosiano, aliquae vero in Justiniano nobis asseruatae sunt. Illarum praecipuae initio imperii eius editae sunt; quibus enixo studio prouidit, ne rei tributariae ad sustentandam publicam annonam fraus fieret. Prima habetur in l. 1. C. *Theod. de annon. et tribut.* cuius posterior pars haec est: *omnes pensitare debebunt, quae manu nostra delegationibus adscribuntur, nihil amplius exigendi. Nam si qui vicarius, aut Rector prouinciae aliquid iam cuiquam crediderit remittendum, quod aliis remisit, de propriis dare facultatibus compelletur.* In priori vero parte constitutionis quatuor exceptiones statuit, quibus immunitatem a conferendis annonis concessit, *rebus priuatis principis, ecclesiis catholicis, Eusebii familiae, et domui Arsacis regis Armeniorum.* Altera extat in l. 2. C. Th. eod. qua apochas, solutione facta, a susceptore tributorum acceptas ad Tabularios vel Sexagenarios deferri iubet, ne falsis apochis fraus fiat. Et tertia denique est, qua fraudibus omnibus occurrebat in l. 3. C. Th. eod. quae committi poterant in facienda adscriptione modi annonae. Rectores scilicet prouinciarum manu propria illum designare debebant, postquam indictum prouincialibus esset, canonem annuum praestandum esse. Vt autem hisce constitutionibus lucem aliquam afferamus, necesse est, ut hic notemus ad collationem annuae praestationis indictionem fieri singulis annis, cuius haec forma erat, quod edictum principis emitteretur anniuersariis

fariis vicibus, cui modus erat adscriptus manu principis. Huius indictionis particulares indictiones a scriniariis praefecti praetorio fiebant, quae per singulas provincias transmittebantur, locisque celeberrimis publicabantur, quatuor mensibus antequam collatio fieri debebat. Post publicatam indictionem fiebat partitio, siue adscriptio, prout quisque terras censibus insertas, siue obligatas teneret. Adscriptione facta fiebat exactio, et denique inlatio atque susceptio a susceptoribus, quae ibi facienda erat, ubi possessiones censibus insertae erant; quo facto a susceptoribus apochas accipiebant, easque acceptas deinde ad Tabularios seu Sexagenarios deferebant. Perferri postremo oportebat susceptas species, h. e. annonas a possessoribus ad ciuitates singulas per singulos menses, et quidem vel ad horrea, vel tantum ad limitem pro loco ac proximitate possessionem non longius. Quodsi vero longius transmittendae essent, tunc mari vel flumine per Nauicularios perferebantur.

§. LXX.

De Pistorum fraudibus ad declinandam pistoriam functionem.

De pistoribus extat rescriptum in l. 1. C. Th. de pistorib. et catabol. Rescriptum est ad Profuturum praefectum annonae, cui subiecti erant pistores, teste CASSIODORO in formula praef. ann. Lib.

Vicissitudines largitionum frumentar. &c. III

Lib. 6. form. 18. *Per officinas, inquit, pistorum discurre, pensum et munditiem panis exegis; occasio scilicet rescribendi erant fraudes a pistoribus commissae, qui fraudulenter bona sua in alios transferbant, ut postea, rebus in abdito locatis, tamquam minus idonei pistoriae functioni liberarentur, eisque alii subrogarentur. His fraudibus CONSTANTINUS constitutione hac grauiter occurrit. Cunctis Pistoribus intimari oportet, quod si quis forte possessiones suas ideo putauerit in alios transferendas, ut postea se, rebus in abdito conlocatis, minus idoneum adseueret, tanquam in locum eius alio subrogando, nihil ei haec astutia, nec detestabilia commenta profutura sunt, sed in obsequio pistrini sine ulla excusatione durabit, nec ad eius iura revocabuntur, si quas emtiones transcripserit.*

§. LXXI.

De frumento aeneo.

Peculiaris CONSTANTINI constitutio extat in l. unic. C. Th. de frumento Carthaginensi, quae interpretum ingenia mirum in modum exercuit. Si quis corpora, inquit, aeneo frumento obnoxia detraxerit, ab omni interpellatione liber sit, quamuis alia corpora possederit, siue coemerit libera ab aenei frumenti inquietudine: comparatores enim rerum obnoxiarum teneri oportet, pro modo eius rei, quam adepti sunt, etiam si extra liberalitate rem fuerint consecuti. Sed quia plerique ex magistratibus, aenei frumenti pensitatione

tione obnoxii, vel ipsi sibi dum administrant, alios subrogarunt, vel redempti pro aliis alios creauerunt, rescissis subrogationibus ad eiusdem aenei frumenti pensitationem teneantur: illos enim solos ex subrogatis perseverare oportet, quos confiterit idoneos esse facultatibus et minus idoneorum loco non a redemptis Magistratibus subrogatos. Dat. Prid. Id. Dec. Sirm I., Constantino A. IV. et Licinio IV. coff. (315) Primo de verbis solliciti sumus, post de constitutionis sensu. Corpora hic pro rebus sumi debere in aprico est; deinde loco detraxerit legendum fane est distraxerit, et possideat loco possederit, liberalitatem loco liberalitate; redempti sine dubio hic dictum pro corrupti pecunia aut gratia. Quod ad sensum in eo latet difficultas, quid sit *frumentum aeneum*. Omnem litem dirimere volunt, qui pro *aeneo frumento* reponunt *Poeno frumento*, quod vero non admittendum ex triplici hac ratione, quia 1) non de Africano in uniuersum frumento, sed de Carthaginensi tantum agitur, 2) nusquam in constitutionibus vox haec usurpatur, et denique 3) contextus aliud suadet, uti ex sequenti tractatione apparebit. Alii *aeneum frumentum* dictum esse perhibent a *modiis aeneis* frumenti, de quibus in l. modios aeneos 21. C. Th. de Sufceptoribus, cuiusmodi Romae erat in Minucia frumentaria, ad quam populus statis diebus frumentatum veniebat. SUIDAS voc. *Μαναιμ. εἰθ.* inquit, *ἵστατο μόδιος χαλκῆς*. Alii dictum *aeneum* esse putant,

vt popularein annonam, quae ex *aeneae* siue *aeræ* tabulae praescripto populo Carthaginensi diuidebatur, seu ex tessera forte aeneæ. *Cironius* L. IV. obs. *Jur. canon.* cap. 3. Verum hoc nihil est, quoniam hic non agitur de annona, quae ex fisco, siue de publico, populo praebebatur, sed contra de eo frumento, quod a priuatis ex certis corporibus et rebus pensitabatur. Alii aeneum dictum esse putant, quod olim omnes illationes et tributa aere expendebantur. Alii onaeum s. onetum frumentum hic indicari, quod extra ordinem vendere quis publice cogebatur. Alii denique paganicae superstitioni et voluptatibus s. ludicris ministeriis, quibus Carthaginenses maxime indulgebant, id adscribendum esse censent, quia certum est Carthaginenses hoc seculo mirae superstitionis cultores fuisse l. 20. *C. Th. de paganis, sacrif. et templis.* Ad hanc quoque voluptatum et ludorum curam magistratus creatos esse tam ex hac lege, quam ex *Tit. de Decurion. et Tit. de spectaculis* verisimile est. Sed tamen non nisi coniectura est, nec quicquam certum; vbi et illa Gothofrediana coniectura pertinet, quod forsan frumentum hocce ad pabulum animalium, voluptatibus publicis seruientium pertineat, et inde quasi *aerinum* frumentum legendum sit, quod ex lolio, tritici vitio, conflatum. *PLINIUS* Lib. XXII. et XXVI. et LXVIII. c. 17. Ex l. 12. *C. Th. de pistoribus et Catabolenf.* discimus adhuc, Constantinum corpori pistorum per
H
singularem

singularem legem consuluisse, cum eidem certum officii genus in Africa addiceret, vnde singulis quinquenniis aliqui Romam ad pistorum corpus mitterentur. De quo videamus infra.

§. LXXII.

De Olei distributione.

Ad olei distribuendi morem spectat CONSTANTINI constitutio, quae est in l. un. C. Th. de mensis oleariis. *Mensae oleariae*, quae ita caducae fuerint, ut nullius possit adhaerere dominio, vicenis follibus per Officinam distrahantur. Sed si quis mensam oleariam, praedictis follibus emtam, cariore pretio vendiderit, ferreis vinculis constrictus ad Illyricum transmittatur, poenam congruam luiturus. Si quis autem mensam oleariam in dominio suo retinens, viuendi cursum impleuerit, eandem mensam ad successores proprios, cum reliquis suis rebus, hereditario poterit iure transmittere. Dat. Kal. Mart. Nicomediae. VIII. Id. April. Romae Januario et Insto. coff. 328. Oleum pariter ut panem gratuitum datum populo Romano notauimus supra. Modus autem olei, qui singulis praestabatur, mensa olearia vocata est; *mensa* forsan pro *dimensa* posita, siue *dimensione*, ut *missa* pro *missione*, ut id genus alia. Non tamen, uti insulse quis putare possit, hoc est accipiendum de mensis Oleariorum *ἐλαιόπῳλων*, qui in velabro mensas suas habebant, de quibus PLAUTUS in *Captiuis Aet.* III. scen. 1. v. 28. 29.

*Pergo ad alios, venio ad alios: una res
Omnes compaſto rem agunt, quaſi in velabro
Oleariis.*

Neque menſae iſtae oleariae interpretandae ſunt, in quibus expoſitae erant menſurae oleariae, quae pertinebant ad *ελασιπώλας*. Menſas has olearias, ſive olei diſtributionem ad annonae praefectum pertinuiſſe ex inſcriptione legis huius apparet, quippe quae ad Praefectum annonae directa. Jam vero ius nouum, quod Conſtantine hac lege ſanxit, eſt, vt iure hereditario cum reliquis rebus ad ſucceſſores teſſerae oleariae transmitterentur, et ſi quando caducae factae fuerint; ad fiſcum redeant, eas per Officiales praefecti annonae vendi iubet Conſtantine viginti follibus, qui ſunt certarum nummorum aereorum ſpecies, et hac aetate valde uſitati erant, duplici tamen ſignificatu, mox maiorem, mox minorem pecuniam ſignificantes.

§. LXXIII.

*De ſuariis et carnis porcinae
diſtributione.*

De Suariis, ſive Porcinariis extat quoque reſcriptum CONSTANTINI ad Praefectum praetorio in *l. 1. C. Th. de Suariis, pecuariis et ſuſceptoribus vini ceterisque corporatis*. Illi nempe, vt iam ſupra generatim tantummodo explicatum eſt, munus publicum habebant, quod verſabatur in porcina carne

ne suscipienda et populo Romano praebenda. Conferebatur scilicet quotannis, tributum nomine ex certis prouinciis et Italiae regionibus a possessoribus, certus librorum numerus carnis porcinae, quae quandoque in sua specie suariis soluebatur, vel pretio taxata. Suariorum erat collegium, cui nonnulla competebant priuilegia, veluti immunitatis a sordidis muneribus, et a corporalibus iniuriis; ita tamen adstricti erant huic corpori, ut nemo declinare hanc functionem posset, neque ullo honore, aut dignitate, neque adeo principis rescripto, nisi idoneum pro se substitueret, imo heredes et successores singulares huic functioni obnoxii erant. Huc igitur pertinet rescriptum Constantini modo dictum in l. 1. *Quoniam Suariorum corpus, inquit, ad paucos deuenit, iubemus, eos adstante Populo Romano dicere, Quibus excusatio sit delata, quibus prouenerit onus: ut his in medium publicae rationis edoctis exemplum rei Nauiculariae proponatur. Itaque dignoscant, facultates proprias Sucriorum esse obnoxias muneri: ac de duobus alterum eligant, aut retineant bona, quae suariae functioni destituta sunt, ipsique suario teneantur obsequio, aut idoneos quos volunt, nominent; qui necessitati idem satisfaciant. Nullum enim vacare ab huius rei munere patimur. Sed siue honoribus euecti, siue quolibet versutiae genere fugerunt, reuocari eos iubemus: idque ipsum teste et audiente Populo Romano compleri, ac nos super his consuli: ut animadvertamus in eos, qui hac tergiuersione nulli penitus*

nitus tribuendas, idea, qui subripere potuerit, post beneficium infirmatum, salutis etiam periculum subituro. *Dat. VIII. Id. Mart. Rom. Optato et Paulino Coss. 334.* Sufficiant haec de olei, carnis porcinae et vini distributione dicta; plura superessent enodanda; quia vero haec plane aliena essent ab instituti ratione, mittamus ista, licet quandoque in libris et constitutionibus sequentibus occurrant. Pergamus itaque ad reliquos frumentariae largitionis vicissitudines sub reliquis Imperatoribus usque ad **IUSTINIANUM.**

§. LXXIV.

*Constantii constitutiones ad rem
frumentariam.*

CONSTANTIUS de Pistoribus rescripsit in L. 2. C. Th. de pistoribus et Catabolensibus. *Si quis pistoris filiam suo coniugio crediderit esse sociandam, pistrini consortio teneatur obnoxius, sed familiae pistoris adnexus, oneribus etiam parere cogatur. Et quoniam necessarium corpus fouendum est, patronos pistoribus constitutos ad altera functionis officia prohibeo deuocari. Caudicariorum corpori minime de cetero copulandos: ut aliis necessitatibus absoluti eam tantummodo functionem liberae mentis nisibus exsequantur.* *Dat. Prid. Non. Jul. Med. Arbitione et Lolliano coss. 355.* Duo noua per hoc constituit Imperator; Prius est de filiabus pistorum, ut qui eos uxores duxerit, tamquam de familia pistoris pistrini oneribus tenea-

tur; posterius est de patronis pistorum, quos noluit CONSTANTIVS Caudicariorum corpori et functioni misceri, sed horum munia distingui; vnus etiam functionis et corporis patronos esse voluit, non duorum, cum tamen id hactenus aliter factum fuisset. Patroni pistorum scilicet fuerunt, qui singulis pistorum officinis praeerant, quibus omnium cuiusque officinae animalium, seruorum, molarum, fundorum dotalium cura, et postremo omnis officinae et pistrini entheca commissa erat. Eorundem vnus summus erat per quinquennium; quo effluxo alius consensu corporis eligebatur, vnde *quinquennales* vocabantur, immo et quinquennialium corpus, cuius vt plurimum mentio fit in inscriptionibus vrbs Romae, qualis supra adducta. Vide Gruterum CCLV. 1. 2. 3.

CVRANTIBVS

M. CAERET:::::ZMARAGDO
L. MAEVIO. EPICTETO. QVINQ. IL
QVAESTORIBVS

C. PVPPIO:::::FIRMINO. IL

C. CALPVRNIO. MAXIMO.

et apud eundem aliam inscriptionem CCCXL. 3.

AD. SS. C. PROC. PORTVS. VTRIVSQ. A...

VIRO. INNOCENTISSIMO.

CODICARIL NAVICVLARIL ET.

QVINQ. CORP. NAVIGANTES. OB.

INSIGNEM. EJVS. ERGA. SE.

BENIVOLENTIAM. AC. SINGV.

LAREM. ABSTINENTIAM.

§. LXXV.

§. LXXV.

*Valentiniani sen. constitutiones ad
frumentariam causam.*

A Valentiniano Sen. Imperatore sine dubio plurimas constitutiones, ad rem frumentariam spectantes, habemus, quarum duodecim sunt in Tit. Cod. Theod. *de Pistoribus et Catabolensibus*, ex quibus satis apparet, quantum annonae vrbicae consuluerit Imperator. Prima imperii eius constitutio est de possessionibus, siue praediis pistorum, vbi de alienatione eorumdem sanxit, tres tantummodo titulos distinguendo. Si nempe de venditione quaeritur, pistorem *vendere* posse, cuique voluerit, duobus exceptis hominum generibus, Senatoribus et officialibus, quia emtores istorum praediorum pistrino obnoxii fiebant, ideoque necesse erat ex noua Valentiniani constitutione, vt apud praefectum annonae super hac emtione testatio deponeretur, ideoque interdicta erat venditio, nisi sub conditione officii pistorii subeundi. *Donare* praedia filiis nepotibus licebat, quia exinde pistorium officium nullum detrimentum caperet, quippe qui iam iure successionis isti officio subiecti erant. *Testamento* aliaue vltima voluntate denique nemo ea acquirere poterat, nisi simul pistoris officium susciperet. Continentur haec omnia in l. 3. C. Th. *de Pist. et Catabolens.* *Praedia rustica vel urbana, quae possident priuato iure pistores,*

nec senatorem, nec Officiale[m] comparare permittimus, (contractu pari cum aliis non interdicto.) Quippe mercatores ad venditoris officium vocabuntur, super hac emptione apud praefectum annonae testatione deposita. In donationibus vero filii excepti sunt, et nepotes: Eodem loco positis omnibus, qui qualibet proximitate iunguntur, quibus ideo non denegamus beneficium largitatis, qui et panificii necessitatem suscipere successionis iure coguntur. Haec forma servabitur et in testamentis, aut donatione, vel nouissima voluntate, ut in extraneos conlata non valeant, nisi pistoris officium sponte susceperint, qui pistorum sunt munificentiam consecuti. Dat. IV. Non. Jun. Naisso, Diuo Iouiano et Varroniano coss. 364. Distinguebantur tamen postea ab imperatore nostro in l. 13. C. Th. de pistor. et Catab. bona pistoris in dotes pistrini, hoc est, res pistrino, siue, pistorum corpori adnexas, et eas, quas priuato iure possident; illas distrahere nullo modo ex sanctione Valentiniana poterant, bene vero has. Quid autem dotis nomine comprehendatur, in hac lege nostra determinatum est, non ea scilicet tantum bona, quae, uti lex ait, in originem adscripto corpori pistorum sunt, instar dotis verum etiam propria eorum et aduentitia, quae videlicet ex successione pistorum ad heredes eorum vel quos alios deuoluta sunt; veluti si quid priuatorum institutione, dote, liberalitate aut quo alio titulo consecuti essent.

§. LXXVI.

Sanxit porro idem imperator in l. 4. C. Th. *de Pif. et Catabol.* vt Senatores ex pistoribus facti, optionem habeant, vel retinendi fuas facultates, et fic fenatoria dignitate repudiata ad piftrinum redeundi; vel fenatoriam dignitatem retinendi, et fic facultatum amittendarum, ideoneis videlicet in tantam paneficii fubftantiam fubrogatis de fuīs Deinde in l. 5. h. t. excufari iuffit filios piftorum vsque ad vicesimum annum. Tertio in l. 6. h. t. vetuit, quemquam a munere piftorum liberari, ne principis quidem refcripto, fi originarius fuerit; quod fecus eft, fi condemnatus per iudicis fententiam l. 7. C. Th. *de poenis.* Neque hoc fieri debere per vnanimem totius corporis piftorum confenfum, in l. 8. C. Th. *de piftor. et Catabol.* Neque piftor clericus factus ob declinanda piftrina liberari debet ab collegio in l. 11. C. Th. *de piftor. et Catabol.* Porro exceptionem ftatuit in iis, qui piftoris filiam duxerint, quippe qui per Constantini refcriptum officio piftorio obnoxii fiebant, quod hi facultatibus lapfi, et foluti a matrimonio iterum liberarentur a piftorum corpore in l. 14. C. Th. *de piftor. et catabol.*

§. LXXVII

De Patronis piftorum.

De Patronis piftorum extat quoque Valentini-
ani conftitutio in l. 7. C. Th. *de piftor. et catabol.*

H §

his

his verbis: *Post quinquennii tempus emensum unus prior e patronis pistorum otio et quiete donetur, ita ut ei, qui sequitur, Officinam cum animalibus, seruis, molis, fundis dotalibus pistrinorum postremo omnem enthecā, tradat atque consignet.* Dat. VIII. Id. Octobr. Altino, Diuo Jouiano et Varroniano coss. 364. Supra iam monuimus, vnum e patronorum corpore in summo actu constitutum fuisse, quod sine dubio hac lege tamquam nouum quid, introducere voluit Valentinianus. Aliam adhuc habemus constitutionem imperatoris ad Patronos spectantem in l. 12. C. Th. eod. quam tamen integram exponere nolumus. Repetiit scil. VALENTINIANUS sen. Constantini M. praeceptum, quo pistorum vrbicorum collegio hoc modo consuluit, ut ex Africa singulis lustris pistorum ex officio, quod ei corpori additum erat, mitti iuberet, et vetuit, ne quis, ordine suo mittendus, possit hanc functionem redimere, et denique sanxit contra eos iudices et Officiales, qui pistorum non mitterent.

§. LXXIII.

De Catabolensibus.

De Catabolensibus edixit VALENTINIANUS duabus legibus l. 9. et 10. C. Th. de pistor. et Catabol. Prior haec est. *Ex libertinis, Catabolensium corpori statuimus sociari eum, cuius tota substantia triginta librarum argenti aestimatione colligitur. Idque pondus siue ipsum per se habet, seu, in aliis quibuscunque*

que speciebus vel in aedificiis atque agris, dictae adscriptionis merita non transit, iubemus ab inquietudine istius molestiae segregari. Dat. III. Kalend. April. Triv.

Valentiniano et Valente A. A. cons. Posterior est:

Libertini, qui a Dominis, cuiuscunque honoris aut meriti, aliquid testamento, vel donatione meruerunt, si

aliquam rem pistrinis obnoxiam consecuti sunt, pistorum corpori copulentur. Si vero libera ab hoc nexu iisdem

sunt corporibus derelicta, Catabolensium necessitatibus obsequantur. Quin etiam si qui ex his aliis se corpori-

bis crediderunt inferendos, ab his incunctanter abstracti, ei cui hac lege sociati sunt muneri deputentur. Si autem

a clarissimis viris aliquos acceperint fundos, sic praedicto corpori pareant, ut glebae, ex qua lucratiua sunt cor-

pora, nullum praeiudicium comparetur. Dat. Non. Jul. *Letta in Pantheo* Nov. VALENTINIANO

et VALENTE A. A. cons. Satis iam ex ipsis legum

verbis constat, Valentinianum corpori Catabolensium consulere voluisse, cum hoc tempore infractum fuisset, ita ut ex libertinis Catabolenses esse

adsumendos statueret; atque, id quidem duobus

hisce casibus, quorum primus in l. 9. continetur, ubi sine dubio initio legendum et *non sociari*, quod

postrema legis pars ostendit; alter est, quo libertini catabolensibus iungendi, si a dominis, siue

patronis aliquid testamento vel donatione meruerint seu acceperint, dummodo non reus aliquam

pistrinis obnoxiam, tum enim pistorum corpori sociandos. Quodque ita constitutum, ut libertini

rein

rem pistrino obnoxiam a dominis consecuti, Catabolensium corpori sociare se non possint: et vicissim immunem a pistrini nexu consecuti, pistrino se sociare non debeant. Libertini itaque tantummodo ad Catabolensium corpus vocabantur, quia in ingenuis graue illud visum et indecens. Quae omnia tum corpori Catabolensium consulendo instituta sunt, tum vero etiam in odium libertorum, ad quos magnae diuitiae profluebant, et ad coercentes patronorum profusiones, ut deterrerentur metu catabolensis conditionis.

§. LXXIX.

Magna rei annonariae cura Valentiniiani sen.

Quod reliquum est, satis elucet VALENTINIANI cura rerum publicarum in specie annonarum, ex pluribus eius constitutionibus in l. 8. 9. 10. 11. 12. C. Th. de annona et tributis. Vetuit porro, ne annona vrbica, siue ea, quae ad Urbem Romam pertinet mutetur, hoc est, pro ipsis speciebus aurum inferatur in l. 1. et 2. C. Th. tributa in ipsis spec. infer. Nec non conditorum in publicis horreis curam gessit, et statuit, ut praefectus vrbi simul cum praefecto annonae de vrbica annona disponerent; et vetera condita, quae sub anteriore praefectura horreis illata fuerunt, et asseruantur, prius erogarentur, quam noua, quae sub praesenti praefectura horreis illata et cum vetera condita
forte

forte corrupta essent, ut nouae annonae admixtione id vitium veletur. Postremo denique cauit de frumentario custode et mensore a praefecto Urbis arbitrato eius ex iudicio eligendo, ut nobilis, prudens et fidelis sit, qui modio frumentum metiatur, aut iusta aestimatione colligat, quantum habeatur in condito. Rescripsit hocce in l. 1. C. Th. de conditis in publ. horr. hisce verbis: *Cauens, ne urbaniciani Officiales annonariis necessitatibus misceantur; omnia particeps praefectura annonaria disponas; ac iubeas ad curam propria reuocari. Ante omnia autem, quae in horreis habentur, expendi volumus, ita ut non prius ad id frumentum tendatur expensio, quod sub praefectura tua Urbis horreis infertur, quam vetera condita fuerint erogata. Si forte vetustate species ita corrupta est, ut per semet erogari sine querela non possit, eidem ex noua portione misceatur, cuius adiectione corruptio velata damnum fisco non faciat.* Ad istud autem negotium, arbitrato ac tuo iudicio, nobilis, prudens, fidelis, optime sibi conscius: pro integritatis meritis, adponatur custos ac mensor, qui vel frumenta modio metiatur, vel iustis aestimationibus colligat, quanta habeantur in condito. Dat. VI. Id. April. Diuo Iouiano et Varro-niano cons. 364. Quod retinuit JUSTINIANUS in l. 1. et 2. C. iust. de condit. in public. horreis.

§. LXXX.

Alia adhuc praescripsit VALENTINIANUS corpori pistorum, l. 11. 12. 13. et 14. C. Th. de pistoribus

pistoribus et catabolensibus, scilicet 1) ne quis ob declinanda pistrina ad Clericatum transent; quod si forte factum fuerit, reuocationi ad consortium pistorum locum esse: l. c. 11. 2) secundum Constantini M. legem iussit, ut ex Africa singulis lustris pistores ex officio, quod ei corpori additum erat, mitterentur a Iudicibus seu Rectoribus Africae ad Pistorum corpus Romam. Singulis lustris forsan factum est, propter patronorum Quinquennialium mutationem, quibus sane hi pistores consignare debebant. Quodnam vero istud Officium fuerit, hoc in obscuro latet l. c. 12. 3) Imo et illud a CONSTANTINO M. institutum retinuit, confirmavitque, quod leuiorum criminum rei, pro poena, iudicum sententia in pistrinum Urbis Romae darentur l. 3. 5. 6. 7. 9. C. Th. de poenis. 4) discrimen bonorum pistoris, in dotes pistrini i. e. res pistrino s. pistorum corpori nexas, et in eas, quas priuato iure possident, retinuit, probauitque Institutum, quod illas distrahere non possint, has possint; attamen quia nondum, definitum erat, quae res proprie dotes pistrini essent, et quaenam priuato iure possiderent, definiuit Imperator ita, ut non ea tantum bona, quae ut lex ait, in originem adscripta corpori pistorum, dotis nomen et speciem retinent, verum etiam propria eorum et aduentitia, quae videlicet ex successione Pistorum ad heredes eorum vel quos alias deuoluta sunt in l. 13. cit. 5) Denique constituit, ut, qui pistoris filiam

filiam in vxorem duxerat, pistorum consortio in tantum teneretur, vt neque dilapidatis facultatibus consortio pistorum eandem eximere posset, sed in perpetuum pistrini conditioni adstringeretur, ac si originis vinculo teneretur. l. 14. cit.

§. LXXXI.

De canone Urbis Romae.

De canone frumentario vrbis Romae, ex quo panis populi Romani vsibus ministrabatur, a pistoribus, cuius enixam curam principes gessere, bis sanxit VALENTINIANUS noster in l. 1. C. Th. de canone frument. vrbis Romae. et l. 2. C. Th. eodem. Prior quidem plane non ad largitionem frumentariam, de qua nos agimus, gratuitam scilicet pertinere videtur, qui edixit, ex prisco more seu instituto certam quantitatem frumenti, et quidem integri et intemerati pistoribus ex publico canone frumentario a mensoribus et caudicariis vendendam esse, ita tamen, ne pessimus panis populi Romani vsibus ministraretur. Posterior vero lex generatim de bonitate annonae conferendae disponit, quae ad gratuitam magis pertinere videtur, his verbis: *Nautici apud Curatorum vel Magistratuum acta fateantur, incorruptas se species suscepisse, eorumque, apud quos deponitur ista testatio, praesens aspectus probet, nihil in his esse vitii: quod eo tempore, quo ad sacrae vrbis Portum peruenit, praefectura iugiter obseruare.*

uare praeceptum est. Dat. XVlll. Kal. Jul. Remis Gratiano, A. I. et Dagalaifo. coff. 366.

§. LXXXII.

Reliquae Valentiniani constitutiones.

Superfunt adhuc aliae constitutiones maxime salutares rei frumentariae 1) ab aedibus separari non posse panes siue annonas ciuicas, et panes venditis aedibus a venditore retentos caducos fieri et fisco vindicari. l. 1. C. Th. de annon. civ. et pane gradili. 2) De non transferendo pane gradili ab vno gradu in alium in l. 2. C. Th. eod. 3) de pane gradili accipiendo s. distribuendo de gradibus, non de pistrino, in l. 3. C. Th. eod. 4) ideoque palam dispendendum esse panem in l. 4. C. Th. eod. 5) de modo ciuicae annonae popularis in vrbe Roma, quo edicto a. 369. ad populum emisso nouum constituit. Vsque ad hoc scilicet tempus popularibus inopibus viginti panes sordidi singuli duarum vnciarum semis, et sic quinquaginta vnciae vendebantur pretio nempe viliori, in quo beneficii istius et tamen alii, quam vel ciues rom. vel pauperes sese ingesserant impetrabantur, vt sibi eodem pretio panes sordidi venderentur. Nouum autem, quod VALENTINIANUS edixit, duobus capitibus constat; primum viginti panes sordidis, qui quinquaginta vnciis vendebantur, gratuitos tribui vult, nempe bucellas sex, mundas, triginta sex vncias pendentes; singulas proinde bucellas

panis erat, non mundus, minus purgatus a farre, et fursuraceus. Bucella munda vero, siue panis mundus, quo solummodo elegantiores utebantur. CIRONII *Obs. Jur. can. Lib. IV.* Secundo definit imperator, quinam ad huiusmodi annonas ciuicas admittendi non sint, et qui eas a ciuibus romanis acquirere sibi non possint, Officiales nempe, serui, et qui iam aedium panes accipiebant. Ex quo posteriori certum est, extraordinariam hanc fuisse largitionem, quoniam opponuntur hi panes iis, qui aedes sequebantur. Reliqua, quae quoad modum tribuendi panes hos edixit Imperator, ex ipsis constitutionis verbis videri licet, quam integram adscribere ex re nostra erit. l. 5. C. Th. de ann. civ. et pane gradili: *Ciuis Romanus* (non enim legi potest *ciues romanos*) *qui in viginti panibus sordidis* (qui nunc dicuntur Ardinienenses) *quingenta uncias comparabat, triginta et sex uncias in bucellis sex mundis sine pretio consequatur: ita ut ius in his nullus habeat Officialis, nullus Seruus, nemo qui aedificiorum percipiat panem: Quorum si quis se, aliqua ratione fortasse immerferit, adquisito pane priuabitur, proprium nihilominus perditurus: aut dabit pro conditione supplicium ei, qui commissam detulit fraudem, et emtoris panes et venditoris habituro: Popularibus enim, quibus non est aliunde solatium, quibus idem panis hodieque distrahitur, et eorum successoribus, clementia nostra deputabit, in quo nunc emitur loco propriis gradibus erogandum. Quibus titulus figendus est aeneus, in quem*

et panis modus, et percipientis nomen debet incidi. Etsi ad tantum alicuius temeritas eruperit, ut aut per se aut per aliquem suorum sibi quolibet modo ius panis istius atque aeræ tabulae suum voluerit nomen inferere, supradictis conditionibus subjacebit. P. P. Romae. Kalend. Aug. Valent. N. B. P. et Victore coss. 369.

6) porro anno subsequenti poenas statuit iis grauiores, ac praecedente constitutione fuerunt, qui fraudes in annonis ciuicis committerent in l. 6. C. Th. eod. et 7) denique venditiones annonarum ciuicarum nullas declarauit, et panes, quos ab Vrbe abiens, deseruerit, in horreorum conditis referuandos esse l. 7. C. Th. eod.

§. LXXXIII.

GRATIANI *cura rei frumentariae.*

GRATIANUS in l. 3. C. Th. tributa in ips. speciebus inf. repetiit Valentinianaeas sanctiones, ne liceat canonem vrbicarium adaerari, et constituit 1) in l. 1. C. Iust. de apparitor. praef. ann. *Apparitores urbanae praefecturae annonario officio sese non inserant: sed apparitorum aemulatione secuta, ministerio suo annonae praefecturae fungantur.* Deinde 2) in l. 15. C. Th. de pistoribus et Catabol. ne pistorum patronus, qui rationes conturbasset, aut bona credita decoxisset, in posterum sententia praefecti annonae uti antea saepius factum, restituerentur, idque vetuit duplici ex ratione, propter vtilitatem
annonae

annonae publicae quoniam suspicio semel aderat, et propter rerum iudicatarum auctoritatem atque constantiam, porro 3) in l. 16. eodem, modum restituendi ea, quae pistorum ex horreis urbis Romae diripuissent, determinauit: ut scilicet in quacunque alia specie in aere vel plumbo restituerent, si in frumento ipso non possent, et denique 4) per l. 17. eod. multam quinquaginta Argenti librarum iudici Africano, et totidem eius Officio dictitauit; si pistorum solito, uti supra diximus, tempore h. e. quinquennali, non misissent Romam; eiusque rei curam Vicario Africae tribuit.

§. LXXXIV.

Valentiniani jun. cura annonae urticae.

VALENTINIANUS JUN. cum admodum frequenter de defectu annonae querelae ad eum perlatae, annonae urticae enixam curam gessit, quales apud SYMMACHUM occurrunt Lib. X. epist. 50. ubi queritur, iamdiu solitorum vectigalium decretas provincias nihil contulisse, quorum ratio Hispanienses et Alexandrinos inuehere debent commeatus. Quam ob rem orat Valentinianum, ut aeternae urbis expensas a defectu sumptuum vindicet, imploratque, opem eius largam populi Romani aerario, ne cessantibus subsidiis necessaria deferantur, quae hactenus personae tenues alieno aere tolerarunt; denique ut auxilium ferat, priscoque Populo Romano beneficium seruet, qui noua etiam deferret, et urbi annueret, quod praetermissio

termiffio praeterita fufpenderit, et quod futurus ufus exponeret. Quas querelas medendi caufa, imperator in l. 18. C. Th. de annon. et tribut. poenas dixit iis, qui moram in foluendo canone committerent. Per fubfequentem l. 20. C. Th. eod. prouincialium fecuritati et indemnitati annonas foluentium confultum iuit, fraudibusque occurrit. Vt quoque ordo et veteres leges, quae collegiis, ad rem frumentariam fpectantibus, iura et priuilegia conftituerunt, diu feruetur falutis publicae caufa, repetiit imperator nofter plurima, quae a maioribus inftituta fuerunt; in fpecie vero vetuit, ne quis manceps a mancipatu piftorio liberetur, fiue decurialis militiae obtentu, fiue Principis refcripto, nempe vt fua decurialibus priuilegia conftare voluit, ita viciffim mancipatum labefactari decurialis militiae obtentu noluit; vt porro fua cuique corpori priuilegia, ita fui cuique homines feruari debent, neque vnus priuilegia ad alterius iniuriam porrigenda funt. En enixum Imperatoris ftudium in l. 18. C. Th. de piftor. et Catabol. hisce verbis: *Vt conceffa decurialibus priuilegia nolumus abrogari, ita lege fuper mancipibus data nihil iubemus imminui, Nam fi qui ab hoc ad Decurias illicite tranfierunt, vt munus evaderent Mancipatus, neceffe eft, erga eos priuilegia non poffe feruari, qui obnoxios fibimet recte vindicat functio memorata. In tantum etiam defenfiones diuerforum principum largitate conceffa erga Decurias manere decernimus, et mancipatui obnoxios iubemus*

iubemus addici, ut si quispiam super absolute Mancipatus nostrae maiestati preces obtulerit, bonorum amissione plectetur. Quod quidem non solum in Decurialibus, sed etiam in ceteris decernimus perpetua lege seruari. Dat. III. Id. Jun. Mediol. Honor. NB. P. et Euodio cons. 386. Sane igitur idem sanxit hac in re, quod VALENTINIANUS senior fecit, uti supra vidimus. Illud potissimum obseruandum, quod lex super Mancipibus data, cuius mentionem lex nostra facit, nulla alia forsan sit, quam quae in l. vñc. C. Th. de Mancipibus, continetur; constitutum scilicet erat, ut omnes, qui rescripti aduersus veteres sanctiones subreptiua defensione munirentur, functioni Mancipatus addicerentur.

§. LXXXV.

THEODOSII *M. cura annonae constantinopolitanae.*

THEODOSIUS MAGNUS quinque constitutiones super annonis ciuicis Urbis Constantinopolitanae edidit in l. 8. 9. 10. 11. et 12. C. Th. de annonis ciuic. et pane gradili, quarum quatuor priores de annonis scholarum militarium agunt, posterior in specie de annonis aedium, iisdemque militaribus, quas hic recensere nolumus, cum istae magis ad stipendium militare pertinent, quam ad frumentariam largitionem, de qua nobis hic oratio est. Deinde etiam de conuectione annonarum, terna vice constituit, et quidem 1) conuehi annonam

mansionaticam a proximis possessoribus: Limitaneam vero etiam longius positis posse, in l. 21. C. Th. de annon. et trib. 2) quibus ex locis et ad quae loca annonae conuehendae sint, in l. 22. C. Th. eod. 3) denique abrogauit nonnulla, quae a TATIANO Praef. Praet. prouincialium humeris imposita erant. l. 23. C. Th. eod. Antecessorum denique suorum constitutiones repetiit, quibus vetuere, praebitiones, siue annonas et tributa in ipsis speciebus inferendas esse, in l. 4. et 5. C. Th. trib. in ips. spec. inf. cuius constitutionis pars est ea, quae habetur in l. 19. C. Th. de ann. et tributis, per quam prouincialium securitati et indemnitati annonas soluentium consultum iuit. Postremo cohortatur Imperator potiores tantum, eosque nonnisi volentes, nonnisi pretio prorogato nonnisi forensi, etiam annonarias species fisco distrahere in l. 2. C. Th. de publ. compar. Instituit quoque nouum quendam canonem de quo mox videbimus. Constitutio eiusdem seruata nobis est in l. 2. C. Iust. de annonis ciuilibus. Centum viginti quinque modios frumenti praeter solitum canonem, per singulos dies de praesenti sexta indictione ex die Kalend. Ianuarii nomine parapeteumatis de horreis publicis huius almae vrbis, insita nostrae pietatis liberalitate tribuimus, datis sacris apicibus ad sublimissimam quoque per Orientem Praefecturam, quibus possit et modum nostrae donationis agnoscere, et incunctanter praebere,

bere, quae iussimus: quam modiationem iugiter, et in perpetuum ciuibus nostris debere conferri, valituram in aeuum hac lege sancimus.

§. LXXXV.

HONORII constitutiones de frumentatione.

Exigua ista sunt a Theodosio, quem longe superauit HONORIUS, cuius nouem constitutiones in l. 24. 25. 26. 27. 28. 29. 30. 31. et 32. C. Th. de annona et tributis continentur; in quarum prima pretum gyneceiarum specierum, id est, specierum, quae a corporatis Carthaginensibus conferebantur ad textrina Principis, quae proprio vocabulo Gynecea vocabantur, a Proconsule Africae statui iubetur. In altera sanxit, actoribus morantibus in tributis soluendis ipsos praediorum dominos teneri. Per tertiam aequalitati tributariae functionis, siue tributum soluendorum, aduersus potentiorum iniurias, tenuioribus et miseris prouincialibus per Gallios subleuandis consultum iuit. Quarta et quinta iterum de tributis et censibus edixit. Sexta extraordinariae militaris annonae, et equorum collationis curam ostendit. Septima sub poena dupli venit, ne quis canonem Africanum frumentarium Urbis Romae vsibus destinatum; octaua sanxit, nullum possessorem, neque munificum praedium pro alienis debitis, vel destitutionem esse detinendum, neque eorum praediorum defectione praegrauari. Et nona denique auri argentique illa-

tioni aduersus fufceptorum fraudes fuccurrit, exactorumque deprædationi occurrit. De erogatione ex conditis quoque in publicis horreis conftituit Imperator in l. 2. C. Th. de condit. in publ. horreis, hac ratione: *Nihil prius ex horreis confequantur, quam omnis canon, qui antiquitus eft inftitutus, fuerit completus; cognofcente Officio Urbicariæ præfefturæ decem libris auri effe mulctandum, fi quæ decreuimus fuerint temerata.* Dat. VI. Kal. Jan. Ned. Arcad. III. et Honor. III. A. A. A. cofl. 396. Quare ingruenti fami occurfum voluit, quæ tum temporis metuenda erat, hancque ob caufam mallem ego, temporariâ hanc conftitutionem exiftinare, quam perpetuam. Nec non piftorum corporiconfuluit, quaternis conftitutionibus in l. 19. 20. 21. & 22. C. Th. de piftor. & Catabol. in quarum *priore* de folatiis piftorum, deque locatione fundorum, piftorum corpori obnoxiorum fanxit; in *altera* de adfcriptis a Iudice, ordini piftorio non liberandis refcripto principis, pariter, ac fecit vterque Valentinianus Sen et Jun. In *tertia* interdiccit coniugium Thymelicorum, id eft, fcenicarum perfonarum, Aurigarum, id eft, agitatorum Circenfium cum piftoribus et piftorum pofteris; eosque verberibus affectos deportari vult, facultatesque paneficio sociari, ficuti commune piftoribus interdictum erat extra corpus piftorium coniugii conditionem quaerere, ita nominatim cum Thymelicis et Aurigis interdictum. In *quarta* denique concuti

concuti pistorem Urbis Romae clandestina fraude ab Apparitoribus Praefecti Urbis Romae vel praefecti annonae vetuit, sub poena functionis pistoriae in perpetuum. Cum qua sanctione associanda est *l. 9. C. Th. de Suariis*, unde liquet, clandestinae illud fraudis et concussionis genus esse, quod Apparitores et falsum saepe frumenti modum, et pessimae qualitatis pistoribus ex horreis Urb. Romae dedisse, mox quasi maiore modo accepto, vel melioris qualitatis frumento pistores vexasse, concussisse assumatur. Aliae quatuor Honorii constitutiones exhibentur in *l. 3. 4 5. et 6. C. Th. de Canone frum. Urb. Romae*, quibus annonae Urbis Romae sedulo prospectum iuit, quod studium ipse in primae constitutionis prologo his verbis declarat. *Tertium habetis, inquit, patres conscripti, quantum curarum impendimus, pro vestris ac populi commodis etc.* In altera et tertia canoni frumentario Urbis Romae consulere voluit, ita ut in illa vetaret, ne quis priuatus sibi vindicare quid audeat ex horreis cellulisue; in quarta denique fraudibus in canone inferendo serio occurrit, poenas grauissimas sanciendo. In posteriore imperii sui anno de patronis horreorum portuensium rescripsit, in *l. unic. C. Th. de patronis horreorum portuensium*, singulis tantum annis eos praesse debere, rationibus singulis annis redditis, ne vnquam veteris erogationis ratiocinium nouis com meatibus inferatur. Si vero quis fidelis et idoneus inueni-

retur, illum fequentem annum adminiftrare poffe, modo ne adminiftrationem horreorum Portuenfium fraudulentem vfurpet. De horreis hifce portuenfibus adeas GOTHOFREDUM ad l. vnic. Cod. Th. de patronis horreorum portuenfium, et ad l. 9. Cod. Th. de fuariis.

§. LXXXVII.

HONORII *conftitutio de pane Oftienfi et *fifcali.*

Illud adhuc fingulare eft, quod ab HONORIO profectum, qui in l. vnic. C. Th. de Pretio Panis Oftienf. refcribemat, *Panem Oftienfem, atque fifcalem vno nummo diftrahi volumus. Sancimur autem, vt nullus per facrum refcriptum audeat pretium ampliare qui fi obtulerit fupplicationem, duarum librarum auri multa ferietur. Dat. Prid. Id. April. Med. Honorio A. IV. et Eutyichiano coff. (398.)* Quae conftitutio pars eft prolixioris, quae continetur in l. 4. de Canone frum. Urb. R. Panis fifcalis, vti fupra iam vidimus, eft qui e fifcali canone frumentario confectus erat, et ex GOTHOFREDI fententia idem erat cum Oftienfi, quoniam ad portum Oftienfem canon fifcalis omnis fubuehebatur, atque ibidem piftores horrea cellulasue habebant. Emebant igitur piftores ex canone frumenti Urbis Romae frumentum leuius, aft tamen non peffimum a Caudicariis et menforibus et panem inde confectum leuiori hoc pretio vendebant, vno fcilicet nummo

nummo ex lege hac, id est, denario aereo, stipe minutissima, cuius generis sex millia denariorum solidum constituebant, vti docet Cassiodorus I. Var. 10.

§. LXXXVIII.

ARCADII *constitutiones de annonis
ciuicis.*

ARCADIUS terna vice de annonis ciuicis ad Praefectum Urbis rescripsit; bis scilicet dispensationem nouarum annonarum a patre suo THEODOSIO M. institutarum constituit in l. 13 et 14. C. Th. de annon civ. et pane Gradili. In l. c. 14. auctorem nominat diserte patrem, vti et fecit Theodosius iun. in l. 2. C. Th. de frum. Urb. Constant. imo et Themistius Orat. 6. quam sexto Theodosiani imperii anno habuit, eo nomine Theodosium laudat, quod annonam ciuicam auxerit; idque institutum fuisse eum certe in finem, vt aedium annonae supplerentur, quarum bona pars extra hos titulos alienata translataque fuerat, neque enim aliter ea alienatio probari a THEODOSIO M. quam nouas nouarum aedium exstructoribus annonas tribuendo. Ex Codice Justiniano in l. 2. de annonis ciuilib. videri potest, quantus ille nouus canon fuerit, centum scilicet viginti quinque modii frumenti per singulos dies, quod *Peritteumatis* (i. e. *supererogationis*) nomine ibi venit. De auctore huius legis, quem ob editionum diuersitatem incertum quis habere

habere potest, adeas Gothofredum in notis ad l. 14. C. Th. de annon. civ. et pane gradili. Jam vero ARCADIVS in l. c. 13. iussit, vt nulli alii ex hoc nouo canone annonae tribuerentur, quam qui testatum facerent affectum, quem erga urbem Constantinopolitanam haberent, domibus in eadem nouiter exstructis, et reuocare voluit, si alio titulo donatae fuissent annonae, quam qui domos exstruxissent. Idque tam late extendit, vt qui tantummodo sponderent, se domos exstructuros esse, si modo intra sex menses id facerent, annonae istae praeberentur, quod tamen contra vetuit, si serius exstruxerint; vnde magnum Urbis Constantinopolitanae augendae studium satis elucet, quod ex vetere Urbis Constantinopolitanae descriptione adhuc magis probatur. Attamen in l. c. 14. sibi soli reseruauit istud nouarum annonarum erogationis genus, nec tribuit quidem Praefecto Vrbi, nisi manu sua confirmasset. Tertia ARCADII constitutio est, de oleo, quod populo in gymnasia balneaeque etc. gratuitum dabatur, quam vero mittimus. Intercessit quoque per l. 3. C. Th. de condit. in publ. horreis vsurpationi a Iudicibus solitae, vetuitque, ne quis species, quae in horreis conditae fuerint, vsurpet sub poena deportationis. Omittimus tamen vberiore legis tractationem, quippe quae speciatim ad militarem annonam, siue horreaticas species pertinet.

§. LXXXIX.

THEODOSII iun. cura frumenti *Vrbis Constantinopolitanae.*

THEODOSIUS iunior magnam curam frumenti vrbis Constantinopolitanae habuit, quod ex duabus constitutionibus in l. 1. et 3. C. Th. de frum. Vrb. Constant. videri potest, quae scilicet ad publicam frumenti in usum vrbis Constantinopolitanae comparationem, extra ordinem ad prohibendam famem istius vrbis pertinent. Honorio

enim VIII. et Theodosio iun. III. coll. apud Constantinopolim magna exarsit populi seditio ob panis penuriam, ita vt extraordinaria largitio populo facienda exigeretur, quam curauit MONAXIUS Praef. Vrb. et THEODOSIUS alterno rescripto instituit, dum primo quingentas auri libras, postea vero ad sexcentas et vndecim auctas (quae summa nongentorum et nonaginta duorum millium solidorum) colligendas voluit, vt exinde frumentum coemeretur inopis plebis subleuandae causa, vetando ne quis extra proprii vsus rationem frumentum priuatim coemeret. In posteriori lege potissimum administrationis modum, et πολιτείαν circa hoc secretum aerarium, et poenas maleuersantibus constituit. Ad frumentationem ordinariam quoque addidit aliquid THEODOSIUS noster, dum in l. 2. C. Th. de frum. Vrb. Const. constitueret, annonas ciuicas domibus aestimatos

matas, non in frumento populo praeberi oportere, verum ipsos panes coctos, sic quidem vt integer canon frumentarius mancipibus consignari debeat, ne alioquin frumentum populus disperdat, aliosque in vñus eroget, atque ita rursum panem emere cogatur. Deinde quoque ciuitati Alexandrinae consuluit Theodosius, dum annonis eiusdem centum et decem modios diurnos adderet, quibus *Perissochoregiae* (*περισσοχωρηγίας*) nomen indidit, in l. 1. et 2. C. Th. de frumento *Alexandr.* Diurnos, inquit in l. 2. centum et decem modios alimoniis *Alexandrinae* ciuitati addi decernimus: vt nemo priuetur eo, quod nunc usque percepit, et *Perissochoregiae* nomen penitus amputetur, et tesserae designentur, et nostrae pietatis nomine censeantur. Dat. Prid. Non. Jun. Constantinop. *Ifidoro et Senatore* coll. 436. Coniungendae sunt cum hac lege l. 2. C. Th. de *Alexandr. pl. primatibus* et l. 189. 190. 191 et 192. C. Th. de *Decurionibus*, quibus annonarum causis maxime studiosum se praebuit. Primus **DIOCLETIANUS** ao. 302, dum *Alexandriae* moraretur, annonariam causam instituit, atque castrenses (vti vocantur) panes Alexandrinis dedit, cuius fidem facit insignis lex apud auctorem coll. legum *Mosaic, Tit. de Mathematic. et Manichaeis*, et *Sex. Aurel. VICTOR de Caes.* c. 39. Imperator noster popularem addidit, quod augmentum *περισσοχωρηγίας* nomine veniebat, quod idem est, quasi diceret *praestationem uberiores*.

Caput. IV.

*De Statu frumentariae largitionis
sub Justiniano.*

§. XC.

JUSTINIANUS cum Codicem suum componeret, maximam partem constitutionum praedefunctorum imperatorum suscepit, eorundemque instituta continuavit, idque etiam cum iis rescriptis factum esse, quae ad frumentariam causam pertinent, testantur repetitae codicis eiusdem constitutiones, quas quia potissimum iamiam explicatae sunt, tantum indicare volumus, et id quidem secundum temporum successionem.

- 1) vetustissimae omnium, quae JUSTINIANUS repetiit, constitutionum, sunt Valentiniani Sen. in l. 6. Cod. Just. de ann. et trib. de ao. 365. quae de transvectione militaris annonae ad limitem agit, interpolata parumper a TRIBONIANO, absque tamen innovatione magna, cum in codice Theodosiano hoc modo concepta sit. *Pro loco ac proximitate possessionum annona ad limitem transuehatur. Quae iussio haud difficile capit effectum si tabularii metu praesentium tormentorum a consuevis fraudibus arceantur. Dat. XV. Kal. Jul. Med. Valentiniano et Valente coss. (365.)*

2) Eiusdem

- 2) Eiusdem VALENTINIANI Sen. constitutio, est de apparitoribus praefecti annonae in l. 1. C. Just. de appar. praef. ann. quae, a Codice Theodosiano abest; supra §. 49. a nobis explicata.
- 3) Eiusdem constitutio est in l. 1. C. Just. de condit. in publ. horr. quae in l. 1. C. Th. h. t. aliter exhibetur, et supra §. 79. iam explicata est.
- 4) Eiusdem constitutio exstat in l. 2. C. Just. de condit. in publ. horr. quae a Codice Theodosiano abest.
- 5) Eiusdem constitutio est de bonitate annonae conferendae in l. 1. C. Just. de Canone frum. Urb. Romae, quae extat in l. 2. C. Th. h. t. et explicata §. 81.
- 6) VALENTINIANI Jun. constitutio recepta est in l. 7. C. Just. de ann. et tribut. quae est in l. 20. C. Th. h. t. de eadem iam supra vidimus §. 84.
- 7) THEODOSII M. in l. 8. C. Just. de ann. et trib. quae excerpta est ex l. 21. C. Th. h. t. vbi hac ratione, diuersa a Justiniana, exponitur. *Nemo possessorum ad instruendas mansiones vel conferendas species excepta limitaneorum annona, longius delegetur: sed omnis itineris ac necessitatis habita ratione.* Dat. X. Kalend. Jan. Constantinop. Arcad. A. I. et Bau-tone cons. (385.) Supra iam enodata est §. 85.

8) Eiusdem

- 8) *Eiusdem* THEODOSII in est l. 9. C. Just. de ann. et trib. et in l. 22. C. Th. h. t. quae agit, de conuectione annonarum, quibus ex locis ad quae loca.
- 9) *Eiusdem* est in l. 1. C. Just. de ann. ciuil. et in l. 10. C. Th. de ann. ciuicis et pane grad. de qua supra actum est §. 85. Aliter tamen effertur in Codice Theodosiano, interpolata certe a Triboniano.
- 10) *Eiusdem* est in l. 2. C. Just. de ann. ciuil. quae de nouo canone agit et in Codice Theodosiano deficit. Vide sis §. 85. et 88. vbi eiusdem fit mentio.
- 11) ARCADII constitutio de Officio praefecti annonae et modo canonem exigendi est in l. 2. C. Just. de apparit. praef. ann. quae a Codice Theodosiano abest; explicata iamiam §. 49.
- 12) *Eiusdem* constitutio est, ne quis iudex ea vsurpet, quae publica collatione in horrea illata sunt, in l. 3. C. Just. de cond. in publ. horr. quae est in l. 3. C. Th. h. t. supra §. 88. explicata.
- 13) HONORII constitutio in l. 2. C. Just. de canone frumentario Urb. Rom. quae est in l. 3. C. Th. h. t. et explicata §. 86.

14) *Eiusdem* constitutio in l. 3. C. Just. de can. frum. Urb. Romae, quae exhibetur in l. 5. C. Th. h. t. longe vero aliter hic asseruata est, his verbis: *Neminem patimur in mutando canone Urbis Romae nostrae clementiae beneficium postulare: Ideoque evidenti praeceptione consulentes: non solum ea rescripta, quae quoquo modo potuerint impetrari, suscipi non sinimus, verum etiam illa vocari, quae praeteritum quoque tempus elicit. Ac ne ullus subreptioni pateat aditus, eos qui posthac commutari sibi canonem in fraudem venerandae Urbis poposcerint, ad duplum retinendos esse decernimus, ut vetus dispositio suum robur obtineat.* Dat. Prid. Non. Septemb. Altino, Theodoro, V. C. coff. (399) vide supra §. 86.

15) THEODOSII jun. constitutio est in l. 1. C. Just. de frum. Alexandrino, quae exhibetur in l. 1. C. Th. h. t. vide §. 89.

16) *Eiusdem* constitutio de gratuita annona Urbis Alexandr. in l. 2. C. Just. de frum. Alex. quae est in l. 2. C. Th. h. t. vtrique explicata §. 89.

17) *Eiusdem* constitutio in l. 1. C. Just. de frum. Urb. Constantinop. quae est in l. 2. C. Th. h. t. vide supra §. 89.

18) *Eiusdem* constitutio in l. 2. C. Just. de frum. Urb. Const. quae est in l. 3. C. Th. h. t. ubi magis explicata effertur, determinata auri quantitate,

titate, quam statutam Tribonianus protulit; Sescentarum vndecim auri librarum quantitas ad coëmptionem frumentariam sit perpetuo dedicata etc. vide sis §. 89.

19) Imperatoris LEONIS constitutio de pistoribus in l. vnic. C. Iust. de pistoribus, quae a Codice Theodosiano abest, circa annum 470 data, huius tenoris est: *Quicumque ex mancipiis comitis horreorum dignitatem et officium, vel ambitione, vel gratia, vel pecunia, seu quolibet alio modo posthac fuerit adsecutus: exutus dignitate, quam contra interdictum nostrae serenitatis adeptus est, multatus etiam viginti libris auri, ad antiquum denuo consortium collegiumque reuocetur: omne etiam speciale beneficium quocumque modo contra hanc sanctionem fuerit impetratum, penitus conquiescat.*

20) Imperatoris ANASTASII constitutio est in l. 1. 2. 3. C. Iust. Vt nemini lic. in empt. spec. se excus. et de mun. Sicotom. Ultima in l. 3. notatu ceterarum dignior est haec: *Cum in ciuitate aliqua frumenti comparandi curatore opus est, eius creatio fiat arbitrio et electione Episcopi et Primorum ciuitatis, non ut videbitur creatoribus, neque ex quibus voluerint personis, sed soli ex regione illa officiales, militantes et dimissi ad munus illud sitioniae ab eis promoveantur. Hi namque, qui in publicis negotiis diu sunt exercitati, facilius sitioniae munus expedient. At omni damno liberentur, qui eam necessitu-*

dinem, curamque sustinuerint, et secundum leges discutiantur: quandoquidem aequum non est, ut ex tot laboribus damnum ferant: frumentum autem praebeant non majore pretio, quam in foro distrahatur. Qui violarit legem, aut violari concesserit, triginta librarum auri multam sustineto.

- 21) JUSTINIANUS ipse quoque disposuit circa rem annonariam, quod, si quid video, alterna tantum vice factum est, neque vlla alia eiusdem sanctio in toto iuris sui corpore existit. Ortam scilicet litem quandam, et ad se relatum rescripto dirimit, ubi inter cetera verba, quibus usus est, ostendunt, causam annonariam ad eundem ita, ut antiquitus erat, peruenisse. *Nouell. LXXXVIII. cap. II. Videmus enim, inquit, frequentari hoc in regia hac praecipua ciuitate, et aliquos interdicentes eis, qui ministrant publicas annonas, et tesseras accipiunt ab annonarum praefecto volentes suspendi administrationem: et eos qui ex hoc solummodo forsitan nutriuntur, defraudari administratione, per quam eis omnis tribuitur vitae occasio.*

Inter constitutiones quoque, quas JULIANUS Antecessor JUSTINIANO adscribit, et ad nostra tempora propagauit, occurrit cap. XXII. sanctio Imperatoris, qua ratihabet omnia illa, quae a Rege THEODORICO eius generis instituta erant. *Annonam etiam, inquit, quam et THEODORICUS dare solitus erat, et nos etiam Romanis indulsumus. in posterum*

rum etiam dari praecipimus; sicut etiam annonas quae grammaticis ac oratoribus, vel etiam medicis, vel iuris- peritis antea dari solitum erat, et in posterum suam professionem scilicet exercentibus erogari praecipimus, quatenus inuenes liberalibus studiis eruditi per nostram rempublicam floreat.

Quodsi igitur vestigia colligimus, apparet, Justiniano imperatore, annonariam causam talem fuisse, qualis olim instituta. Est numerus et ordo frumentantium, dantur tesserae, distribuuntur panes, adest pistorum collegium, pistrinum, entheca; est praefectus annonae, adstant apparitores, seruata sunt iura, et cetera quae inde sequuntur; quibus omnibus finem imposuit imperii romani exitium, haud secus fecit largitioni frumentariae.

FINIS.

1533



Quoniam non mihi superfluum esse videtur, scire nomina eorum, qui extraordinario praefecti annonae munere functi sunt, non possum non, hunc, uti ego observaui, indicem adiacere.

L. MINUCIUS a. U. CCCXIV. primus fuit annonae praefectus. Liuius Lib. IV. c. XVI. et Lib. XVIII. cap. XIII.

CN. POMPEIUS a. U. DCXCVI. Dio. Lib. XXXIX.

AMABILIANUS a. C. CCCXV. CCCXIX. sub Constantino Magno, l. 4. C. Th. de Appellat.

PROFUTVRUS a. C. CCCXIX. sub Constantino M. l. 1. C. Th. de pistor. et Catabol.

VICTORIANUS sub Constantino M.

CEREALIS a. C. CCCXXVII. sub Constantino M. l. 1. C. Th. de mensis oleariis.

JULIANUS a. C. CCCLXVI. sub Valentiniano Sen. l. 2. C. Th. de canon. frum. Urb. Romae.

AURELIANUS a. C. CCCLXVII. sub Valentiniano Sen. vide Jac. Gothofredum in Notitia dignitatum, ad Codicem Theodosianum.

DEMETRIANUS a. C. CCCLXIX. sub Valentiniano
Sen. vide Jac. Gothofredum l. c.

MAXIMINUS a C. CCCLXX. sub Valentiniano Sen.
l. 3. et 6. C. Th. de. ann. ciuic.

URSICINUS a. C. CCCLXXII. sub Valentiniano
Sen. l. 14. C. Th. de pistor. et Catab.

GREGORIUS a. C. CCCLXXVII. sub Gratiano l.
15. C. Th. de pistorib.

VITALIS a. C. CCCCH. sub Honorio l. 21. C. Th.
de pistorib, et Catabol.

I. INDEX

Auctorum allegatorum
numerus paginam denotat.

Appianus.	pag. 22.	Chopmannus	26,
	24. 78.	Cicero.	4. 22. seq.
Asconius.	53.		30. seq. 33. seq. 36.
Augustinus.	68. 102.		39. 43. seq. 48. 50.
Aurelius Victor.	79. 88.	Cironius.	113. 129.
Bulengerus	45.	Claudianus,	80.
Caius.	89.	Conradi.	28.
Callistratus.	90. 102.	Contarenus.	3. 5. seq.
Cassiodorus	66. seq.		12. 14. 18. 35. 36.
	95. 97. 110.		seq. 40. 49. seq. 52. seq.
	K 3		61.

61. 74. 76. sq. <u>81. sq.</u>	Paulus	<u>71. 73. 89.</u>
<u>85. 88. 101. seq.</u>	Pearcius	<u>26.</u>
Cortius. <u>33.</u>	Perfius.	<u>41.</u>
Demosthenes <u>37.</u>	Petitus.	<u>72.</u>
Dio. <u>38. 49. 51. 57.</u>	Philo. —	<u>83.</u>
<u>60. 62. 64. seq. 70.</u>	Plinius. 2. seq. <u>8. 12.</u>	
74. seq.	seq. 15. seq. <u>18. 22.</u>	
Dionisius Halicarnassens.	<u>43. 79. 80. 100. 113.</u>	
<u>2. 10. seq. 14.</u>	Plutarchus <u>5. 11. 21.</u>	
Festus <u>93.</u>	<u>23. 27. seq. 33. 46.</u>	
Florus <u>22. 23. seq.</u>	<u>48. 50. seq. 58. 80.</u>	
Frontinus <u>65.</u>	Pomponius. <u>63.</u>	
Gellius <u>93.</u>	Popma. <u>33.</u>	
Gothofredus <u>97. 138.</u>	Prudentius <u>97.</u>	
Gronovius <u>26.</u>	Quintilianus <u>76.</u>	
Homborgk. <u>67.</u>	Reinesius <u>72.</u>	
Isidorus <u>71.</u>	Sallustius <u>24. 33. seq.</u>	
Juvenalis <u>86. 88.</u>	<u>37. 60.</u>	
Lipsius <u>5. seq. 8. 37.</u>	Scaeuola <u>71.</u>	
<u>49. 58. 62. 74. 77.</u>	Seneca. <u>39. 41. 79.</u>	
<u>82. 88. 98.</u>	<u>83. 93.</u>	
Livius <u>2. seq. 5. seq.</u>	Spartianus <u>73. 101.</u>	
<u>9. seq. 28. 33. 43.</u>	Suidas — <u>78. 99.</u>	
Maittaire <u>28.</u>	<u>112.</u>	
Manutius <u>53.</u>	Suetonius <u>9. 48. 60. seq.</u>	
Panuius <u>85.</u>	<u>61. seq. 69. seq. 72.</u>	
	<u>77. seq. 83. seq. 103.</u>	

Sym-

Symmachus	<u>105. 131.</u>	Varro.	<u>4. 43. 93.</u>
Tacitus.	<u>65. 81. seq.</u>	Vopiscus	105.
	<u>85. seq.</u>	Xiphilinus.	<u>72.</u>
Turnebus	74. 97.	Zosimus	<u>107.</u>
Vlpianus.	<u>65. 71.</u>		

II. INDEX.

legum explicatarum.

Ex Pandectis.

l. <u>2. §. 32.</u> D. de Ori-	l. <u>52. §. 1.</u> D. de Iudi-
gine Iuris. pag. <u>63.</u>	<u>ciis.</u> <u>71.</u>
l. <u>1. §. 18. D.</u> de exer-	l. <u>26.</u> D. excusat. tu-
cit. actione. <u>65.</u>	tor. <u>73.</u>
l. <u>13.</u> D. de accusa-	l. <u>9. §. 1.</u> D. vacatio-
tionibus. <u>65.</u>	nib. <u>73.</u>
l. <u>49. §. 1.</u> de legatis.	l. <u>10. §. 1.</u> eodem. ibid.
II. <u>71.</u>	l. <u>5. §. 5. D.</u> de lure
l. <u>87. pr.</u> D. eod. ibid.	immunit. <u>102.</u>
l. <u>35. pr.</u> D. de legatis	l. <u>5. §. 3.</u> D. eod. <u>90.</u>
III. <u>71.</u>	l. vlt. D. de <u>excusa-</u>
l. <u>1. D.</u> Quod cuius-	tionib. <u>89.</u>
cunque vniuers. <u>89.</u>	

Ex Codice Justiniano.

Tit. de Apparitoribus	Tit. de Annonis ciui-
Praef. ann. p. <u>66. 130.</u>	libus <u>134.</u>
<u>144.</u>	Tit. de Conditis in
Tit. de Canone Frum.	publ. horreis <u>144.</u>
Vrb. Romae. <u>93. 144.</u>	<u>l. i. C. de hered. De-</u>
Tit. de Annonis et	curion. <u>93.</u>
Triburis. <u>108. 143. 144.</u>	

Ex Codice Theodosiano.

Tit. de pistoribus. 66.	Tit. de nauculariis
seq. <u>93. 96. 110. 113.</u>	<u>66. 68. 93.</u>
<u>117. 119.</u> seq. <u>122.</u>	Tit. de Annonis et
<u>125. 130. 132. 136.</u>	Tributis. <u>68. 109. 132.</u>
Tit. de Condit. in	<u>134. seq.</u>
publ. horr. <u>66. 125.</u>	Tit. de Frumento Vrb.
<u>136. 140.</u>	Constantinop. <u>96.</u>
Tit. de Canone Frum.	<u>139. 141.</u>
Vrb. Romae. <u>66. 68.</u>	Tit. de Decurion. <u>113.</u>
<u>127. 137.</u> seq.	Tit. de Spectaculis. <u>113.</u>
Tit. de Annonis ciui-	Tit. de Mensis olea-
cis. <u>66. 68. 97.</u> seq.	riis. <u>114.</u>
<u>128. 99. 129. 133.</u>	Tit. de frumento Car-
<u>139. seq.</u>	thag. <u>117.</u>
	Tit.

Tit. Tributa in ipsis	<u>l. 24.</u>	de Susceptoribus	<u>66.</u>
spec. infer.	<u>124. 130.</u>		
	134.	<u>l. 5.</u>	de praediis Nauicul.
Tit. de Poenis	<u>90. 121. 126</u>	<u>l. 14.</u>	de Exactionibus <u>66.</u>
Tit. de Mancipibus.	<u>133</u>	<u>l. 4.</u>	de Appellationibus.
Tit. de Patronis hor-			<u>66.</u>
reorum portuens.	<u>137</u>	<u>l. 4. de</u>	Operibus publicis.
Tit. de Pretio panis		<u>l. 4.</u>	de Executoribus <u>96.</u>
Ostiensis.		<u>l. 20.</u>	de Paganis <u>113.</u>
Tit. de Frumento.		<u>l. 1.</u>	de Suariis. <u>115</u>
Alexandr.	<u>142.</u>	<u>l. 2.</u>	de Publica Com-
<u>l. 9. de Suariis.</u>	<u>66. 93. 137.</u>	paratione.	

Ex Nouellis.

Nouella LXXX.	<u>95.</u>	Nouella Valentiniani.	<u>93.</u>
Nouella LXXXVIII.	<u>67.</u>		

III. INDEX

rerum atque verborum.

numerus paginam denotat.

Aediles Cereales	<u>63.</u>	Annona ciuica	<u>99.</u>
Aedilis primus	<u>8.</u>	— militaris	<u>99.</u>
Aerarium ad frumen-		Annonae praefectus	<u>64.</u>
tationem destinatum		— — primus	<u>12.</u>
	107.		<u>64.</u>

Anno-

Annonaria lex.	4.	Frumentum emptum.	44.
Apparitores præfecti		— — aestimatum.	44.
annonae	66.	— — imperatum	45.
Bona Porfennae ven-		— — aeneum	111.
dere quid?	6.	— — quando distri-	
Carnis porcinae di-		butum	78.
stributio.	115.	Frumenti quot genera.	1.
Catabolenses	94. 122.	— — distributores	17.
Caudicarii	93.	— — — — ex L.	
Canon Urbis Romae	127.	Sempronia.	22.
Cereales Aediles.	63.	— — — — ex L.	
Cereales a Caesare		Liuvia.	32.
creati	63.	— — — — ex L.	
Codicarii	93.	Terentia et Cassia.	39.
Codicariae naues	93.	— — — — ex L.	
Congiarium	76.	Clodia	55.
Decumae prouinciae	44.	— — quantitas ex L.	
Decumanum frumen-		Sempronia	24.
tum	44.	— — — — ex L.	
Donare quis dicatur	1.	Clodia	51.
Donatium quid	76.	— — — — Caesare et Augusto	62.
Dos pistoria.	120.	— — Curatores pu-	
Frumentum decuma-		blici Caesare et	
manum	44.	Augusto.	63.

Frumen-

Frumentatio quid.	<u>3.</u>	Frumentaria largitio	
Frumentator quis.	<u>3.</u>	Gratiano.	<u>130.</u>
Frumentaria lex.	<u>4.</u>	— — Valentiniano	
Frumentaria largitio.	<u>1.</u>	iun.	<u>131.</u>
— — eius origo.	<u>4.</u>	— — Theodosio M.	<u>133.</u>
Frumentaria largitio		— — Honorio.	<u>135.</u>
Caesare et Augusto.	<u>59.</u>	— — Arcadio	<u>139.</u>
— — Tiberio.	<u>81.</u>	— — Theodosio iun.	<u>141.</u>
— — Claudio.	<u>83.</u>	— — Iustiniano	<u>143.</u>
— — Nerone.	<u>84.</u>	vsque ad fin.	
— — Tito Vespasiano.	<u>85.</u>	Frumentariae prouinciae.	<u>19.</u>
— — Domitiano	<u>85.</u>	— — ex L. Clodia.	<u>57.</u>
— — Traiano.	<u>88.</u>	— — ex L. Sempromnia.	<u>26.</u>
— — Hadriano.	<u>100.</u>	— — Caesare et Augusto.	<u>28.</u>
— — Antonino Pio	<u>102.</u>	Frumentarii	<u>73.</u>
— — M. Aurelio Antonino.	<u>103.</u>	— — Mensores.	<u>73.</u>
— — Alexandro Severo.	<u>104.</u>	Frumentariae tesserae	<u>69.</u>
— — Constantino M.	<u>108.</u>		<u>70.</u>
— — Constantio.	<u>117.</u>	Frumentantium numerus ex L. Terentia et Cassia.	<u>21. 19.</u>
— — Valentiniano sen.	<u>119.</u>	Frumen-	

Frumentantium nu-		Largitio frumentaria	
merus ex L. Sem-		quid?	1.
pronia	23.	— — prima.	7.
— — ex L. Clodia.	54.	— — secunda.	8.
— — Caesare et Au-		— — tertia.	10.
gusto.	74.	— — quarta.	14.
— — Trajano.	100.	— — quinta.	14.
— — ex Scto Cato-		— — sexta.	15.
niano.	50.	— — septima.	15.
— — ex Lege Li-		— — octaua.	16.
uia.	32.	— — nona.	16.
Frumentantium re-		— — decima.	17.
census	57. 69.	Largitionis quantitas	
— — eius origo.	57.	— — — — ex L.	
Frumenti pretium ex		Clodia.	51.
L. Liuia.	32.	— — — — ex L.	
Gradiles panes.	79.	Sempronia	24.
Gradus frumentandi		— — — — ex L.	
causa extructi	90 seq.	Terentia et Cassia.	36.
Horrea frumentandi		— — — — Cae-	
causa extructa	72.	fare et Augusto	
— — Portuensis.	138.	Impp.	62.
Largiendi mos anti-		Lex frumentaria quæ-	
quus	6.	nam	4.
		Lex	

Lex frumentaria Sem-		Mancipatus pistorius.	<u>95.</u>
pronia	<u>20 - 27.</u>	Mancipes.	<u>95.</u>
— — Apuleia	<u>30.</u>	— — pistorii	<u>95.</u>
— — Liuia.	<u>31.</u>	Mensa olearia.	<u>114.</u>
— — Terentia et		Menfores.	<u>95.</u>
Cassia.	<u>34.</u>	Naues codicariae.	<u>93.</u>
— — an perlata?	<u>35.</u>	Nauicularii.	<u>93.</u>
— — distributores.	<u>39.</u>	Negotiantes.	<u>93.</u>
— — Clodia.	<u>71.</u>	Olei distributio.	<u>104. 114.</u>
— — — — largi-		Panes loco frumenti	
tionis quantitas.	<u>54.</u>	quando distribui	
— — — — frumen-		cœperint.	<u>86. seq. 91.</u>
tantes	<u>56.</u>	Panes palatini	<u>97.</u>
— — — — frumen-		— — gradiles	<u>97.</u>
tar. prov.	<u>57.</u>	— — populares.	<u>99.</u>
— — — — recen-		— — militares.	<u>99.</u>
fus.	<u>57.</u>	— — ciuiles.	<u>99.</u>
Leges frumentariae		— — fiscales.	<u>99.</u>
a Sylla abrogatae.	<u>33.</u>	— — Ostienses	<u>99. 138.</u>
Legis frumentariae		— — fordidi.	<u>128.</u>
antiquae fragmen-		— — mundi.	<u>129.</u>
tum.	<u>28.</u>	— — Ardinienfes.	<u>129.</u>
Legatum tesserae.	<u>71.</u>	Perissochoregia.	<u>142.</u>
Mancipatus.	<u>96.</u>	Peritteuma.	<u>139.</u>

Pistorii

160 *III. Index rerum atque verborum.*

Pistorii mancipēs.	95.	Recensus ex L. Clo-	
Pistorius mancipatus.	95.	dia.	57.
Pistorum patroni.	121.	SCtum Catonianum.	46.
Pistorum corpus.	90.92.	Sitobolenses.	94.
Pistrinum.	96.	Suarii.	115.
Praefectus annonae.	64.	Supererogatio.	138.
Quinquennales.	91.118.	Tessera frumentaria.	69.
Recensus frumentan-			70.
tium	57.69.	Tesserae legatum.	71.
— — eius origo.	57.	Tesserarii.	73.



Ser. Diritto Romano.

Corrigenda.

p. 128. *Omissa est infima linea* —, bucellas mundas
sex vnciarum. Sordidus scilicet panis.

1533

P





